

漢德春

福祿壽

范曄後漢書九十篇一百卷

唐章懷太子賢注

帝后紀十篇一十二卷

列傳八十篇八十八卷

司馬彪續漢書志八篇三十卷

梁剡令劉昭注補

後漢書目錄

帝后紀一十二卷

第一卷上

光武皇帝秀

第一卷下

光武皇帝

第二卷

顯宗孝明皇帝莊

第三卷

肅宗孝章皇帝炘

第四卷

孝和皇帝肇

孝殤皇帝隆

第五卷

孝安皇帝 祜

第六卷

孝順皇帝 保

孝沖皇帝 炳

第七卷

孝質皇帝 纘

第八卷

孝桓皇帝 志

第九卷

孝靈皇帝 宏

孝獻皇帝 協

第十卷上

光武郭皇后

光烈陰皇后

明德馬皇后

章德竇皇后

和帝陰皇后

和熹鄧皇后

第十卷下

安思閻皇后

順烈梁皇后

孝崇偃皇后

桓帝懿獻梁皇后

桓帝鄧皇后

桓思竇皇后

孝仁董皇后

靈帝宋皇后

靈思何皇后

獻帝伏皇后

獻穆曹皇后

列傳八十八卷

第一卷

劉玄

劉盆子

第二卷

王昌

劉永

張步

李憲

彭寵

盧芳

第三卷

隗囂

公孫述

第四卷

宗室四王三侯

齊武王縝

子北海靜王興

趙孝王良

成陽恭王祉

泗水王歙

安成孝侯賜

成武孝侯順

順陽懷侯嘉

第五卷

李通

王常

鄧晨

來歙

第六卷

鄧禹

子訓 孫騰

寇恂

曾孫榮

第七卷

馮異

岑彭

賈復

第八卷

吳漢

陳俊

蓋延

臧宮

第九卷

耿弇

弟國 國子秉 秉弟夔 國弟子恭

第十卷

鈞期

王霸

祭遵

從弟彤

第十一卷

任光

子隗

李忠

萬修

邳彤

劉植

耿純

第十二卷

朱祐

景丹

王梁

杜茂

馬成

傅俊

馬武

第十三卷

竇融

弟子固 曾孫憲 玄孫章

第十四卷

馬援

子廖 子防 兄子嚴 族孫棧

第十五卷

卓茂

魯恭 弟丕

魏霸

劉寬

第十六卷

伏湛

子隆

侯霸

宋弘

蔡茂

郭賀附

馮勤

趙熹

牟融

韋彪

族子義

第十七卷

宣秉

張湛

王丹

王良

杜林

郭丹

吳良

承宮

鄭均

趙典

第十八卷上

桓譚

馮衍

第十八卷下

馮衍 子豹

第十九卷

申屠剛

鮑永 子昱

鄧暉

第二十卷上

蘇竟

楊厚

第二十卷下

郎顛

襄楷

第二十一卷

郭伋

杜詩

孔奮

張堪

廉范

王堂

蘇章
族孫不韋

羊續

賈琮

陸康

第二十二卷

樊宏
子儵 族曾孫準

陰識
弟興

第二十三卷

朱浮

馮魴

虞延

鄭弘

周章

第二十四卷

梁統
子竦 曾孫商 玄孫冀

第二十五卷

張純
子奮

曹褒

鄭玄

第二十六卷

鄭興 子眾

范升

陳元

賈逵

張霸 子楷 楷子陵 陵弟玄

第二十七卷

桓榮 子郁 孫焉 曾孫鸞 玄孫典 玄孫彬

丁鴻

第二十八卷

張宗

法雄

滕撫

馮緄

度尙

楊琰

第二十九卷

劉平

趙孝

淳于恭

江革

劉般 子愷

周磐

趙咨

第三十卷上

班彪 子固

第三十卷下

班彪 子固

第三十一卷

第五倫 曾孫種

宋均 族子意

鍾離意

寒朗

第三十二卷

光武十王

東海恭王彊

沛獻王輔

楚王英

濟南安王康

東平憲王蒼

子任城孝王尚

阜陵質王延

廣陵思王荆

臨淮懷公衡

中山簡王焉

琅邪孝王京

第三十三卷

朱暉

孫穆

樂恢

何敞

第三十四卷

鄧彪

張禹

徐防

張敏

胡廣

第三十五卷

袁安

子敞 玄孫闕

張酺

韓棱

周榮

孫景

第三十六卷

郭躬

弟子鎮

陳寵

子忠

第三十七卷

班超

子勇

梁慄

第三十八卷

楊終

李法

翟酺

應奉

子劭

霍醕

爰延

徐璆

第三十九卷

王充

王符

仲長統

第四十卷

明帝八王

千乘哀王建

陳敬王羨

彭城靖王恭

樂成靖王黨

下邳惠王衍

梁節王暢

淮陽頃王昞

濟陰悼王長

第四十一卷

李恂

陳禪

龐參

陳龜

橋玄

第四十二卷

崔駟

子環 孫寔

第四十三卷

周燮

黃憲

徐穉

姜肱

申屠蟠

第四十四卷

楊震

子秉 孫賜 曾孫彪 玄孫修

第四十五卷

章帝八王

千乘貞王伉

平春悼王全

清河孝王慶

濟北惠王壽

河間孝王開

城陽懷王淑

廣宗殤王萬歲

平原懷王勝

第四十六卷

張皓

子綱

王龔

子暢

种暲

子岱拂

拂子劭

陳球

第四十七卷

杜根

欒巴

劉陶

李雲

劉瑜

謝弼

第四十八卷

虞詡

傅燮

蓋勳

臧洪

第四十九卷

張衡

第五十卷上

馬融

第五十卷下

蔡邕

第五十一卷

左雄

周舉
子颺

黃瓊
孫琬

第五十二卷

荀淑 子爽 孫悅

韓韶

鍾皓

陳寔 子紀

第五十三卷

李固 子燮

杜喬

第五十四卷

吳祐

延篤

史弼

盧植

趙岐

第五十五卷

皇甫規

張奐

段熲

第五十六卷

陳蕃

王允

第五十七卷

黨錮

劉淑

李膺

杜密

劉祐

魏朗

夏馥

宗慈

巴肅

范滂

尹勳

蔡衍

羊陟

張儉

岑暉

陳翔

孔昱

范康

檀敷

劉儒

賈彪

何顥

第五十八卷

郭太

符融

許劭

第五十九卷

竇武

何進

第六十卷

鄭太

孔融

荀彧

第六十一卷

皇甫嵩

朱雋

第六十二卷

董卓

第六十三卷

劉虞

公孫瓚

陶謙

第六十四卷上

袁紹

第六十四卷下

袁紹子譚

劉表

第六十五卷

劉焉

袁術

呂布

第六十六卷

循吏

衛颯

王景

王渙

孟嘗

劉矩

仇香

第六十七卷

酷吏

董宣

任延

秦彭

許荆

第五訪

劉寵

童恢

樊曄

李章

周紆

黃昌

陽球

王吉

第六十八卷

宦者

鄭眾

蔡倫

孫程

曹騰

單超

侯覽

曹節

呂強

張讓

第六十九卷上

儒林

劉昆

洼丹

任安

楊政

張興

戴憑

孫期

歐陽歛

牟長

宋登

張馴

尹敏

周防

孔僖

楊綸

第六十九卷下

儒林

高詡

包咸

魏應

伏恭

任末

薛漢

召馴

趙暉

董鈞

周澤

甄宇

程曾

李育

服虔

謝該

蔡玄

景鸞

杜撫

楊仁

衛宏

丁恭

鍾興

樓望

張玄

何休

穎容

許慎

第七十卷上

文苑

杜篤

夏恭

黃香

李尤

劉珍

王逸

邊韶

第七十卷下

文苑

張升

王隆

傅毅

劉毅

蘇順

葛龔

崔琦

趙壹

劉梁

邊讓

酈炎

侯瑾

高彪

張超

禰衡

第七十一卷

獨行

譙玄

李業

劉茂

温序

彭脩

索盧放

周嘉

范式

李善

王恂

張武

陸續

戴封

李充

繆彤

陳重

雷義

范丹

戴就

趙苞

向栩

諒輔

劉翊

王烈

第七十二卷上

方術

任文公

郭憲

許楊

高獲

王喬

謝夷吾

楊由

李南

李邵

段翳

廖扶

折像

樊英

第七十二卷下

方術

唐檀

公沙穆

許曼

趙彥

樊志張

單颺

韓說

董扶

郭玉

華佗

徐登

費長房

薊子訓

劉根

左慈

上成公

甘始

王和平

第七十三卷

逸民

野王二老

逢萌

王霸

井丹

高鳳

韓康

計子勳

解奴辜

王眞

向長

周黨

嚴光

梁鴻

臺佟

矯慎

戴良

法真

漢濱老父

陳留老父

龐公

第七十四卷

列女

鮑宣妻

王霸妻

姜詩妻

周都妻

曹世叔妻

樂羊子妻

陳文矩妻

孝女曹娥

許升妻

袁隗妻

龐涓母

劉長卿妻

皇甫規妻

陰瑜妻

盛道妻

孝女叔先雄

董祀妻

第七十五卷

東夷

第七十六卷

南蠻

西南夷

第七十七卷

西羌

第七十八卷

西域

第七十九卷

南匈奴

第八十卷

烏桓

鮮卑

後漢書目錄

光武帝紀第一上

後漢書一上

唐章懷太子賢注

世祖光武皇帝諱秀字文叔

禮祖有功而宗有德光武中興故廟稱世祖諡法能紹前業曰光克定禍亂曰武伏侯古今注曰秀之字曰茂

伯仲叔季兄弟之次長兄伯升次仲故字文叔焉

南陽蔡陽人

南陽郡今鄧州縣也蔡陽縣故城在今隨州棗陽縣西南高祖九世之

孫也出自景帝生長沙定王發

長沙郡今潭州縣也發生春陵節侯買 春陵鄉名本屬零陵

洽道縣在今永州唐興縣北元帝時徙南陽仍號春陵故城今在隨州棗陽縣東事具宗室四王傳

買生鬱林太守外

鬱林郡今郴州縣前書曰郡守秦官

秩二千石景帝更名太守

外生鉅鹿都尉回

鉅鹿郡今邢州縣也前書曰都尉本郡尉秦官也掌佐守典武職秩比二千石景帝更名都尉回生

南頓令欽

南頓縣屬汝南郡故城在今陳州項城縣西前書曰令長皆秦官也萬戶已上為令秩千石至六百石不滿萬戶為長秩五百石至三百石

欽生光

武光武年九歲而孤養於叔父良身長七尺三寸美須眉大口隆

準日角

隆高也許負云鼻頭為準鄭玄尚書中候注云日角謂庭中骨起狀如日

性勤於稼

種曰稼穡而兄伯升好

俠養士常非笑光武事田業比之高祖兄仲

仲鄧陽侯喜也能為產業見前書

王莽天

鳳中

王莽建國六年改為天鳳

迺之長安受尚書略通大義

東觀記曰受尚書於中大夫盧江許子威資用乏與同舍生韓

位前事精神
昆陽一戰尤
快中間用
賜字於是字

奉事靈
讓班馬

子合錢買驢令從者儻已給諸公費莽末天下連歲災蝗寇盜鋒起言賊鋒銳競起字地皇三

年天鳳六年南陽荒饑韓詩外傳曰一穀不升曰歉二穀不升曰饑三穀不升曰饑諸家賓客多

為小盜光武避吏新野新野屬南陽郡今鄧州縣續漢書曰伯升賓客劫人上避吏於新野鄧農家因賣穀於宛東

記曰時南陽旱饑而上田獨收宛縣屬南陽郡故城今鄧州南陽縣也宛人李通等已圖讖說光武云劉氏復起

李氏為輔圖河圖也讖符命之書讖驗也言為王者受命之徵驗也易坤靈圖曰漢之臣李陽也光武初不敢當然獨念

兄伯升素結輕客必舉大事且王莽敗亡已兆天下方亂遂與定

謀於是迺市兵弩十月與李通從弟軼等起於宛時年二十八

一月有星孛於張前書音義曰孛星光芒短蓬然張南方宿也續漢志曰張為周地星孛於張東南行即翼軫之分翼軫楚地是楚地將有兵亂後一年正月光

武起兵春陵攻南陽斬阜賜等殺其士眾數萬人光武都雒陽居周地除穢布新之象光武遂將賓客還春陵時伯升已會

眾起兵初諸家子弟恐懼皆亡逃自匿曰伯升殺我及見光武絳

衣大冠董巴輿服志曰大冠者謂武官冠之皆驚曰謹厚者亦復為之迺稍

自安伯升於是招新市平林兵新市縣屬江夏郡故城在今鄧州富水縣東北平林地名在今隨州隨縣東北與其帥

馬牙懷事

正本

王鳳陳牧西擊長聚廣雅曰聚居也音慈諭反光武初騎牛殺新野尉迺

得馬前書曰尉秦官秩四百石至二百石也進屠唐子鄉例曰多所誅殺曰屠唐子鄉在今唐州湖陽縣西南又殺湖陽

尉湖陽屬南陽郡今唐州縣也東觀漢記曰劉終詐稱江夏吏誘殺之軍中分財物不均眾恚恨欲反攻諸劉

光武斂宗人所得物悉曰與之眾迺悅進拔棘陽縣名屬南陽郡在棘水之陽古謝國也故城在今唐州湖陽縣西

與王莽前隊大夫甄阜王莽置六隊都置大夫一人職如太守南陽為前隊河內為後隊潁川為左隊弘農

屬正梁丘賜王莽每隊置屬正一人職如都尉戰於小長安續漢書曰清陽縣有

更始元年正月甲子朔漢軍復與甄阜梁丘賜戰於泚水西大破

之斬阜賜泚水在今唐州泚陽縣南廬江瀋縣亦有泚水與此別也泚音比伯升又破王莽納言將軍嚴尤

秩宗將軍陳茂於清陽前書曰納言虞官也掌出納王命所謂喉舌之官也歷秦漢不

帝諱也秩宗虞官也掌郊廟之事周謂之宗伯秦漢不置王莽改太常為秩宗後又典兵故進

納言秩宗皆有將軍號也清陽縣屬南郡故城在今鄧州南陽縣南在清水之陽清音育

圍宛城二月辛巳立劉聖公為天子曰伯升為大司徒光武為太

常偏將軍

前書曰奉常秦官景帝更名太常應劭漢官儀曰欲令國家盛大社稷常存故稱太常老子曰偏將軍處左上將軍處右東觀記曰時無印得定武侯家丞印佩之

入朝三月光武別與諸將徇昆陽定陵鄴皆下之

徇畧也昆陽定陵鄴皆縣名並屬潁川郡昆陽故城

在今許州葉縣北鄴今豫州鄴城縣也定陵故城在今鄴城西北鄴音於建反

多得牛馬財物穀數十萬斛轉饋宛

下莽聞阜賜死漢帝立大懼遣大司徒王尋大司空王邑

王莽時哀章所獻金

匱圖有王尋姓名王邑王商子於莽為從父兄弟也

將兵百萬其甲士四十二萬人五月到潁川復

與嚴尤陳茂合

潁川郡今洛州陽翟縣也

初光武為舂陵侯家訟逋租於尤尤見而

奇之

逋違也舂陵侯敞即光武季父也東觀記曰為季父故舂陵侯詣大司馬府訟地皇元年十二月壬寅前租二萬六千斛芻藁錢若干萬時宛人朱福亦為舅訟租於尤尤止車獨

與上語不視福上歸戲福曰嚴公寧視卿邪

及是時城中出降尤者言光武不取財物但會兵

計策尤笑曰是美須眉者耶何為迺如是初王莽徵天下能為兵

法者六十三家數百人竝召為軍吏選練武衛招募猛士

說文曰募廣求之也

旌旗輜重千里不絕

周禮曰析羽為旌熊虎為旗輜車名釋名曰輜則也謂軍糧什物雜廁載之曰其累重故稱輜重音直用反

時有長

人巨無霸

王莽連率韓博上言有奇士長一丈大十圍自謂巨無霸出於蓬萊東南五城西北詔如海濱輜車不能載三馬不能勝卧則枕鼓巨鐵箸食見前書

長一

事學寫出
怯狀

福寫

拊

心胆款和春

免紙紙上

丈大十圍已為壘尉鄭玄注周禮云軍壁曰壘崔瑗中壘校尉嚴又驅諸猛獸

猛或作獷獷猛貌也音古猛反虎豹犀象之屬已助威武自秦漢出師之盛未嘗有也

光武將數千兵徼之於陽關聚名也酈元水經注曰頽水東南經陽關聚聚夾頽水相對在今洛州陽翟縣西北諸將見

尋邑兵盛反走馳入昆陽皆惶怖憂念妻孥孥子也欲散歸諸城光武

議曰今兵穀既少而外寇彊大并力禦之功庶可立如欲分散執

無俱全且宛城未拔謂伯升圍之未拔也不能相救昆陽即破一日之間諸部

亦滅矣今不同心膽共舉功名反欲守妻子財物邪諸將怒曰劉

將軍何敢如是光武笑而起會候騎還言大兵且至城北軍陳數

百里不見其後諸將遽相謂曰更請劉將軍計之光武復為圖畫

成敗諸將憂迫皆曰諾時城中唯有八九千人光武迺使成國上

公王鳳廷尉大將軍王常留守夜自與驃騎大將軍宗桃驃騎大將軍武帝置

自霍去病始五威將軍李軼等十二騎王莽置五威將軍其衣服依五方之色曰威天下李軼初起猶假巨為號出城

南門於外收兵時莽軍到城下者且十萬光武幾不得出幾音既至

圍定陵悉發諸營兵而諸將貪惜財貨欲分留守之光武曰今若

破敵珍瑤萬倍瑤古寶字大功可成如為所敗首領無餘何財物之有眾

迺從嚴尤說王邑曰昆陽城小而堅今假號者在宛亟進大兵亟

也音紀力反彼必奔走宛敗昆陽自服邑曰吾昔已虎牙將軍圍翟義坐

不生得已見責讓翟義字文仲方進少子為東郡太守王莽居攝義心惡之迺立東平王雲子信為天子義自號柱天大將軍已誅莽莽迺使孫建王邑等

將兵擊義破之義亡自殺故坐不生得坐言才臥反見前書今將百萬之眾遇城而不能下何謂邪遇或為過遂

圍之數十重列營百數雲車十餘丈雲車即樓車稱雲言其高也升之已望敵猶墨子云公輸般為雲梯之械瞰

臨城中俯視曰瞰音苦暫反旗幟蔽野廣雅曰幟幡也音熾埃塵連天鉦鼓之聲聞數百里

說文曰鉦或為地道衝軻撞城衝軻車也詩曰臨衝閑閑許積弩亂發矢下

如雨城中負戶而汲王鳳等乞降不許尋邑自己為功在漏刻意

氣甚逸夜有流星墜營中晝有雲如壞山當營而隕不及地尺而

雲甚有
地
史記
大戰曲

散吏士皆厭伏續漢志曰雲如壞山謂營頭之星也古曰營頭之所墜其下覆軍殺將血流千里厭音一莫反六月己卯光武遂

與營部俱進自將步騎千餘前去大軍四五里而陳尋邑亦遣兵

數千合戰光武奔之斬首數十級秦法斬首一賜爵一級故因謂斬首為級諸部喜曰劉將軍

平生見小敵怯今見大敵勇甚可怪也且復居前請助將軍光武

復進尋邑兵卻諸部共乘之斬首數百千級連勝遂前時伯升拔

宛已三日而光武尙未知迺使持書報城中云宛下兵到而陽

墮其書尋邑得之不意憲音許記反諸將既經累捷膽氣益壯無不一當

百光武迺與敢死者三千人從城西水上衝其中堅敢死謂果敢而死者凡軍事中軍將

最尊居中曰堅銳自輔故曰中堅也尋邑陳亂乘銳崩之遂殺王尋城中亦鼓譟而出中

外合勢震呼動天地莽兵大潰走者相騰踐奔殪百餘里間殪仆也音於計

反或作噎會大雷風屋瓦皆飛雨下如注潢川盛溢水經曰潢水出南陽魯陽縣西

理反虎豹皆股戰士卒爭赴溺死者已萬數水為不流數過於萬故王

微俱抄

我功有境

月格

自教以奇

抄教王邑

之容如勝

公作子史

邑嚴尤陳茂輕騎乘死人度水逃去盡獲其軍實輜重車甲珍寶

不可勝算舉之連月不盡或燔燒其餘光武因復徇下潁陽縣名屬潁川郡

故城在今許州會伯升為更始所害光武自父城馳詣宛謝父城縣古應國也屬潁川郡故城在今許州葉

縣東北百伯升見害心不自安故謝司徒官屬迎弔光武光武難交私語深引過而已未

嘗自伐昆陽之功又不敢為伯升服喪飲食言笑如平常更始曰

是慙拜光武為破虜大將軍封武信侯九月庚戌三輔豪傑共誅

王莽傳首詣宛三輔謂京兆左馮翊右扶風其在長安中分領諸縣淮南子曰智過百人謂之豪白虎通云賢萬人曰傑時城中少年子弟張魚等攻莽於漸臺商

人杜吳殺莽校尉公賓就斬莽首將軍申屠建等傳莽首詣宛更始將北都洛陽曰光武行司隸校尉使前

整修宮府前書曰司隸校尉本周官武帝初置持節從中都官徒千二百人督大姦猾後罷其兵察三輔三河弘農秩比二千石首義云曰掌徒隸而巡察故曰司隸於

是置僚屬作文移東觀記曰文書移與屬縣也從事司察一如舊章續漢書曰司隸置從事史十二人秩皆百石主

督促文書時三輔吏士東迎更始見諸將過皆冠幘漢官儀曰幘者占之卑賤不冠者之所服也方

言曰覆髻謂之幘或謂之承露而服婦人衣諸子繡屣前書音義曰諸子大掖衣也如婦人之鞋衣字書無屣字續漢書作襦竝音其物反傷雄方言

抄
乃在
漢書

曰儻瑜其短者自關之西謂之襖襖郭璞注云俗名襖掖
據此即是諸于上加繡襖如今之半臂也或繡下有擁字
續漢志曰時知者見之曰為服之不中身之災也迺及見司隸僚屬皆歡喜不自

勝老吏或垂涕曰不圖今日復見漢官威儀由是識者皆屬心焉

及更始至洛陽迺遣光武曰破虜將軍行大司馬事十月持節北

度河漢官儀曰太尉秦官也武帝更名大司馬節所曰為信也曰竹為之柄長八尺曰旌牛尾

為其匪三重馮衍與田昆書曰今日一節之任建三軍之威豈特寵其八尺之竹犇牛之

尾哉續漢志曰更始時南方有童謠云諧不諧在赤眉得不得在鎮慰州郡所到部縣

輒見二千石長吏三老官屬下至佐史二千石謂郡守也長吏謂縣令長及丞

人年五十已上有修行能率眾者置曰為三老每鄉一人擇鄉三老為縣三老與令長考察黜

陟如州牧行部事漢初遣丞相史分刺州武帝改置刺史察州秩六百石成帝更名牧秩

輒平遣囚徒除玉莽苛政說文曰苛小草也言政令復漢官名吏人喜悅

爭持牛酒迎勞進至邯鄲縣名屬趙國今洛州縣也前書音義邯山名鄲故趙繆

王子林繆王景帝七代孫名元前書曰元坐殺人為大說光武曰赤眉今在河東

鴻臚所奏諡曰繆音諺東觀記曰林作臨字

但決水灌之百萬之眾可使為魚赤眉賊帥樊崇等恐其眾與王莽兵亂皆朱其眉眉相別故曰赤眉續漢書曰是時上平河北

過邯鄲林進見言赤眉可破上問其故對曰河水從列人北流如決河水灌之皆可為魚上不然之列人縣故城在今洛州肥鄉縣東北

定縣名屬真定國今恒州縣也林於是迺詐曰卜者王郎為成帝子子與前書曰立國將軍孫建奏云不知何一男子遮臣車前自稱漢氏劉子輿十二月立郎為天子都邯鄲遂遣使

者降下郡國

二年正月光武曰王郎新盛迺北徇薊縣名屬涿郡今幽州縣也王郎移

檄購光武十萬戶說文曰檄呂木簡為書長尺二寸謂之檄曰徵召也又曰曰財有所求曰購魏武奏事曰若有急即插曰雞羽謂之羽檄而故

廣陽王子劉接廣陽王名嘉武帝五代孫起兵薊中曰應郎城內擾亂轉相驚恐言

邯鄲使者方到二千石曰下皆出迎於是光武趣駕南轅趣急也讀曰促晨

夜不敢入城邑舍食道傍至饒陽縣名屬安平國在饒河之陽故城在今瀛州饒陽縣東北官屬皆乏食

光武迺自稱邯鄲使者入傳舍客館也傳音知戀反下同傳吏方進食從者飢爭

奪之傳吏疑其偽迺椎鼓數十通椎音直追反給言邯鄲將軍至給言欺誑也音殆

也音殆

官屬皆失色光武升車欲馳既而懼不免徐還坐曰請邯鄲將軍

入久迺駕去傳中人遙語門者閉之門長曰天下詎可知而閉長

者乎遂得南出晨夜兼行蒙犯霜雪蒙冒也天時寒面皆破裂至呼沱

河山海經云太戲之山滹沱之水出焉在今代州繁峙縣東流經定州深澤縣東南即光武所度處今俗猶謂之危度口臣賢案呼沱河舊在饒陽南至魏太祖曹操因饒河故瀆決合北

注新溝水所引今在饒陽縣北無船適遇冰合得過續漢書曰時冰滑馬僵迺各曰囊盛沙布冰上度焉未畢數車而陷

進至下博城西下博縣屬信都國在博水之下故曰下博故城在今冀州下博縣南邊惑不知所之有白衣老

父在道旁老父蓋神人也今下博縣西猶有祠堂指曰努力信都郡為長安守去此八十里

信都郡今冀州也光武即馳赴之信都太守任光開門出迎世祖因發旁縣

得四千人先擊堂陽貫縣皆降之堂陽及貫並屬鉅鹿郡堂陽在堂水之陽今冀州縣故城在今冀州鹿城縣西南貫音時夜反

王莽和戎卒正邳彤亦舉郡降東觀記曰王莽分鉅鹿為和戎郡卒正職如太守又昌城人劉植

宋子人耿純昌城縣屬信都國故城在今冀州西北各率宗親子弟據其縣

邑弓奉光武於是北降下曲陽縣名屬鉅鹿郡常山郡有上曲陽故此言下眾稍合樂附者至

有數萬人復北擊中山

中山國一名中人亭故城在今定州唐縣東北張曜中山記曰城中有山故曰中山拔盧奴縣名屬中

山國故城在今定州安喜縣水經注曰縣有黑水故池水黑曰盧不流曰奴因已為名

所過發奔命兵

前書音義曰舊時郡國皆有材官騎士若有急難權取驍

勇者聞命奔赴故謂之奔命

移檄邊部共擊邯鄲郡縣還復響應南擊新市真定元

氏防子皆下之

新市縣屬鉅鹿郡故城在今恒州東北元氏房子屬常山郡並今趙州縣也防與房同古字通用

因入趙界時王

郎大將李育屯柏人

縣名屬趙國今邢州縣故城在縣之西北

漢兵不知而進前部偏將朱

浮鄧禹為育所破亡失輜重光武在後聞之收浮禹散卒與育戰

於郭門大破之盡得其所獲育還保城攻之不下於是引兵拔廣

阿縣名屬鉅鹿郡故城在今趙州象城縣西北

會上谷太守耿況漁陽太守彭寵

上谷郡故城在今媯州懷戎縣魚陽

郡在漁水之陽今幽州縣

各遣其將吳漢寇恂等將突騎來助擊王郎

突騎言能衝突軍陣更始

亦遣尚書僕射謝躬討郎

漢官儀曰尚書四員武帝置成帝加一為五有侍曹尚書主丞相御史二千石尚書主制史二千石事戶曹尚書

主人庶上書事主客尚書主外國四夷事成帝加三公尚書主斷獄事僕射秦官也僕主也古者重武事每官必有主射已督課之謝躬為尚書僕射

光武因大饗

士卒遂東圍鉅鹿王郎守將王饒堅守月餘不下郎遣將倪宏劉

奉倪音五兮反率數萬人救鉅鹿光武逆戰於南絲縣名屬鉅鹿郡故城在今邢州柏人縣東北左傳齊國夏俊晉

取樂卽其地也其後南徙故加南今俗謂之倫城聲之轉也絲音力全反

月甲辰拔其城誅王郎收文書得吏人與郎交關謗毀者數千章

光武不省會諸將軍燒之曰令反側子自安反側不安也詩國風曰展轉反側更始遣

侍御史持節立光武爲蕭王蕭縣屬沛郡今徐州縣也續漢書曰更始使侍御史黃黨封上爲蕭王悉令罷兵

詣行在所蔡邕獨斷曰天子曰四海爲家故謂所居爲行在所光武辭曰河北未平不就徵自是始

貳於更始貳離異也是時長安政亂四方背叛梁王劉永擅命睢陽縣名屬梁郡今

宋州也擅專也公孫述稱王巴蜀蜀有巴郡故總言之李憲自立爲淮南王淮南郡今壽州也秦豐

自號楚黎王習鑿齒襄陽記曰秦豐黎丘鄉人黎丘楚地故稱楚黎王黎丘故城在今襄州率道縣北張步起琅邪郡有琅邪山故城今

海州胸山縣東北董憲起東海郡名今海州縣延岑起漢中郡名故城在今梁州南鄭縣東北田戎起夷陵

縣名屬南郡有夷山故曰夷陵今硤州縣也故城在今縣西北

高湖重連鐵脰大搶尤來上江青犢五校檀鄉五幡五樓富平獲

分畫
至提提敘
幸力

索等諸賊或曰山川土地為名或曰軍容疆盛為號銅馬賊帥東山荒秃上淮汎等大彭渠帥

索賊帥古師郎各領部曲續漢志曰大將軍營有五部部三眾合數百萬人所在

寇掠光武將擊之先遣吳漢北發十郡兵幽州牧苗曾不從漢遂

斬曾而發其眾秋光武擊銅馬於鄒縣名屬鉅鹿郡故城在今冀州鹿城縣東

賢按下文云吳漢將突騎來會清陽又追至館陶並與鄒相近俗本多誤作鄒而蕭該音一古反云屬太原郡臧矜音作鄒一建反云屬襄陽郡並誤也吳漢將突騎

來會清陽縣名屬清河郡今貝賊數挑戰挺身獨戰也古謂之致光武堅營自

守有出鹵掠者輒擊取之鹵與虜同郭璞注絕其糧道積月餘日賊食

盡夜遁去追至館陶大破之館陶縣屬魏受降未盡而高湖重連從

東南來與銅馬餘眾合光武復與大戰於蒲陽悉破降之封其渠

帥為列侯前書音義曰蒲陽山浦水所出在今定州北平縣西北本或作滿降者猶不

自安光武知其意敕令各歸營勒兵迺自乘輕騎案行部陳降者

更相語曰蕭王推赤心置人腹中安得不投死乎投死猶由是皆服

悉將降人分配諸將眾遂數十萬故關西號光武為銅馬帝赤眉

別帥與大彤青犢十餘萬眾在射犬續漢志曰野王縣有射犬聚故城在今懷州武德縣北也光武進

擊大破之眾皆散走使吳漢岑彭襲殺謝躬於鄴青犢赤眉賊入

函谷關攻更始函谷谷名因谷曰名關舊在弘農湖城縣西前書楊僕為樓船將軍有功恥居關外武帝迺為徙於新安故關在今洛州新安縣之東光

武迺遣鄧禹率六裨將引兵而西曰乘更始赤眉之亂時更始使

大司馬朱鮪舞陰王李軼等屯洛陽舞陰縣屬南陽郡故城在今唐州泚陽縣西北光武亦令馮

異守孟津曰拒之孔安國注尚書云孟地名在洛北都道所湊古今曰為津論衡曰武王伐紂八百諸侯同於此盟故曰盟津俗名治成津今河陽縣津也

建武元年春正月平陵人方望平陵昭帝陵也因曰為縣故城在今咸陽縣西北立前孺子劉嬰

為天子平帝崩王莽立楚孝王孫廣戚侯顯子嬰為孺子莽篡位廢為定安公更始遣丞相李松擊斬之光武

北擊尤來大搶五幡於元氏追至右北平連破之北平縣屬中山國今易州永樂縣也臣賢案東

觀記續漢書竝無右字此加右誤也營州西南別有右北平郡故城非此地又戰於順水北鄴元水經注云徐水經北平縣故城北光武追銅馬五幡破之於順

水即徐水之別名也在今易州本或作慎者誤也乘勝輕進反為所敗賊追急短兵接短兵謂刀劍也楚辭曰車錯鼓

兮短兵接光武自投高岸遇突騎王豐下馬授光武光武撫其肩而上顧

笑謂耿弇曰幾為虜嗤弇頻射卻賊得免士卒死者數千人散兵

歸保范陽縣名在范水之陽屬涿郡故城在今易州易縣東南軍中不見光武或云已歿東觀記曰上已乘王豐小馬先

到矣營門不覺諸將不知所為吳漢曰卿曹努力也曹輩王兄子在南陽何憂無

主兄子謂伯升子章及興也眾恐懼數日迺定賊雖戰勝而素懾大威懾懼也音之涉反客主

不相知夜遂引去大軍復進至安次縣名屬勃海郡今幽州縣也故城在縣東與戰破之斬

首三千餘級賊入漁陽迺遣吳漢率耿弇陳俊馬武等十二將軍

追戰於潞東潞縣名屬漁陽郡今幽州縣也有潞水因巨為名蕭該音義云潞屬上黨臣賢案潞與漁陽相接言上黨潞者非也及平谷大破

滅之平谷縣屬漁陽郡故城在今潞縣北朱鮪遣討難將軍蘇茂攻溫今洛州縣馮異寇恂與戰

大破之斬其將賈彊於是諸將議上尊號馬武先進曰天下無主

如有聖人承敝而起雖仲尼為相孫子為將猶恐無能有益反水

不收後悔無及言早當即尊位已定眾心今執謙退失於事機也孫子名武吳王闔閭將善用兵法十三篇反音翻大王雖執謙

退奈宗廟社稷何宜且還薊即尊位迺議征伐今此誰賊而馳驚

擊之乎誰謂未有主也前書音義曰直騁曰馳亂馳曰驚光武驚曰何將軍出是言可斬也武曰

諸將盡然光武使出曉之使曉諭諸將迺引軍還至薊夏四月公孫述自

稱天子光武從薊還過范陽命收葬吏士至中山諸將復上奏曰

漢遭王莽宗廟廢絕豪傑憤怒兆人塗炭尚書曰人墜塗炭孔安國注云若陷泥墜火無救之者王

與伯升首舉義兵更始因其資曰據帝位而不能奉承大統敗亂

綱紀盜賊日多羣生危蹙蹙迫也音子六反大王初征昆陽王莽自潰後拔

邯鄲北州弭定參分天下而有其二跨州據土帶甲百萬言武力

則莫之敢抗論文德則無所與辭臣聞帝王不可曰久曠天命不

可曰謙拒惟大王曰社稷為計萬姓為心光武又不聽行到南平

棘縣名屬常山郡今趙州縣故城在縣南諸將復固請之光武曰寇賊未平四面受敵何遽

欲正號位乎諸將且出耿純進曰天下士大夫捐親戚棄土壤從

大王於矢石之間者其計固望其攀龍鱗附鳳翼已成其所志耳

楊雄法言曰攀龍鱗附鳳翼要呂揚之

今功業即定天人亦應而大王留時逆眾不正號位

純恐士大夫望絕計窮則有去歸之思無為久自苦也大眾一散

難可復合時不可留眾不可逆純言甚誠切光武深感曰吾將思

之行至鄣

縣名今趙州高邑縣也鄣音火各反

光武先在長安時同舍生彊華續漢書曰彊華潁川人也彊音

其兩反

自關中奉赤伏符曰劉秀發兵捕不道四夷雲集龍鬪野四七

之際火為主

四七二十八也自高祖至光武初起合二百一十八年即四七之際也漢火德故火為主也

羣臣因復奏曰受命

之符人應為大

謂彊華奉赤伏符也

萬里合信不議同情周之白魚曷足比焉

尚書中候曰武王伐紂度孟津中流白魚躍入王舟長三尺赤文有字告曰伐紂之意也

今上無天子海內淆亂符瑞之應昭

然著聞宜答天神已塞羣望光武於是命有司設壇場於鄣南千

秋亭五成陌

壇謂築土場謂除地秦法十里一亭南北為阡東西為陌其地在今趙州柏鄉縣水經注曰亭有石壇壇有圭頭碑其陰云常山相隴西狄道馮龍所造

壇廟之東枕道有兩石翁仲南北相對焉

六月己未即皇帝位燔燎告天

天高不可達故燔柴已祭之庶高煙上通也爾雅云祭天

曰燔柴燔音煩禋于六宗精意言享謂之禋續漢志平帝元始中謂六宗為易卦六子之氣

燎音力弔反天地四方之宗祠於洛陽之北戌亥之地望于羣神山林川谷能興致雲雨者皆曰神不可徧至其祝文曰

皇天上帝后土神祇眷顧降命屬秀黎元為人父母屬音燭秀不敢當

羣下百辟不謀同辭詩大雅曰百辟卿士鄭玄注云百辟畿內諸侯也咸曰王莽篡位秀發憤興

兵破王尋王邑於昆陽誅王郎銅馬於河北平定天下海內蒙恩

上當天地之心下為元元所歸元元謂黎庶也元元猶言喁喁可矜恰之辭也讖記曰劉秀發兵

捕不道卯金脩德為天子卯金劉字也春秋演孔圖曰卯金刀名為赤帝後次代周秀猶固辭至于再

至于三羣下僉曰皇天大命不可稽留敢不敬承於是建元為建

武大赦天下改鄣為高邑是月赤眉立劉盆子為天子甲子前將

軍鄧禹擊更始定國公王匡於安邑大破之安邑縣屬河東郡今蒲州縣也斬其將劉

均秋七月辛未拜前將軍鄧禹為大司徒丁丑呂野王令王梁為

大司空野王縣屬河內郡故城在今懷州時據赤伏符文故從縣宰而超拜之事具梁傳壬午呂大將軍吳漢為大司

馬偏將軍景丹為驃騎大將軍大將軍耿弇為建威大將軍偏將

軍蓋延為虎牙大將軍偏將軍朱祐為建義大將軍中堅將軍杜

茂為大將軍時宗室劉茂自號厭新將軍王莽號新室言欲厭勝之率眾降封為中

山王己亥幸懷縣名屬河內郡故城在今懷州武陟縣西天子所行必有恩幸故稱幸遣耿弇率彊弩將軍陳

俊軍五社津水經注曰鞏縣北有五社津一名上社津有山臨河其下有穴潛通淮浦有渚謂之鮪渚呂覽云武王伐紂至鮪水即此地備滎陽己

東使吳漢率朱祐及廷尉岑彭前書廷尉秦官也聽獄必質於朝廷與眾共之尉平也故稱廷尉執金吾賈

復前書曰中尉秦官武帝改為執金吾吾禦也掌執兵革曰禦非常揚化將軍堅鐔等十一將軍鐔音徒南反圍朱

鮪於洛陽八月壬子祭社稷癸丑祠高祖太宗世宗於懷宮進幸

河陽更始廩丘王田立降廩丘縣屬東郡城在今濮州雷澤縣北也九月赤眉入長安更始

奔高陵辛未詔曰漢制度曰帝之下書有四一曰策書二曰制書三曰詔書四曰誡敕策書者編簡也其制長二尺短者半之策書起年月日稱皇帝曰命諸侯

王三公已罪免亦賜策而已隸書用尺一木兩行唯此為異也制書者帝者制度之命其文曰制詔三公皆璽封尚書令印重封露布州郡也詔書者詔告也其文曰告某官云如故事誠敕者謂

敕刺史太守其文曰有詔敕某官他皆倣此更始破敗棄城逃走妻子裸袒流穴道路穴音人勇反穴散也

朕甚愍之今封更始為淮陽王

淮陽郡故城在今陳州宛丘縣西南

吏人敢有賊害者梟

同大逆甲申己前高密令卓茂為太傅

高密縣屬高密國今密州縣故城在今縣之西南卓曰平帝時為密令故曰前

辛卯朱鮪舉城降冬十月癸丑車駕入洛陽幸南宮卻非殿遂定

都焉

蔡質漢典職儀曰南宮至北宮中央作大屋複道三道行天子從中道從官夾左右十步一衛兩宮相去七里又洛陽宮閣名有卻非殿臣賢案俗本或作御北殿者誤

岑彭擊荊州羣賊十一月甲午幸懷劉永自稱天子十二月丙戌

至自懷赤眉殺更始而隗囂據隴右盧芳起安定郡名今涇州縣破虜大將

軍叔壽擊五校賊於曲梁戰歿

曲梁屬廣平國今洺州縣也

二年春正月甲子朔日有食之

續漢志曰在危入度虛危齊地賊張步擁兵據齊至五年迺破

大司馬吳漢

率九將軍擊檀鄉賊於鄴東大破降之庚辰封功臣皆為列侯大

國四縣餘各有差下詔曰人情得足苦於放縱快須臾之欲忘慎

罰之義

尚書曰罔不明德慎罰亦克用勸孔安國注云慎刑罰亦能用勸善也

惟諸將業遠功大誠欲傳於無

窮宜如臨深淵如履薄冰戰戰慄慄日慎一日

太公金匱曰黃帝居人上端憚若臨深淵舜居人上矜矜

如履薄冰禹居人上慄慄如不滿日敬勝其顯效未誅名籍未立者大鴻臚趣

上續漢志曰大鴻臚卿一人中二千石掌諸王入朝及拜諸侯封者趣音促朕將差而錄之博士丁恭議曰古帝

王封諸侯不過百里史記太史公曰武王成康所封數百而同姓五十地不過百里故利曰建侯取法於雷

易屯卦震下坎上震為雷初九曰利建侯又曰震驚百里故封諸侯地方百里曰法雷也強幹弱枝所曰為治也今封諸侯四

縣不合法制帝曰古之亡國皆曰無道未嘗聞功臣地多而滅亡

者迺遣謁者即授印綬前書曰謁者秦官掌賓讚受事員七十人秩比六百石中興但

王金璽綬綴列侯金印紫綬繅音戾草名也似艾可染綠因曰名綬也策曰在上不驕高而不危制節謹度滿而

不溢敬之戒之傳爾子孫長為漢藩藩屏也言建諸侯所曰為國之藩蔽也詩大雅曰四國于藩壬午更

始復漢將軍鄧綽輔漢將軍于匡降皆復爵位壬子起高廟建社

稷於洛陽立郊兆於城南始正火德色尚赤漢禮制度曰人君之居前有朝後有寢終則制廟曰象朝後制

寢曰象寢光武都洛陽迺合高祖曰下至平帝為一廟藏十一帝主於其中元帝次當第八光武第九故立元帝為祖廟後遵而不改續漢志曰立社稷於洛陽在宗廟之右皆方壇四面及中各

依方色無屋有墻門而已曰虎通曰天子之壇方五丈諸侯之壇半天子之壇社者土也人非土不立非穀不食故封土立社示有土也稷者五穀之長得陰陽中和之氣故祭之也續漢書曰制

郊兆於洛陽城南七里為壇八陛中又為重壇天地位皆在壇上其外壇上為五帝位青帝位在甲寅赤帝位在丙巳黃帝位在丁未白帝位在庚申黑帝位在壬亥其外為壇重營皆紫日象紫宮營有通道曰為門日月在營內南道日在東月在西北斗在北道之西外營中營凡千五百一十四神高皇帝配食焉北郊在洛陽城北四里方壇四陛地祇位南而西上高皇后配西面皆在壇上地理羣后從食皆在壇下中祿在未四嶽各依其方淮海俱在東河在西濟在北江在南餘山川各如其方漢初土德色尚黃至此始明火德微幟尚赤服色於是酒正 是月赤

眉焚西京宮室發掘園陵園謂塋域陵謂山墳寇掠關中大司徒鄧禹入長安

遣府掾奉十一帝神主納於高廟漢官儀曰司徒府掾屬三十一人秩千石十一帝謂高祖至平帝神主巨木為之方尺二寸穿

中央達四方天子主長尺二寸諸侯主長一尺虞主用桑練主用栗衛宏舊漢儀曰已葬收主為木函藏廟太室中西壁坎中去地六尺一寸祭則立主於坎下 眞定王楊

臨邑侯讓謀反楊景帝七代孫讓即楊弟遣前將軍耿純誅之二月己酉幸修武縣屬河內郡本殷之甯邑韓詩外傳曰武王伐紂勒兵於甯改曰修武今懷州縣也

大司空王梁免壬子呂太中大夫宋

弘為大司空遣驃騎大將軍景丹率征虜將軍祭遵等二將軍擊

弘農賊破之因遣祭遵圍蠻中賊張滿蠻中聚名故戎蠻子國在今汝州西南俗謂之麻城漁陽太

守彭寵反攻幽州牧朱浮於薊延岑自稱武安王於漢中辛卯至

自修武三月乙未大赦天下詔曰頃獄多寃人用刑深刻朕甚愍

之孔子云刑罰不中則民無所措手足論語其與中二千石諸大夫

博士議郎議省刑法遣執金吾賈復率二將軍擊更始郾王尹遵

破降之遵或作尊驍騎將軍劉植擊密賊戰歿密縣屬河南郡今洛州縣遣虎牙大將軍蓋

延率四將軍伐劉永夏四月圍永於睢陽更始將蘇茂殺淮陽太

守潘蹇而附劉永甲午封叔父良為廣陽王兄子章為太原王章

弟興為魯王春陵侯嫡子祉為城陽王城陽國故城在今沂州臨沂縣南五月庚辰封

更始元氏王歙為泗水王泗水國今兗州縣也故真定王楊子德為真定王周

後姬常為周承休公武帝封周後姬嘉為周子南君成帝封姬延為周承休公常即延之後承休所封故城在今汝州東北癸未詔

曰民有嫁妻賣子欲歸父母者恣聽之敢拘執論如律六月戊戌

立貴人郭氏為皇后子彊為皇太子大赦天下增郎謁者從官秩

各一等前書曰郎官掌守門戶出充車騎有議郎中郎侍郎郎中秩六百石已下丙午封宗子劉終為淄川王淄川國今淄州

秋八月帝自將征五校丙辰幸丙黃縣名屬魏郡今相州縣大破五校於諶陽

降之蕘陽聚名屬魏郡故城在今相州堯城縣東諸本有作蕘者誤也左傳云晉荀盈如齊逆女還卒於戲陽杜預注云內黃縣北有戲陽城戲與蕘同音許宜反遣游擊

將軍鄧隆救朱浮與彭寵戰於潞隆軍敗績蓋延拔睢陽劉永奔

譙今亳州縣破虜將軍鄧奉據清陽反九月壬戌至自內黃驃騎大將軍

景丹薨延岑大破赤眉於杜陵縣名屬京兆周之杜伯國在今萬年縣東南關中饑民相食冬

十一月己廷尉岑彭為征南大將軍率八將軍討鄧奉於堵鄉水經

注曰堵水南經小堵鄉在今唐州方城縣堵音者銅馬青犢尤來餘賊共立孫登為天子於上郡

春秋保乾圖曰賊臣起名孫登巧用法多技方蓋立已應之上郡故城在今涇州上縣東南登將樂玄殺登言其眾五萬餘人

降遣偏將軍馮異代鄧禹伐赤眉使太中大夫伏隆持節安輯青

徐二州招張步降之爾雅曰輯和也音集十二月戊午詔曰惟宗室列侯為王

莽所廢先靈無所依歸朕甚愍之其竝復故國若侯身已歿屬所

上其子孫見名尚書封拜屬所謂侯子孫所屬之郡縣也錄其見名上於尚書封拜之是歲蓋延等大破

劉永於沛西沛今徐州縣也初王莽末天下旱蝗黃金一斤易粟一斛至是

野穀旅生旅寄也不因播種而生故曰麻未尤盛野蠶成繭被於山阜人收

其利焉

三年春正月甲子己偏將軍馮異為征西大將軍杜茂為驃騎大

將軍大司徒鄧禹及馮異與赤眉戰於回溪溪名也俗名回坑在今洛州永寧縣東禹異敗

績征虜將軍祭遵破蠻中斬張滿辛巳立皇考南頓君已上四廟

壬午大赦天下閏月乙巳大司徒鄧禹免馮異與赤眉戰於峭底

大破之峭山名底阪也一名嶽岑山在今洛州永寧縣西北餘眾南向宜陽縣名屬弘農郡韓國都也故城在今洛州福昌縣東韓城是也帝

自將征之己亥幸宜陽甲辰親勒六軍大陳戎馬大司馬吳漢精

卒當前中軍次之驍騎武衛分陳左右赤眉望見震怖遣使乞降

丙午赤眉君臣面縛面備也謂反奉高皇帝爾綬蔡邕獨斷曰皇帝六璽皆玉螭虎紐文曰皇帝行璽皇帝

之璽皇帝信璽天子行璽天子之璽天子信璽皆曰武都紫泥封之玉璽譜曰傳國璽是秦始皇初定天下所刻其玉出藍田山丞相李斯所書其文曰受命于天既壽永昌高祖至霸上秦王子

嬰獻之至王莽篡位就元后求璽不與曰威逼之迺出璽投地璽上螭一角詔曰屬城門

缺及莽敗李松持璽詣苑上更始更始敗璽入赤眉劉盆子既敗曰奉光武

校尉

前書曰城門校尉掌京師城門屯兵秩比二千石也

戊申至自宜陽己酉詔曰羣盜縱橫賊害

元元益子竊尊號亂惑天下朕奮兵討擊應時崩解十餘萬眾束手

降服先帝璽綬歸之王府斯皆祖宗之靈士人之力朕曷足已

享斯哉

享當也

其擇吉日祠高廟賜天下長子當為父後者爵人一級

二月己未祠高廟受傳國璽劉永立董憲為海西王

海西縣屬琅邪郡

張步

為齊王步殺光祿大夫伏隆而反幸懷遣吳漢率二將軍擊青犢

於軹西大破降之

軹縣屬河內郡故城在今洛州濟源縣東南

三月壬寅己大司徒司直伏湛

為大司徒

續漢志曰光武即位依武帝故事置司徒司直建武十一年省

彭寵陷薊城寵自立為燕王帝自

將征鄧奉幸堵陽夏四月大破鄧奉於小長安斬之馮異與延岑

戰於上林破之

關中上林苑也

吳漢率七將軍與劉永將蘇茂戰於廣樂大

破之

廣樂地關今宋州虞城縣有長樂故城蓋避隋煬帝諱

虎牙大將軍蓋延圍劉永於睢陽五月己

酉車駕還宮乙卯晦日有食之

續漢志曰日在柳十四度柳河南也時樊崇謀作亂其七月伏誅

六月壬戌

大赦天下耿弇與延岑戰於穰大破之穰縣屬南陽郡今鄧州縣秋七月征南大將

軍岑彭率三將軍伐秦豐戰於黎丘大破之獲其將蔡宏庚辰詔

曰吏不滿六百石下至墨綬長相有罪先請續漢志曰縣大者置令一人千石其次置長四百石小者三百

石侯國之相亦如之皆掌理人竝秦制男子八十已上十歲已下及婦人從坐者自非不道

詔所名捕皆不得繫詔書有名而特捕者當驗問者即就驗女徒雇山歸家前書

音義曰令甲女子犯徒遣歸家每月出錢雇人於山伐木名曰雇山蓋延拔睢陽獲劉永而蘇茂周建立永子

紆為梁王冬十月壬申幸春陵祠園廟因置酒舊宅大會故人父

老光武舊宅在今隨州棗陽縣東南宅南二里有白水焉即張衡所謂龍飛白水也十一月乙未至自春陵涿郡太守

張豐反涿郡故城在今幽州范陽縣是歲李憲自稱天子西州大將軍隗囂奉奏時鄧

禹承制命囂為西州大將軍專制涼州朔方事建義大將軍朱祐率祭遵與延岑戰於東陽斬其

將張成東陽聚名也故城在今鄧州南臨淮郡復有東陽縣非此地也

四年春正月甲申大赦天下二月壬子幸懷壬申至自懷遣右將

軍鄧禹率二將軍與延岑戰於武當破之武當縣屬南陽郡有武當山今均州縣也夏四月

丁巳幸鄴己巳進幸臨平縣名屬鉅鹿郡故城在今定州鼓城縣東南遣大司馬吳漢擊五校

賊於箕山大破之吳漢傳曰東郡箕山五月進幸元氏辛巳進幸盧奴遣征虜

將軍祭遵率四將軍討張豐於涿郡斬豐六月辛亥車駕還宮七

月丁亥幸譙遣捕虜將軍馬武偏將軍王霸圍劉紆於垂惠垂惠聚名在今

亳州山桑縣西北一名禮城董憲將賁休已蘭陵城降憲圍之前書曰賁赫賁音肥今姓作賁音奔蘭陵縣屬東海郡故城在

今沂州丞縣東虎牙大將軍蓋延率平狄將軍龐萌救賁休不克蘭陵為憲

所陷秋八月戊午進幸壽春今壽州縣太中大夫徐暉擅殺臨淮太守

劉度暉坐誅遣揚武將軍馬成率三將軍伐李憲九月圍憲於舒

縣名故城在今廬州廬江縣西冬十月甲寅車駕還宮太傅卓茂薨十一月丙申幸宛

遣建義大將軍朱祐率二將軍圍秦豐於黎丘十二月丙寅進幸

黎丘是歲征西大將軍馮異與公孫述將程焉戰於陳倉破之

五年春正月癸巳車駕還宮二月丙午大赦天下捕虜將軍馬武

偏將軍王霸拔垂惠乙丑幸魏郡今相州也壬申封殷後孔安為殷紹嘉

公武帝封孔吉為殷紹嘉公安即吉之裔也彭寵為其蒼頭所殺漁陽平秦呼人為黔首謂奴為蒼頭者曰別於良人也大

司馬史漢率建威大將軍耿弇擊富平獲索賊於平原大破降之

平原郡今德州縣也復遣耿弇率二將軍討張步三月癸未徙廣陽王良為趙

王始就國平狄將軍龐萌反殺楚郡太守孫萌而東附董憲遣征

南大將軍岑彭率二將軍伐田戎於津鄉大破之南郡有津鄉故城在今荆州江陵縣東夏

四月旱蝗河西大將軍竇融始遣使貢獻五月丙子詔曰久旱傷

麥秋種未下朕甚憂之將殘吏未勝獄多寃結元元愁恨感動天

氣乎其令中都官三輔郡國出繫囚前書音義曰中都官謂京師諸官府也國謂諸侯王國也臯非犯

殊死一切勿案殊死謂斬刑殊絕也左傳曰斬其木而弗殊一切謂權時非久制也並見前書音義見徒免為庶人務進

柔良退貪酷各正厥事焉臣賢案范曄序例云帝紀畧依春秋唯字彗曰食地震書餘悉備於志流俗本於此下多有甲申白虹見南北竟天

者誤它皆放此六月建義大將軍朱祐拔黎丘獲秦豐而龐萌蘇茂圍桃城

任城國有桃聚故城在今兗州任城縣北帝時幸蒙縣名屬梁國故城在今宋州北因自將征之先理兵任城迺

進救桃城大破萌等秋七月丁丑幸沛祠高原廟前書音義曰原再也謂已立廟更立者為原

詔修復西京園陵進幸湖陵征董憲湖陵縣屬山陽郡故城在今兗州方與縣東一名湖陸又幸蕃縣名屬魯國故城在今徐州滕縣

徐州滕縣蕃音皮遂攻董憲於昌慮大破之昌慮縣屬東海郡故城在今徐州滕縣東南古邾國之濫邑也左傳曰邾庶其

即此地八月己酉進幸邾縣名屬東海郡故城在今泗州下邳縣東北邾音談留吳漢攻劉紆董憲

等車駕轉徇彭城下邳吳漢拔邾獲劉紆漢進圍董憲龐萌於胸

縣名屬東海郡故城在今海州朐山縣西音其于反冬十月還幸魯使大司空祠孔子耿弇等與張

步戰於臨淄大破之臨淄今青州縣帝幸臨淄進幸劇縣名故城在今青州壽光縣南故紀國城也張步

斬蘇茂呂降齊地平初起太學陸機洛陽記曰太學在洛陽城故開陽門外去宮八里講堂長十丈廣三丈車駕還

宮幸太學賜博士弟子各有差十一月壬寅大司徒伏湛免尚書

令侯霸為大司徒十二月盧芳自稱天子於九原縣名屬五原郡故城在今勝州銀城縣西

州大將軍隗囂遣子恂入侍交阯牧鄧讓率七郡太守遣使奉貢

交阯郡今交州縣也南濱大海輿地志云其夷足大指開析兩足並立指則相交阯與趾同古字通應劭漢官儀曰始開北方遂交於南為子孫基阯也七郡謂南海蒼梧鬱林合浦交阯九真日南並屬交州

見續漢書 詔復濟陽二年徭役 濟陽縣故城在今曹州冤句縣西南皇考南頓君初為濟陽令曰哀帝建平元年帝生於濟陽宮故復之

前書音義曰復謂除其賦役也復音福 是歲野穀漸少田畝益廣焉

光武帝紀卷第一上終

金陵書局修
汲古閣本

後漢書一

光武帝紀卷第一下

後漢書一下

唐章懷太子賢注

六年春正月丙辰改春陵鄉為章陵縣。世世復徭役。比豐沛無有

所豫。高祖豐沛邑人故代代復今比之也復音福辛酉詔曰往歲水旱蝗蟲為災穀價騰躍言踴

也。貴人用困乏。朕惟百姓無已自贍。惻然愍之。其命郡國有穀者給

稟。說文稟賜穀也音筆錦反高年鰥寡孤獨及篤癯無家屬貧不能自存者如律

大戴禮曰六十無妻曰鰥五十無夫曰寡禮記曰幼而無父曰孤老而無子曰獨爾雅曰篤困也蒼頡篇曰癯病也漢律今亡

失職。職猶常也揚武將軍馬成等拔舒獲李憲。二月大司馬吳漢拔胸獲

董憲龐萌。山東悉平。諸將還京師置酒賞賜。三月公孫述遣將任

滿寇南郡。今荆州也夏四月丙子幸長安。始謁高廟。遂有事十一陵。有事謂祭也左

傳曰有事於太廟高祖長陵惠帝安陵文帝霸陵景帝陽陵武帝茂陵昭帝平陵宣帝杜陵元帝渭陵成帝延陵哀帝義陵平帝康陵。遣虎牙大將軍蓋

延等七將軍從隴道伐公孫述。五月己未至自長安。隗囂反。蓋延

等因與囂戰於隴坻諸將敗績辛丑詔曰惟天水隴西安定北地

並郡名天水今秦州安定今涇州北地今寧州隴西今渭州

吏人為隗囂所誣誤者

說文曰誣亦誤也音古賣反

又三輔遭

難赤眉有犯法不道者

前書音義曰律殺不辜一家三人為不道

自殊死曰下皆赦除之六月

辛卯詔曰夫張官置吏所曰為人

管子曰張官置吏所曰奉主之法

今百姓遭難

戶口耗少而縣官吏職所置尙繁其令司隸州牧

漢官儀曰司隸校尉部河南河內右扶風左馮

翊京兆河東弘農七郡於河南洛陽故謂東京為司隸

各實所部省減吏員縣國不足置長吏可并合

者

并音必政反

上大司徒大司空二府於是條奏并省四百餘縣吏職減

損十置其一代郡太守劉興擊盧芳將賈覽於高柳戰歿

高柳縣屬代郡故城

在今雲州定襄縣

初樂浪人王調據郡不服

樂浪郡故胡鮮國也在遼東

秋遣樂浪太守王遵

擊之郡吏殺調降遣前將軍李通率二將軍與公孫述將戰於西

城破之

西城縣屬漢中今金州縣也

夏蝗秋九月庚子赦樂浪謀反大逆殊死已下

丙寅晦日有食之冬十月丁丑詔曰吾德薄不明寇賊為害疆弱

相陵元元失所詩云日月告凶不用其行詩小雅鄭玄注云告凶告天下凶亡之徵也行道度也不用之者謂

相干永念厥咎內疚於心疚病也詩曰憂心孔疚其敕公卿舉賢良方正各一人

武帝建元元年始詔舉賢良方正直言極諫之士也百僚竝上封事無有隱諱宣帝始令羣臣得奏封事已知下情有司修

職務遵法度十一月丁卯詔王莽時吏人沒入為奴婢不應舊法

者皆免為庶人十二月壬辰大司空宋弘免癸巳詔曰頃者師旅

未解用度不足故行什一之稅謂十分而稅其一也孟子曰夏五十而貢殷七十而助周百畝而徹其實皆什一也今軍

士屯田糧儲差積武帝初通西域始置校尉屯田其令郡國收見田租三十稅一如舊

制景帝二年令人田租三十而稅一今依景帝故云舊制隗囂遣將行巡寇扶風行姓巡名漢有行祐為趙相見風俗通征西

大將軍馮異拒破之是歲初罷郡國都尉官始遣列侯就國匈奴

遣使來獻使中郎將報命漢官儀曰使匈奴中郎將擁節秩比二千石匈奴傳云令中郎將韓統報命賂遺金幣

七年春正月丙申詔中都官三輔郡國出繫囚非犯殊死皆一切

勿案其罪見徒免為庶民耐罪亡命吏呂文除之耐輕刑之名前書音義曰一歲刑為罰作一歲

刑已上為耐耐音乃代反亡命謂犯耐罪而背名逃者令
更為文簿記其姓名而除其罪恐遂逃不歸因失名籍
又詔曰世曰厚葬為德薄

終為鄙至於富者奢僭貧者單財單盡也法令不能禁禮義不能止

倉卒迺知其咎倉卒謂喪亂也諸厚葬者皆被發掘故迺知其咎惡也其布告天下令知忠臣孝子

慈兄悌弟薄葬送終之義二月辛巳罷護漕都尉官三月丁酉詔

曰今國有眾軍竝多精勇宜且罷輕車騎士材官樓船士及軍假

吏漢官儀曰高祖命天下郡國選能引關蹶張材力武猛者曰為輕車騎士材官樓船常曰立秋後講肄課試各有員數平地用車騎山阻用材官水泉用樓船軍假吏謂軍中權置吏也

今悉罷之令還復民伍公孫述立隗囂為朔寧王癸亥晦日有食之避正

殿寢兵不聽事五日詔曰吾德薄致災謫見日月謫罰也音直革反左傳曰人君為政不用善自

取謫於日月之災也戰慄恐懼夫何言哉今方念愆庶消厥咎其令有司各修

職任奉遵法度惠茲元元百僚各上封事無有所諱其上書者不

得言聖夏四月壬午詔曰比陰陽錯謬日月薄食百姓有過在予

一人大赦天下公卿司隸州牧舉賢良方正各一人遣詣公車朕

將覽試焉

公車門名公車所在因曰名焉漢官儀曰公車掌殿司馬門天下上事及徵召皆總領之

五月戊戌前將軍李通

為大司空甲寅詔吏人遭饑亂及為青徐賊所略為奴婢下妻欲

去留者恣聽之

杜預左傳云不曰道取為略

敢拘制不還曰賣人法從事

言從賣人之事曰結其罪

是

夏連雨水漢忠將軍王常為橫野大將軍八月丁亥封前河間王

邵為河間王隗囂寇安定征西大將軍馮異征虜將軍祭遵擊卻

之冬盧芳所置朔方大守田颯音立雲中太守喬扈各舉郡降是歲

省長水射聲二校尉官

前書音義曰長水地名胡騎所屯射聲謂士射者也夜中聞聲則射之因曰為名二校尉皆武帝置今省之

八年春正月中郎將來歛襲略陽

縣名屬天水郡故城在今秦州隴城縣西北

殺隗囂守將而

據其城夏四月司隸校尉傅抗下獄死隗囂攻來歙不能下閏月

帝自征隴河西太守竇融率五郡太守與車駕會高平

五郡謂隴西金城天水酒泉張

掖高平縣名屬安定後改為高平今原州縣

隴右潰隗囂奔西城遣大司馬吳漢征南大將軍

岑彭圍之進幸上邽不降

上邽縣名屬隴西郡故邽戎邑今秦州縣

命虎牙大將軍蓋延建

威大將軍耿弇攻之潁川盜賊寇沒屬縣河東守守兵亦叛京師

騷動秋大水八月帝自上邽晨夜東馳九月乙卯車駕還宮庚申

帝自征潁川盜賊皆降安丘侯張步叛歸琅邪安丘縣屬北海郡今密州縣有渠丘亭琅

邪太守陳俊討獲之戊寅至自潁川冬十月丙午幸懷十一月乙

丑至自懷公孫述遣兵救隗囂吳漢蓋延等還軍長安天水隴西

復反歸囂十二月高句驪王遣使奉貢是歲大水左傳曰平原出水為大水

九年春正月隗囂病死其將王元周宗復立囂子純為王徙鴈門

吏人於太原三月辛亥初致青巾左校尉官公孫述遣將田戎任

滿據荆門水經注曰江水東歷荆門虎牙之間荆門山在南上合下開其狀似門虎牙山在北石壁色紅間有白文類牙故曰名也此二山楚之西塞也在今陝州夷陵縣東南

南夏六月丙戌幸緱氏登轅轅緱氏縣有緱氏山轅轅山有轅轅坂並在洛陽之東南遣大司馬吳

漢率四將軍擊盧芳將賈覽於高柳戰不利秋八月遣中郎將來

歙監征西大將軍馮異等五將軍討隗純於天水驃騎大將軍杜

茂與賈覽戰於繁時

縣名屬鴈門郡今代州縣

茂軍敗績是歲省關都尉

前書曰秦官也武帝置

復置護羌校尉官

漢官儀曰武帝置秩比二千石持節曰護西羌王莽亂遂罷時班彪議宜復其官曰理宛結帝從之曰牛邯為護羌校尉都於隴西令居縣

十年春正月大司馬吳漢率捕虜將軍王霸等五將軍擊賈覽於

高柳匈奴遣騎救覽諸將與戰卻之修理長安高廟夏征西大將

軍馮異破公孫述將趙匡於天水斬之征西大將軍馮異薨秋八

月己亥幸長安祠高廟遂有事十一陵戊戌進幸汧

縣名屬右扶風故城在今隴州汧源縣

隗囂將高峻降冬十月中郎將來歙等大破隗純於落門

前書曰天水冀縣有

落門聚在今渭州隴西縣東南有落門山落門水出焉

其將王元奔蜀純與周宗降隴右平先零羌寇

金城隴西

金城郡故城在今蘭州廣武縣之西南

來歙率諸將擊羌於五谿大破之

續漢志曰隴西

襄武縣有五谿聚

庚寅車駕還宮是歲省定襄郡

定襄故城在今勝州界

徙其民於西河

郡名

今石州離石縣泗水王歙薨淄川王終薨

十一年春二月己卯詔曰天地之性人為貴其殺奴婢不得減罪

己酉幸南陽還幸章陵祠園陵城陽王祉薨庚午車駕還宮閏月

征南大將軍岑彭率三將軍與公孫述將田戎任滿戰於荆門大

破之獲任滿威虜將軍馮駿圍田戎於江州縣名屬巴郡今渝州巴縣岑彭遂率舟

師伐公孫述平巴郡夏四月丁卯省大司徒司直官漢官儀曰武帝置丞相司直元壽二

年改丞相為大司徒司直仍舊今省先零羌寇臨洮縣名屬隴西郡故城在今岷州六月中郎將來歙率揚武

將軍馬成破公孫述將王元環安於下辨縣名屬武都郡今成州同谷縣舊名武衛城安遣閒

人刺殺中郎將來歙閒謀也謂伺候閒隙也帝自將征公孫述秋七月次長安

左傳例曰凡師出一宿為舍再宿為信過信為次八月岑彭破公孫述將侯丹於黃石即黃石灘也水經注曰江水自

涪陵東出百里而屆於黃石在今涪州涪陵縣輔威將軍臧宮與公孫述將延岑戰於沈水大破

之水經注曰沈水出廣漢縣下入涪水本或作沉水及沅水者並非王元降至自長安癸亥詔曰敢炙灼奴

婢論如律免所炙灼者為庶民冬十月壬午詔除奴婢射傷人弃

市律公孫述遣閒人刺殺征南大將軍岑彭馬成平武都因隴西

太守馬援擊破先零羌徒致天水隴西扶風十二月大司馬吳漢

率舟師伐公孫述是歲省朔方牧并并州朔方郡在今夏州朔方縣北上并音必政反初斷州

牧自還奏事前書音義曰刺史每歲盡則入奏事京師今斷之哀帝改刺史曰州牧

十二年春正月大司馬吳漢與公孫述將吏興戰於武陽斬之武陽

縣屬犍為郡故城在今眉州隆山縣東也三月癸酉詔隴蜀民被畧為奴婢自訟者及獄官

未報一切免為庶民夏甘露降南行唐縣名屬常山郡今恒州縣六月黃龍見東阿

今濟州縣秋七月威虜將軍馮峻拔江州獲田戎九月吳漢大破公孫述

將謝豐於廣都斬之廣都今益州輔威將軍臧宮拔涪城斬公孫恢涪城今涪州縣

也恢述之弟大司空李通罷冬十一月戊寅吳漢臧宮與公孫述戰於成

都大破之述被創夜死辛巳吳漢屠成都夷述宗族及延岑等廣雅

曰夷猶滅也十二月辛卯揚武將軍馬成行大司空事是歲九真徼外蠻

夷張遊率種人內屬九真今愛州縣封為歸漢里君省金城郡屬隴西參狼

羌寇武都武都今武州也隴西太守馬援討降之詔邊吏力不足戰則

守追虜料敵不拘說文曰逗留止也前書音義曰逗是曲行避敵也漢法軍行逗留畏懼者斬追虜或近或遠量敵進退不拘呂

務也逗古住字軍法直取勝敵為橫野大將軍王常薨遣驃騎大將軍杜茂將眾郡施

刑屯北邊施讀曰弛弛解也前書音義曰謂有赦令去其鉗欬楮衣謂之施刑築亭候亭候伺候望敵之所前書曰秦法十里一亭亭有長漢因之不改

修烽燧前書音義曰邊方備警急作高土臺臺上作桔臯桔臯頭有兜零呂薪草置其中常低之有寇即燃火舉之呂相告曰烽又多積薪寇至即燔之望其煙曰燧晝則燔燧

夜迺舉烽廣雅曰兜零籠也

十三年春正月庚申大司徒侯霸薨戊子詔曰往年已敕郡國異

味不得有所獻御今猶未止非徒有豫養導擇之勞豫養謂未至獻時豫前養之導亦擇也

至迺煩擾道上疲費過所其令太官勿復受續漢志曰太官令一人秩六百石掌御膳飲食明敕

下呂遠方口實所呂薦宗廟自如舊制漢官儀曰口實膳羞之事也二月遣捕虜將

軍馬武屯滹沱河呂備匈奴盧芳自五原亡入匈奴丙辰詔曰長

沙王興真定王得河間王邵中山王茂皆襲爵為王不應經義呂

服屬既疏不當襲爵為王其曰興為臨湘侯臨湘縣今潭州長沙縣得為真定侯邵為樂成侯樂成縣故

城在今瀛州樂府縣西北茂為單父侯今宋州縣音善甫其宗室及絕國封侯者凡一百三十

七人丁巳降趙王良為趙公太原王章為齊公魯王興為魯公庚

午曰殷紹嘉公孔安為宋公周承休公姬常為衛公省并西京十

三國廣平屬鉅鹿真定屬常山河間屬信都城陽屬琅邪泗水屬

廣陵淄川屬高密膠東屬北海六安屬廬江廣陽屬上谷據此惟有九國云十

三誤也三月辛未沛郡太守韓歆為大司徒丙子行大司空馬成罷夏

四月大司馬吳漢自蜀還京師於是大饗將士班勞策勳班布也謂徧布勞來

之其有功者曰策書紀其勳也勞音力到反功臣增邑更封凡三百六十五人其外戚恩澤封

者四十五人罷左右將軍官前書曰左右將軍周官也秦漢因之至此罷建威大將軍耿弇罷

益州傳送公孫述瞽師郊廟樂器葆車輿輦於是法物始備瞽無目之人也

為樂師取其無所見於音聲審也郊廟之器罇彝之屬也樂器鐘磬之屬葆車謂上建羽葆也合聚五采羽名為葆輿者車之總名也輦者駕人曰行法物謂大駕上國簿儀式也時草創未暇今得

之始時兵革既息天下少事文書調役務從簡寡調謂發也至迺十存一焉

甲寅冀州牧竇融為大司空五月匈奴寇河東秋七月廣漢徼外

白馬羌豪率種人內屬廣漢今益州雜縣也徼猶塞也音吉弔反羌有百五十四種在廣漢西北者為白馬羌九月日南

徼外蠻夷獻白雉白兔日南郡屬交州冬十二月甲寅詔益州民自八年已

來被略為奴婢者謂公孫述時也皆一切免為庶民或依託為人下妻欲去

者恣聽之敢拘留者比青徐二州已略人法從事復置金城郡前

隴西省并

十四年春正月起南宮前殿匈奴遣使奉獻使中郎將報命中郎將劉襄也

夏四月辛巳封孔子後志為褒成侯平帝封孔均為褒成侯志均子也古今志曰志時為密令越檮人

任貴自稱太守遣使奉計越檮郡武帝置本邛都也檮水名因越檮水而置郡故曰名焉計謂人庶名籍若今計帳秋九月

平城人賈丹殺盧芳將尹由來降平城屬鴈門郡今雲州定襄縣也是歲會稽大疫會稽

今越州縣莎車國鄯善國遣使奉獻莎車鄯善並西域國名鄯音市戰反十二月癸卯詔益涼二

州奴婢自八年召來自訟在所官一切免為庶民賣者無還直

十五年春正月辛丑大司徒韓歆免自殺事見侯霸傳丁未有星孛於昴

汝南太守歐陽歙為大司徒建義大將軍朱祐罷丁未有星孛於

營室二月徙鴈門代郡上谷三郡民置常關居庸關曰東前書曰代郡有常山

關上谷郡居庸縣有關時胡寇數犯邊故徙之初巴蜀既平大司馬吳漢上書請封皇子不許重

奏連歲三月迺詔羣臣議大司空融固始侯通膠東侯復高密侯

禹太常登等奏議曰古者封建諸侯曰藩屏京師藩籬也屏蔽也詩大雅曰介人維藩大邦維屏

毛萇注曰當用公卿諸侯為藩屏也公羊傳曰京者何大也師者何眾也天子之居必有眾大之辭言之周封八百史記曰唐虞協和萬國逮于夏商或數千蓋周封八百也

同姓諸姬竝為建國左傳曰虞虢焦滑霍楊韓魏皆姬姓也夾輔王室尊事天子享國承

長為後世法故詩云大啟爾宇為周室輔詩魯頌也字居也周成王封周公子伯禽於魯言大開爾居曰為我

周家之輔高祖聖德光有天下亦務親親封立兄弟諸子不違舊章陛下

德橫天地興復宗統褒德賞勳親睦九族孔安國注尚書云九族謂上至高祖下至玄孫功臣宗

室咸蒙封爵多受廣地或連屬縣今皇子賴天能勝衣趨拜陛下

恭謙克讓抑而未議羣臣百姓莫不失望宜因盛夏吉時定號位

曰廣藩輔禮記月令天子孟夏迎夏於南郊還迺封諸侯行爵出祿明親親尊宗廟重社稷應古合舊厭

塞眾心臣請大司空上輿地圖廣雅曰輿載也言載在地者皆圖畫之司空掌土地故令上之太常擇吉日

具禮儀制曰可夏四月戊申呂太宰告祠宗廟丁巳使大司空融

告廟封皇子輔為右翊公英為楚公陽為東海公康為濟南公蒼

為東平公延為淮陽公荆為山陽公衡為臨淮公焉為左翊公京

為琅邪公癸丑追諡兄伯升為齊武公兄仲為魯哀公六月庚午

復致屯騎長水射聲三校尉官七年罷改青巾左校尉為越騎校尉詔

下州郡檢覈墾田頃畝墾闢也及戶口年紀又考實二千石長吏阿枉

不平者冬十一月甲戌大司徒歐陽歛下獄死十二月庚午關內

侯戴涉為大司徒盧芳自匈奴入居高柳是歲驃騎大將軍杜茂

免虎牙大將軍蓋延薨

十六年春二月交阯女子徵側反略有城邑三月辛丑晦日有蝕

之秋九月河南尹張伋及諸郡守十餘人坐度田不實皆下獄死

東觀記曰刺史太守多為詐巧不務實核苟言度田為名聚人田中并度廬屋里落聚人遮道啼呼郡國大姓及兵長羣盜處處竝

起攻劫在所害殺長吏郡縣追討到則解散去復屯結青徐幽冀

四州尤甚冬十月遣使者下郡國聽羣盜自相糾搃猶發也音它狄反五人

共斬一人者除其罪吏雖逗留回避故縱者皆勿問聽已禽討為

效其牧守令長坐界內盜賊而不收捕者又已畏悞捐城委守者

皆不己為負委守謂奔其所守也但取獲賊多少為殿最殿後也謂課居後也最凡要之首也言課居先也唯

蔽匿者迺罪之於是更相追捕賊竝解散徙其魁帥於它郡賦田

受稟使安生業自是牛馬放牧邑門不閉盧芳遣使乞降十二月

甲辰封芳為代王初王莽亂後貨幣雜用布帛金粟是歲始行五

銖錢武帝始為五銖錢三
莽時廢今始行之

十七年春正月趙公良薨二月乙亥晦日有食之東觀記曰上日食避
正殿讀圖識多御座廡

下淺露中風發疾苦眩甚左右有白大司馬史病苦如此不能動搖自強從公出乘已車行數里
病差四月二日車駕猶偃師病差數日人南陽界到葉已車騎省留數日行黎陽兵馬千餘匹遂
到章陵起夏四月乙卯南巡狩皇太子及右翊公輔楚公英東海公
居平愈

陽濟南公康東平公蒼從幸潁川進幸葉章陵葉縣故楚葉公邑屬南郡
今許州縣也葉音式涉反

五月乙卯車駕還宮六月癸巳臨淮公衡薨秋七月妖巫李廣等

羣起據皖城縣名屬廬江郡故城在今
舒州有皖水音下板反遣虎賁中郎將馬援驃騎將軍段

志討之九月破皖城斬李廣等冬十月辛巳廢皇后郭氏為中山

太后立貴人陰氏為皇后進右翊公輔為中山王食常山郡本恒山
郡避文

帝諱改為常山故城
在今趙州元氏縣西其餘九國公皆即舊封進爵為王甲申幸章陵修園

廟祠舊宅觀田廬置酒作樂賞賜時宗室諸母因酣悅相與語曰

文叔少時謹信與人不款曲唯直柔耳今迺能如此帝聞之大笑

曰吾理天下亦欲日柔道行之迺悉為春陵宗室起祠堂有五鳳

皇見於潁川之邾縣邾今汝州邾城縣也東觀記曰鳳高八尺五彩羣鳥竝從行列蓋地數頃停一十七日十二月至自

章陵是歲莎車國遣使貢獻

十八年春二月蜀郡守將史歆叛遣大司馬吳漢率二將軍討之

圍成都甲寅西巡狩幸長安三月壬午祠高廟遂有事十一陵歷

馮翊進幸蒲坂祠后土漢官儀曰祭地於河東汾陰后土宮宮曲入河古之祭地澤中方丘也日夏至日祭其禮儀如祭天蒲坂縣屬河東

郡后土祠在今蒲州汾陰縣西北夏四月甲戌車駕還宮癸酉詔曰今邊郡盜穀五十

斛罪至於死開殘吏妄殺之路其蠲除此法同之內郡遣伏波將

軍馬援率樓船將軍段志等擊交阯賊徵側等戊申幸河內戊子

至自河內五月旱盧芳復亡入匈奴秋七月吳漢拔成都斬史歆

等壬戌赦益州所部殊死已下冬十月庚辰幸宜城縣屬南郡楚之鄢邑也故城在今襄

州率道還祠章陵十二月乙丑車駕還宮是歲罷州牧置刺史武帝元封五年

初置部刺史掌奉詔條察州秩六百石員十三人成帝綏和元年更名牧秩二千石哀帝建平二年復為刺史元壽二年復為牧經王莽變革至建武元年復置牧今改置刺史

十九年春正月庚子追尊孝宣皇帝曰中宗始祠昭帝元帝於太

廟漢官儀曰光武弟雖十二於父子之次於成帝為兄弟於哀帝為諸父於平帝為祖父皆不可為之後上至元帝於光武為父故上繼元帝而為九代故河圖云赤九會昌謂光武也然

則宣帝為曾祖故追尊及祠之成帝哀帝平帝於長安春陵節侯曰下四世於章陵妖

巫單臣傅鎮等反據原武太中大夫臧宮圍之夏四月拔原武斬

臣鎮等伏波將軍馬援破交阯斬徵側等因擊破九真賊都陽等

降之閏月戊申進趙齊魯三國公爵為王六月戊申詔曰春秋之

義立子曰貴公羊傳曰立嫡曰長不曰賢立子曰貴不曰長桓公何曰貴母貴也母貴則子貴子曰母貴母曰子貴東海王陽皇后

之子宜承大統皇太子彊崇執謙退願備藩國父子之情重久違

之其曰彊為東海王立陽為皇太子改名莊秋九月南巡狩壬申

幸南陽進幸汝南南頓縣舍置酒會賜吏人復南頓田租歲父老

前叩頭言皇考居此日久陛下識知寺舍蔡邕獨斷曰陸階陸也與天子言不敢指斥故云陛下風俗通曰寺

司也諸官府所止皆曰寺光武嘗每來輒加厚慰願賜復十年帝曰天下重

器常恐不任日復一日安敢遠期十歲乎吏人又言陛下實惜之

何言謙也帝大笑復增一歲進幸淮陽梁沛西南夷寇益州郡常璩

華陽國志云武帝元封二年叟夷反將軍郭昌討平之因開為益州郡故城在今昆州晉寧縣是也遣武威將軍劉尚討之越雋太

守任貴謀叛十二月劉尚襲貴誅之是歲復置函谷關都尉九年省今復置

修西京宮室

二十年春二月戊子車駕還宮夏四月庚辰大司徒戴涉下獄死

古今注曰坐入故太倉令奚涉罪大司空竇融免五月辛亥大司馬吳漢薨匈奴寇上

黨天水遂至扶風六月庚寅廣漢太守蔡茂為大司徒太僕朱浮

為大司空王辰左中郎將劉隆為驃騎將軍行大司馬事武帝省太尉置大司

馬將軍成帝賜金印紫綬置官屬祿比丞相哀帝去將軍位在司徒上見前書乙未徙中山王輔為沛王秋東夷韓國

人率眾詣樂浪內附東夷有辰韓下韓馬韓謂之三韓國也冬十月東巡狩甲午幸魯進

幸東海楚沛國十二月匈奴寇天水壬寅車駕還宮是歲省五原郡徙其吏人置河東復濟陽縣徭役六歲

二十一年春正月武威將軍劉尚破益州夷平之夏四月安定屬

國胡叛屯聚青山青山在今慶州馬嶺縣西北遣將兵長史陳訢討平之訢音欣秋鮮卑

寇遼東遼東太守祭彤大破之冬十月遣伏波將軍馬援出塞擊

烏桓不克匈奴寇上谷中山其冬鄯善王車師王等十六國皆遣

子入侍奉獻願請都護都護宣帝置始曰鄭吉為之秩比二千石都總也言總護南北道居烏壘城察西域諸國動靜曰聞事見前書帝曰

中國初定未遑外事迺還其侍子厚加賞賜

二十二年春閏月丙戌幸長安祠高廟遂有事十一陵二月己巳

至自長安夏五月乙未晦日有食之秋七月司隸校尉蘇鄴下獄

死九月戊辰地震裂制詔曰日者地震南陽尤甚夫地者任物至

重靜而不動者也而今震裂咎在君上鬼神不順無德災殃將及

吏人朕甚懼焉其令南陽勿輸今年田租芻藁遣謁者案行其死

罪繫囚在戊辰已前減死罪一等徒皆弛解鉗衣絲絮弛解脫也倉頡篇曰鉗欽也音

奇炎反前書音義曰欽足鉗也音徒計反又大蓋反舊法在徒役者不得衣絲絮今赦許之賜郡中居人壓死者棺錢人三千

其口賦逋稅而廬宅尤破壞者勿收責漢儀注曰人年十五至五十六出賦錢人百二十為一算又七歲至十四出口

錢人二十已供天子至武帝時又口加三錢已補車騎馬逋稅謂欠田租也吏人死亡或在壞垣毀屋之下而家羸

弱不能收拾者其已見錢穀取傭為尋求之冬十月壬子大司空

朱浮免癸丑光祿勳杜林為大司空是歲齊王章薨青州蝗匈奴

奠韃日逐王比奠音於六反韃音紀言反比其名也遣使詣漁陽請和親使中郎李茂報

命烏桓擊破匈奴匈奴北徙幕南地空前書音義曰沙土曰幕即今磧也詔罷諸邊郡

亭候吏卒

二十三年春正月南郡蠻叛遣武威將軍劉尚討破之徙其種人

於江夏郡名故城在今安州雲夢縣東南夏五月丁卯大司徒蔡茂薨秋八月丙戌大

司空杜林薨九月辛未陳留太守王況為大司徒況字文伯京兆人王音肅冬十月

丙申太僕張純為大司空高句驪率種人詣樂浪內屬十二月武

陵蠻叛寇掠郡縣遣劉尚討之戰於沅水武陵郡今朗州也沅水名出牂柯東北過臨沅縣至長沙入洞庭湖

尚軍敗歿是歲匈奴奠鞬日逐王比率部曲遣使詣西河內附

二十四年春正月乙亥大赦天下匈奴奠鞬日逐王比遣使款五

原塞求扞禦北虜秋七月武陵蠻寇臨沅縣名屬武陵郡故城在今朗州武陵縣遣謁者

李嵩中山太守馬成討蠻不克於是伏波將軍馬援率四將軍討

之詔有司申明舊制阿附蕃王法武帝時有淮南衡山之謀作左官之律設附益之法前書音義曰人道尚右言捨天子仕諸侯

為左官左僻也阿曲附益王侯者將有重法是為舊制今更申明之冬十月匈奴奠鞬日逐王比自立為南單

于於是分為南北匈奴

二十五年春正月遼東徼外貊人貊人穢貊國人也貊音陌寇右北平漁陽上谷太

原遼東太守祭彤招降之烏桓大人來朝大人謂渠帥也南單于遣使詣闕

貢獻奉蕃稱臣。又遣其左賢王擊破北匈奴，卻地千餘里。三月，南單于遣子入侍，戊申晦，日有食之。伏波將軍馬援等破武陵蠻於臨沅。冬十月，叛蠻悉降。夫餘王遣使奉獻。夫餘國在海東，去玄菟千餘里。是歲，烏桓大人率眾內屬，詣闕朝貢。

二十六年春正月，詔有司增百官奉

續漢志曰：大將軍三公奉月三百五十斛，秩中二千石奉月百八十斛，二千石月百

二十斛，比二千石月百斛，千石月九十斛，比千石月八十斛，六百石月七十斛，比六百石月五十斛，四百石月五十斛，比四百石月四十五斛，三百石月四十斛，比三百石月三十七斛，二百石月三十斛，比二百石月二十七斛，百石月十六斛，斛食月十一斛。佐史月八斛。凡諸受奉錢穀各半奉。音扶用反。其千石已上，減於西京舊

制六百石已下，增於舊秩。初作壽陵

初作陵，未有名，故號壽陵。蓋取久長之義也。漢自文帝已後，皆預作陵，今循舊制也。

將作大匠竇融上言：園陵廣袤，無慮所用。

前書曰：將作少府秦官，掌宮室。景帝改為大匠，秩二千石。說文曰：南

北曰表，東西曰廣。廣雅曰：無慮，都凡也。謂請園陵部凡制度也。表音茂。

帝曰：古者帝王之葬，皆陶人瓦器，木車茅

馬。禮曰：塗車芻靈，自古有之。鄭玄注云：芻靈，束茅為人馬也。

使後世之人不知其處。太宗識終始之義

景帝能述遵孝道，遭天下反覆而霸陵獨完，受其福，豈不美哉。

謂赤

眉入長安惟

霸陵不掘

今所制地不過二三頃無為山陵陂池裁令流水而已

言不起山

陵裁令封土陂池不停水而已陂音普何反池音徒何反

遣中郎將段郴授南單于璽綬令入居雲中

名郡

在今勝州北

始置使匈奴中郎將將兵衛護之

中郎將即段郴也漢官儀曰使匈奴中郎將屯西河美稷縣也

南

單于遣子入侍奉奏詣闕於是雲中五原朔方北地定襄鴈門上

谷代八郡民歸於本土遣謁者分將施刑補理城郭

施與弛同解見上

發遣

邊民在中國者布還諸縣皆賜弓裝錢轉輸給食

東觀記曰時城郭丘墟掃地更為上海前徙之

二十七年夏四月戊午大司徒王况薨五月丁丑詔曰昔契作司

徒禹作司空皆無大名其令二府去大

朱祐奏宜令三公竝去大名弓法經典帝從其議

又改大

司馬為太尉驃騎大將軍行大司馬劉隆即日罷曰太僕趙熹為

太尉大司農馮勤為司徒益州郡徼外蠻夷率種人內屬北匈奴

遣使詣武威乞和親

武威郡故城在今涼州姑臧縣西北故涼城是也

冬魯王興齊王石始就國

二十八年春正月己巳徙魯王興為北海王曰魯國益東海賜東

海王彊虎賁旄頭鍾虛之樂漢官儀曰虎賁千五百人戴鷩尾屬虎賁中郎將又云舊選羽林為旄頭被髮先駟魏文帝列異傳曰秦文公

時梓樹化為牛引騎擊之騎不勝或墮地鬻解被髮牛畏之入水故秦因是置旄頭騎使先駟爾雅曰木謂之虛所曰懸鐘磬也說文曰虛飾為猛獸夏六月丁卯

沛太后郭氏薨因詔郡縣捕王侯賓客坐死者數千人沛獻王輔殺劉

益子兄恭故王侯賓客多坐死秋八月戊寅東海王彊沛王輔楚王英濟南王康淮陽

王延始就國冬十月癸酉詔死罪繫囚皆一切募下蠶室蠶室宮刑獄名有刑

者畏風須暖作膏室蓄火如蠶室因其女子宮謂幽閉也北匈奴遣使貢獻乞和親

二十九春二月丁巳朔日有食之遣使者舉冤獄出繫囚庚申

賜天下男子爵人二級鰥寡孤獨篤癯貧不能自存者粟人五斛

夏四月乙丑詔令天下繫囚自殊死已下及徒各減本罪一等其

餘贖罪輸作各有差

三十年春正月鮮卑大人內屬朝賀二月東巡狩甲子幸魯進幸

濟南閏月癸丑車駕還宮有星孛于紫宮夏四月戊子徙左翊王

焉為中山王五月大水賜天下男子爵人二級鰥寡孤獨篤瘡貧不能自存者粟人五斛秋七月丁酉幸魯國復濟陽縣是年徭役冬十一月乙酉至自魯

三十一年夏五月大水戊辰賜天下男子爵人二級鰥寡孤獨篤瘡貧不能自存者粟人六斛癸酉晦日有食之是夏蝗秋九月甲辰詔令死罪繫囚皆一切募下蠶室其女子宮是歲陳留雨穀形

如稗實

杜預注左傳云稗草之似穀者音蒲懈反

北匈奴遣使奉獻

中元元年春正月東海王彊沛王輔楚王英濟南王康淮陽王延趙王盱皆來盱音况于反丁卯東巡狩二月己卯幸魯進幸太山北海王

興齊王石朝于東嶽辛卯柴望岱宗登封太山甲午禪于梁父岱宗

太山也梁父太山下小山也封謂聚土為壇墀謂除地而祭改墀為禪神之也續漢志曰時上御輦升山即位於壇南北面尚書令奉玉牒檢皇帝曰寸三分璽親封之藏玉牒已復石覆訖尚書令曰五寸印封石檢畢皇帝再拜禪祭地於梁陰曰高后配山川羣神從祀焉其玉牒文秘刻石文辭多不載三月戊辰司空張純薨夏四

月癸酉車駕還宮己卯大赦天下復羸博梁父奉高

四縣屬太山郡故城在今兗州博城

縣界勿出今年田租芻藁改年為中元行幸長安戊子祀長陵五月

乙丑至自長安六月辛卯太僕馮魴為司空乙未司徒馮勤薨是

夏京師醴泉涌出尚書中候曰俊又在官則醴泉出也飲之者固疾皆愈惟眇蹇者不瘳

又有赤草生於水崖赤草朱草也大戴禮曰朱草日生一葉至十五日已後日落一葉周而復始郡國頻上甘露羣

臣奏言地祇靈應而朱草萌生孝經援神契曰德至草木即朱草生孝宣帝每有嘉瑞輒

呂改元神爵五鳳甘露黃龍列為年紀蓋呂感致神祇表彰德信

是呂化致升平稱為中興今天下清寧靈物仍降陛下情存損挹

推而不居豈可使祥符顯慶沒而無聞宜令太史撰集太史史官之長也前書音義曰

太史公武帝置位在丞相之上呂傳來世帝不納常自謙無德每郡國所上輒抑而不

當故史官罕得記焉秋郡國三蝗冬十月辛未司隸校尉東萊李

訢為司徒甲申使司空告祠高廟曰高皇帝與羣臣約非劉氏不

王呂太后賊害三趙謂高帝子趙幽王友趙恭王恢趙隱王如意專王呂氏賴社稷之靈祿產

伏誅呂產呂祿竝呂后兄弟子呂后崩各擁南北軍欲為亂周勃陳平等誅之天命幾墜危朝更安呂太后不宜配

食高廟同祧至尊薄太后母德慈仁薄太后高帝姬孝文帝之母孝文皇帝賢明臨

國子孫賴福延祚至今其上薄太后尊號曰高皇后配食地祇遷

呂太后廟主于園四時上祭園謂瑩域也於中置寢十一月甲子晦日有食之

是歲初起明堂靈臺辟雍及北郊兆域大戴禮云明堂者凡九室一室有四戶八牖三十六戶七十二牖呂茅蓋上上員下方赤綴戶也白綴牖也禮圖又曰建武三十一年作明堂上員下方十二堂法曰辰九室法

九州室八窗八九七十二法一時之王室有十二戶法陰陽之數胡伯始云古清廟蓋呂茅今蓋呂瓦下藉茅存古制也漢官儀曰明堂四面起土作壘上作橋壘中無水明堂去平城門二里所

天子出從平城門先歷明堂迺至郊祀又曰辟雍去明堂三百步車駕臨辟雍從北門入三月九月皆於中行鄉射禮辟雍水周其外曰節觀者諸侯曰泮宮東西南有城北無下天子也漢宮

閣疏曰靈臺高三丈十二門天子曰靈臺諸侯曰觀臺漢官儀北郊壇在城西北角去城一里所謂方壇四陛但存壇祠舍而已其鼓吹樂及舞人御帳皆從南郊之具地祇位

南面西上高皇后配西面皆在壇上地理羣神從食壇下南郊焚積北郊埋積宣布圖讖於

天下復濟陽南頓是年徭役參狼羌寇武都敗郡兵隴西太守劉

盱遣軍救之及武都郡兵討叛羌皆破之

二年春正月辛未初立北郊祀后土東夷倭奴國王遣使奉獻

倭

帶方東南大海
中依山島為國

二月戊戌帝崩於南宮前殿年六十二

伏侯古今注曰
是歲在丁巳

遺詔

曰朕無益百姓皆如孝文皇帝制度務從約省

文帝葬皆曰瓦器不曰金
銀銅錫為飾因其山不起

遺詔二十名長吏皆無離城郭無遣吏及因郵奏

說文曰郵境
上行書舍也

在兵間久厭武事且知天下疲耗思樂息肩

左傳曰息
肩于晉

自隴蜀平後

非倣急未嘗復言軍旅皇太子嘗問攻戰之事帝曰昔衛靈公問

陳孔子不對此非爾所及

論語衛靈公問陳於孔子曰祖豆之
事則嘗聞之矣軍旅之事未之學也

每旦視朝日

仄迺罷數引公卿郎將講論經理夜分迺寐

分猶
半也

皇太子見帝勤勞

不怠承間諫曰陛下有禹湯之明而失黃老養性之福

黃帝
老子

願頤愛

精神優游自寧帝曰我自樂此不為疲也雖身濟大業兢兢如不

及故能明慎政體總監權綱量時度力舉無過事退功臣而進文

吏戢弓矢而散馬牛雖道未方古斯亦止戈之武焉

左傳曰於文
止戈為武也

論曰皇考南頓君初為濟陽令己建平元年十二月甲子夜生光

武於縣舍

蔡邕光武碑文云光武將生皇考
己令舍不顯開宮後殿居之而生

有赤光照室中

東觀記曰光照
堂中盡明如晝

欽異

馬使卜者王長占之長辟左右

辟音頻
亦反

曰此兆吉不可言是歲縣界

有嘉禾生一莖九穗因名光武曰秀明年方士有夏賀良者上言

哀帝云漢家歷運中衰當再受命於是改號為太初元年稱陳聖

劉太平皇帝己厭勝之及王莽篡位忌惡劉氏己錢文有金刀故

改為貨泉或曰貨泉字文為白水真人後望氣者蘇伯阿為王莽

使至南陽遙望見舂陵郭喏曰

喏歎也音
子夜反

氣佳哉鬱鬱蔥蔥然及始

起兵還舂陵遠望舍南火光赫然屬天有頃不見初道士西門君

惠李守等亦云劉秀當為天子其王者受命信有符乎不然何己

能乘時龍而御天哉

易曰時乘六
龍曰御天

贊曰炎正中微大盜移國

漢曰火德王故曰炎正大盜謂王莽篡位也莊子曰田成
子一日殺齊君而盜其國向所謂智者不反為大盜積者

受命於天

宋作象

在浚河

年領

一戰馬
名身常

巨尸

年光武
以桓是

乎九縣颯回三精霧塞九縣九州也颯回謂亂也三精日月星也霧塞言昏昧也精或為象人厭淫詐神思反

德光武誕命靈貺自甄誕大也書曰誕膺天命甄明也靈貺謂佳氣神光之類也沈幾先物深略緯文幾

動之微也物事也沈深之幾先見於事也諡法經緯天地曰文尋邑百萬貔虎為羣貔執夷虎屬也書曰如長轂雷

野高鋒慧雲長轂兵車雷野言其聲盛淮南子曰雷為車輿慧婦也音詳銳反英威既振新都自焚王莽初封

史記曰周武王伐紂紂衣其寶玉自焚而死莽雖被殺滅亡與紂同故假呂言之虔劉庸代紛紜梁趙虔劉皆殺也左傳曰虔劉我邊垂謂公孫述稱

帝於庸蜀盧芳據代郡也紛紜喻亂也梁謂劉永趙謂王郎也三河未澄四關重擾三河河南河北河東也未澄謂朱

長安四塞之國重擾謂更始已定關中劉盆子入關殺更始發掘諸陵也神旌迺顧遞行天討周禮曰析羽為旌稱神者猶言神兵神算也詩云迺眷西

願書云天討有罪也金湯失險車書其道前書曰金城湯池不可攻矣金呂喻堅湯取其熱光武所擊皆失其險固也禮記曰天下車同軌書同文

靈慶既啟人謀咸贊靈慶謂符讖也左傳曰天啟之也人謀謂羣下勸即尊號也易曰人謀鬼謀百姓與能贊助也明明廟謨起

起雄斷詩曰明明天子淮南子曰運籌於廟堂之上決勝千里之外起武貌也於赫有命系隆我漢於赫歎美之詞音烏詩云有命

既集系猶繫也孫月峯評叙昆陽一戰備有曲折精神甚越不待言乃更稽密有致第

奇清之氣不及左氏班馬。又評此贊昭明不取果精腴可誦

光武帝紀卷第一下終

金陵書局修
汲古閣本

後漢書一

顯宗孝明帝紀第二

後漢書二

唐章懷太子賢注

顯宗孝明皇帝諱莊

諡法曰照臨四方曰明伏侯古今注曰莊之字曰嚴

光武第四子也母陰皇后

帝生而豐下

杜預注左傳云豐下蓋面方也東觀記云帝豐下兒上項赤色有似於堯

十歲能通春秋光武奇之

建武十五年封東海公十七年進爵為王十九年立為皇太子師

事博士桓榮學通尚書中元二年二月戊戌即皇帝位年三十尊

皇后曰皇太后三月丁卯葬光武皇帝於原陵

帝王紀曰原陵方三百二十步高六丈在臨平亭東

南去洛陽十五里

有司奏上尊廟曰世祖夏四月丙辰詔曰予末小子奉承

聖業夙夜震畏不敢荒寧先帝受命中興德侔帝玉協和萬邦假

於上下

假至也音格

懷柔百神惠於鰥寡

懷安也柔和也禮曰凡山林能興雲致雨者皆曰神有天下者祭百神懷柔百神也書曰惠於

寡朕承大運繼體守文

創基之主則尚武功以定禍亂其次繼體而立者則守文德穀梁傳曰承明繼體則守文之君也

不知稼

穡之艱難懼有廢失聖恩遺戒顧重天下曰元元為首公卿百僚

將何曰輔朕不逮其賜天下男子爵人二級

前書音義曰男子者謂戶內之長也商鞅為秦制爵二十級一

公士二上造三簪裏四不更五大夫六官大夫七公大夫八公乘九五大夫十左庶長十一右庶長十二左更十三中更十四右更十五少上造十六大上造十七駟車庶長十八大庶長十九關

內侯二十徹侯人賜爵者有罪得贖貧者得賣與人

三老孝悌力田人三級

三老孝悌力田三者皆鄉官之名三老高帝置孝悌力田高后置所

以勸導鄉里助成風化也文帝詔曰孝悌天下之大順也力田為生之本也三老眾人之師也其以戶口率置員事兒前書

爵過公乘得移與子若

同產同產子

漢制賜爵自公士已上不得過公乘故過者得移授也同產同母兄弟也

及流人無名數欲自占者

人一級

無名數謂無文簿也占謂自歸首也

鰥寡孤獨篤癡粟人十斛其施刑及郡國徒

在中元元年四月己卯赦前所犯而後捕繫者悉免其刑又邊人

遭亂為內郡人妻在己卯赦前一切遣還邊恣其所樂中二千石

下至黃綬

漢制二百石以上銅印黃綬也

貶秩贖論者悉皆復秩還贖方今上無天子

下無方伯

公羊傳曰上無天子下無方伯此制引以為謙也

若涉淵水而無舟楫夫萬乘至重而

壯者慮輕

帝謙言年尚少壯思慮輕淺故須賢人輔弼

實賴有德左右小子

賴恃也左右助也

高密侯禹

元功之首東平王蒼寬博有謀竝可已受六尺之託臨大節而不

檣六尺謂年十五已下大節其曰禹為太傅蒼為驃騎將軍太尉熹告諭

南郊趙憲也應劭風俗通曰禮臣子無爵諡君父之義也司徒訢奉安梓宮李訢也梓宮以

梓木為棺風俗通曰宮者存時所居緣生事死因以為名司空魴將校復土馮魴也將校謂將領五校兵以穿墳也前

訖復以土為墳故言復土其封熹為節鄉侯訢為安鄉侯魴為楊邑侯秋九月燒當

羌寇隴西敗郡兵於允街允街縣名也允音鉛街音佳屬金城郡故城在今涼州昌松縣東南城臨麗水一名麗水城赦隴

西囚徒減罪一等勿收今年租調又所發天水三千人亦復是歲

更賦更謂戍卒更相代也賦謂雇更之錢也前書音義曰更有三品有卒更有踐更有過更古

一千是為踐更古者天下人皆當戍邊三日亦名為更不可人人自行三遣謁者張鴻討

日戌當行者不可往即還因住一歲次直者出錢六百雇之謂之過更

叛羌於允吾允吾縣名屬金城郡故城在今蘭州廣武縣西南允音沿吾音牙鴻軍大敗戰歿冬十一月遣

中郎將竇固監捕虜將軍馬武等二將軍討燒當羌十二月甲寅

詔曰方春戒節人曰耕桑其敕有司務順時氣使無煩擾禮記孟春之月布德和令行慶施惠仲春無作大事以妨農事天下亡命殊死曰下聽得贖論死罪入縑二十四匹右

趾至髡鉗城旦舂十匹

前書音義曰右趾謂別其右足次別左足次劓次黥次髡鉗為城旦舂城旦者晝日伺寇虜夜暮築長城舂者婦人犯罪

不任軍役之事但令舂以食徒者

完城旦舂至司寇作三匹

完者謂不加髡鉗而築城也次鬼薪白粲次隸臣妾次作司寇

其未

發覺詔書到先自告者半入贖今選舉不實邪佞未去權門請託

殘吏放手

放手謂貪縱為非也

百姓愁怨情無告訴有司明奏罪名竝正舉者

舉非其人竝正舉主之罪

又郡縣每因徵發輕為姦利詭責羸弱先急下貧其務在

均平無令枉刻

永平元年春正月帝率公卿已下朝於原陵如元會儀

漢官儀曰古不墓祭秦始皇起

寢於墓側漢因而不改諸陵寢皆以晦望二十四氣三伏社臘及四時上飯其親陵所宮人隨鼓漏理被枕具盥水陳莊具天子以正月上原陵公卿百官及諸侯王郡國計吏皆當軒下占其郡

國穀價四方改易欲先帝魂魄聞之也元會儀見下

夏五月太傅鄧禹薨戊寅東海王彊薨遣司空

馮魴持節視喪事賜升龍旌頭鑾輅龍旂

旌頭見光武紀鑾鈴也在鑾交龍為旂唯天子用之今特賜以葬

六月乙卯葬東海恭王秋七月捕虜將軍馬武等與燒當羌戰大

破之募士卒戍隴右賜錢人三萬八月戊子徙山陽王荆為廣陵

王遣就國是歲遼東太守祭彤使鮮卑擊赤山烏桓大破之斬其

渠帥赤山在遼東西北數千里越鬻姑復夷叛姑復縣名州郡討平之

二年春正月辛未宗祀光武皇帝於明堂帝及公卿列侯始服冠

冕衣裳玉佩絢履弓行事漢官儀曰天子冠通天諸侯王冠遠遊三公諸侯冠進賢

東冠一梁天子公卿特進諸侯祀天地明堂皆冠平冕天子十二旒三公九卿諸侯七其纓各如其綬色玄衣纁裳周禮曰王祀昊天上帝則服大裘而冕祀五帝亦如之三禮圖曰冕以三十升

布漆而為之廣八寸長尺六寸前圓後方前下後高有俛伏之形故謂之冕欲人之位彌高而志彌下故以名焉董巴輿服志曰顯宗初服冕衣裳以祀天地衣裳以玄上纁下乘輿備文日月星辰

十二章三公諸侯用山龍九章卿已下用華蟲七章皆五色采乘輿刺繡公卿已下皆織成陳留襄邑獻之徐廣車服注曰漢明帝案古禮備其服章天子郊廟衣皂上絳下前三幅後四幅衣

畫而裳繡禮記曰古之君子必佩玉君子於玉比德焉天子佩白玉諸侯佩山玄玉大夫佩水蒼玉世子佩瑜玉周禮屨人掌王赤舄青絢鄭玄注云赤舄為上冕服之舄也絢屨鼻頭以青綵飾

之絢音幼三禮圖曰屨複下曰舄其色各隨裳色禮畢登靈臺使尚書令持節詔驃騎將軍三公

曰今令月吉日宗祀光武皇帝於明堂已配五帝五經通義曰蒼帝靈威仰赤帝赤熛怒黃帝含

樞紐白帟白招矩黑帝叶禮備法物樂和八音詠祉福舞功德祉亦福也詠謂

光紀性幣及玉各依方色之類景帝詔曰歌者所以發德舞者所以明功其班時令勅羣后班布也時令謂月令也四時各有事畢升令若有乖舛必致妖災故告之

靈臺望元氣吹時律觀物變

元氣天氣也王者承天心理禮樂通上下四時之氣也故望之焉時律者即月令孟春律中太族仲春律

中夾鍾之類大戴禮曰聖人截十二管察八音之清濁謂之律呂律呂不正則諸氣不和周禮保章氏以五雲之色辨吉凶水旱豐荒之禳象鄭司農注云以一至二分觀雲色青為蟲白為喪赤

為兵荒黑為水黃為豐故春秋傳曰凡分至啟閉必書雲物為備故也杜預注云物謂氣色災變也

百蠻貢職

奉計謂計吏也詩曰因時百蠻百言眾多也獨言蠻通四夷

烏桓滅貊咸來助祭單于侍子骨

都侯亦皆陪位斯固聖祖功德之所致也朕曰闡陋奉承大業親

執圭璧恭祀天地

周禮曰四圭尺有二寸以祀天又曰以蒼璧禮天以黃琮禮地以青圭禮東方以赤璋禮南方以白琥禮西方以玄璜禮北方

惟先帝受命中興撥亂反正已寧天下

撥理也公羊傳曰撥亂封泰山建世反之正莫近於春秋

明堂立辟雍起靈臺恢弘大道被之八極

淮南子曰九州之外有八寅八寅之外有八紘八紘之外有八極

而膺子無成康之質羣臣無呂旦之謀

明帝自謂無成康之時刑措不用四十餘年

盟洗進爵

長戚戚

坦蕩明達之貌戚戚常憂懼也

其令天下自殊死已下謀反大逆皆除之百

僚師尹其勉修厥職順行時令敬若昊天已綏兆人

若順也

三月臨

辟雍初行大射禮

儀禮曰大射之禮王將祭射宮擇士以助祭也張虎侯熊侯豹侯其中一丈八尺畫以雲氣焉王以六耦射三侯樂以騶虞九節諸侯以四耦射二侯樂以狸首七節孤卿大夫以三耦射一侯樂以采蘋五節士以二耦射豕侯樂以采繁三節

秋九月

沛王輔楚王英濟南王康淮陽王延東海王政來朝冬十月壬子

幸辟雍初行養老禮詔曰光武皇帝建三朝之禮而未及臨饗

之禮謂中元元年初起明堂辟雍靈臺也 眇眇小子屬當聖業 尚書康王曰眇眇子末小子孔安國注云眇眇猶微微也 間暮春吉

辰初行大射令月元日 東觀記曰十月元日 復踐辟雍尊事三老兄事五更安

車輓輪供綏執授侯王設醬公卿饌珍朕親袒割執爵而酌 孝經援神契曰

尊事三老父象也宋均注曰老人知天地之事者安車坐乘之車輓輪以蒲裹輪輓音而充反三老就車天子親執綏授之說文綏車中把也五更老人知五行更代事者漢官儀曰三老五更皆取有首妻男女全具者續漢志曰養三老五更先吉日司徒上太傅若講師故三公人名用其德行年耆高者三公一人為三老次卿一人為五更皆服絺紵大袍單衣皂緣領袖中衣冠進賢扶

玉杖五更亦如之不杖皆齋于太學講堂其日乘輿先到辟雍禮殿坐于東廂遣使者安車迎三老五更天子迎於門屏交拜導自阼階三老自賓階升東面三公設几杖九卿正履天子親袒割

俎執醬而饋執爵而酌五更南面三公進供禮亦如之明日皆詣闕謝以其於己禮隆也醬醢也珍謂肴羞之屬卽周禮八珍之類鄭玄注儀禮云酌漱也所以潔口音肩 祝哽在

前祝噎在後 老人食多哽咽故置人於前後祝之令其不哽噎也 升歌鹿鳴下管新宮 鹿鳴詩小雅篇名也新宮小雅逸篇

也升登也登堂而歌所以重人聲也燕禮曰升歌鹿鳴下管新宮

八佾具脩萬舞於庭

佾列也謂舞者行列也左氏傳曰天子八佾諸侯六大夫四士

二夫舞所以節八音而行八風故自八以下萬亦舞也詩云公庭萬舞

朕固薄德何曰克當易陳負乘詩刺彼己

易曰負且乘致寇至負也者小人之事也乘也者君子之器也小人而乘君子之器盜思奪之矣詩曰彼己之子不稱其服也

永念慙疚無忘厥心三

老李躬年耆學明五更桓榮授朕尚書詩曰無德不報無言不酬

詩大雅也其賜榮爵關內侯食邑五千戶三老五更皆曰二千石祿養終

厥身其賜天下三老酒人一石肉四十斤有司其存耆耄

禮記曰六十曰耆七十曰耄

十曰耄耄釋名曰耇指也不從力役指事使人也耇鐵也皮膚變黑色如鐵也

恤幼孤惠鰥寡稱朕意焉中山王馬始

就國甲子西巡狩幸長安祠高廟遂有事於十一陵歷覽館邑會

郡縣吏勞賜作樂十一月甲申遣使者曰中牢祠蕭何霍光帝謁

陵園過式其墓

東觀漢記曰蕭何墓在長陵東司馬門道北百步又云霍光墓在茂陵東司馬門道南四里式敬也禮記曰行過墓必式

進幸河

東所過賜二千石令長已下至於掾史各有差

續漢志曰郡國及縣諸曹皆置掾史

癸卯

車駕還宮十二月護羌校尉竇林下獄死是歲始迎氣於五郊

續漢

書曰迎氣五郊之兆四方之兆各依其位中央之兆在未壇皆二尺立春之日迎春於東郊祭青
帝句芒車服皆青歌青陽八佾舞雲翹之舞立夏之日迎夏於南郊祭赤帝祝融車服皆赤歌朱
明八佾舞雲翹之舞先立秋十八日迎黃靈於中兆祭黃帝后土車服皆黃歌朱明八佾舞雲翹
育命之舞立秋之日迎秋於西郊祭白帝蓐收車服皆白歌白藏八佾舞育命之舞立冬之日迎
冬於北郊祭黑帝玄冥車服皆黑歌玄冥八佾舞育命之舞

酈縣屬南陽

郡酈音樂

三年春正月癸巳詔曰朕奉郊祀登靈臺見史官正儀度儀謂渾儀以銅爲之

置於靈臺王者正天文之器也度謂日月星辰之行度也史官即太史掌天文之官也夫春者歲之始也始得其正則三

時有成正謂日月五星不失其次也三時謂春夏秋左傳曰務其三時比者水旱不節邊人食寡政失於上

人受其咎有司其勉順時氣勸督農桑去其螟蟻爾雅曰食苗心及蝥賊爾雅曰食葉心

曰螟食節曰賊食節曰蝥蟻一名短狐今之水弩含沙射人爲災言此者欲令臣下順時行政勿侵擾也詳刑慎罰明察單辭單辭猶偏辭也夙

夜匪懈曰稱朕意二月甲寅太尉趙熹司徒李訢免丙辰左馮翊

郭丹爲司徒己未南陽太守虞延爲太尉甲子立貴人馬氏爲皇

后皇子烜音丁達反爲皇太子賜天下男子爵人二級三老孝悌力田

人三級流人無名數欲占者人一級鰥寡孤獨篤瘡貧不能自存

者粟人五斛夏四月辛酉封皇子建為千乘王千乘國名今青州縣故城在今淄州高苑北羨

為廣平王六月丁卯有星孛于天船北天船星名續漢志曰天船為水彗出之為大水是歲伊洛水溢到津城門伏侯

古今注曰彗長三尺所見三十五日乃去秋八月戊辰改大樂為大予樂尚書璇璣鈴曰有帝漢出德洽作樂名子故據璇璣鈴改之漢

官儀曰大子樂令一人秩六百石壬申晦日有蝕之詔曰朕奉承祖業無有善政日月

薄蝕彗孛見天水旱不節稼穡不成人無宿儲下生愁墊儲積也墊溺也音丁

念雖夙夜勤思而智能不逮昔楚莊無災已致戒懼說死曰楚莊王見天不見妖而地不

反出孽則禱于山川曰天其忘余歟此能求過于天必不逆諫矣魯哀禍大天不降譴春秋感精符曰魯哀公時政彌亂絕不日食政亂之類當致日食之

變而不應者譴之何益告之不悟故哀公之篇絕無日食之異今之動變儻尚可救有司勉思厥職已匡無

德古者卿士獻詩百工箴諫國語曰天子聽政公卿至于庶士獻詩師箴百工諫庶人傳語近臣盡規而後王斟酌事焉其

言事者靡有所諱冬十月蒸祭光武廟禮記曰冬祭曰蒸蒸眾也冬物畢成可祭者眾初奏文始

五行武德之舞前書曰文始舞者本舜韶舞也高祖六年更名曰文始其舞者執羽籥五行者木周舞也秦始皇二十六年更名曰五行其舞者冠冕衣服法五行

色武德者高祖四年作言行武以除亂也其舞人
執干戚光武草創禮樂未備今始奏之故云初也
甲子車駕從皇太后幸章陵觀

舊廬十二月戊辰至自章陵是歲起北宮及諸官府京師及郡國

七大水

四年春二月辛亥詔曰朕親耕藉田百祈農事
禮記曰天子親耕于東郊為藉田千畝冕而朱紘躬

秉耒耜五經要義曰天子藉田以供上帝之粢盛所以先百姓而致孝敬也藉田也言親自蹈履于田而耕之續漢志云正月始耕既事告祠先農漢舊儀曰先農即神農炎帝也祠以太牢百官皆從皇帝親執耒耜而耕天子三推三公五孤卿十大夫十二士庶人終畝乃致藉田倉置令丞以給祭天地宗廟以為粢盛京師冬無宿雪春不燥

沐 燠暖也音於六反沐潤澤也言無暄潤之氣也煩勞羣司積精禱求
積精猶儲積也說文云告事求福曰禱而比再得

時雨宿麥潤澤其賜公卿半奉有司勉遵時政務平刑罰秋九月

戊寅千乘王建薨冬十月乙卯司徒郭丹司空馮魴免丙辰河南

尹范遷為司徒太僕伏恭為司空十二月陵鄉侯梁松下獄死
坐縣

飛書 誹謗

五年春二月庚戌驃騎將軍東平王蒼罷歸藩琅邪王京就國冬

十月行幸鄴與趙王栩會鄴常山三老言於帝曰上生於元氏願

蒙優復詔曰豐沛濟陽受命所繇加恩報德適其宜也今永平之

政百姓怨結而吏人求復令人愧笑重逆此縣之拳拳重難也拳拳猶

得一善則拳拳其復元氏縣田租更賦六歲勞賜縣掾史及門闌走卒

服膺而不息至自鄴十一月北匈奴寇五原十二月寇

雲中南單于擊卻之是歲發遣邊人在內郡者賜裝錢人二萬

六年春正月沛王輔楚王英東平王蒼淮陽王延琅邪王京東海

王政趙王盱北海王興齊王石來朝二月王雒山出寶鼎雜或廬江

太守獻之夏四月甲子詔曰昔禹收九牧之金鑄鼎象物使人

知神姦不逢惡氣夏禹之時令遠方圖畫山川奇異之物使九州之牧貢金鑄鼎以象

能逢之惡氣謂臣遭德則興遷于商周周德既衰鼎迺淪亡史記曰周鼎亡入

兩之類事見左傳祥瑞之降已應有德方今政化多僻何已致茲

彭城齋戒欲出周鼎於泗水使千人没水求之不得

祥瑞之降已應有德方今政化多僻何已致茲

易曰鼎象三公易曰鼎折足覆公餗豈公卿奉職得其理邪太常其已祔祭之

日禮記曰夏祭曰祔音藥祔薄也夏物未成祭尚薄陳鼎於廟已備器用賜三公帛五十匹九卿

二千石半之先帝詔書禁人上事言聖而問者章奏頗多浮詞自

今若有過稱虛譽尚書皆宜抑而不省示不為諂子蚩也冬十月

行幸魯祠東海恭王陵會沛王輔楚王英濟南王康東平王蒼淮

南王延琅邪王京東海王政十二月還幸陽城遣使者祠中岳壬

午車駕還宮東平王蒼琅邪王京從駕來朝皇太后

七年春正月癸卯皇太后陰氏崩二月庚申葬光烈皇后秋八月

戊辰北海王興薨是歲北匈奴遣使乞和親

八年春正月己卯司徒范遷薨漢官儀曰遷字子閭沛人也三月辛卯太尉虞延為

司徒衛尉趙熹行太尉事遣越騎司馬鄭眾報使北匈奴初置度

遼將軍屯五原曼栢武帝拜范明友為度遼將軍至此復置焉以中郎將吳常行度遼將軍曼栢縣在今勝州銀城縣秋郡國十

四雨水冬十月北宮成丙子臨辟雍養三老五更禮畢詔三公募

郡國中都官死罪繫囚減臯一等勿笞詣度遼將軍營屯朔方五

原之邊縣妻子自隨便占著邊縣占著謂附名籍父母同產欲相代者恣聽

之其大逆無道殊死者一切募下蠶室亡命者令贖罪各有差凡

徙者賜弓弩衣糧壬寅晦日有食之既既盡也詔曰朕曰無德奉承大

業而下貽人怨上動三光日食之變其災尤大春秋圖讖所謂至

譴春秋感精符曰人主含天光據璣衡齊七政操入極故君明聖天道得正則日月光明五

星有度日明則道正不明則政亂故常戒以自救厲日食皆象君之進退為盈縮當春秋

撥亂日食三十永思厥咎在予一人羣司勉修職事極言無諱於是在

位者皆上封事各言得失宣帝始令羣臣得奏封事以知下情封有正有副領尚書

者先發副封所言不善屏而不奏後魏相奏去副封以防帝覽章深自引咎迺詔曰羣僚所言皆朕之

過人寃不能理吏黠不能禁而輕用人力繕修宮宇出入無節喜

怒過差昔應門失守關雎刺世春秋說題辭曰人主不正應門失守故歌關雎以感之宋均注曰應門聽政之處也言不以政事為

務則有宣淫之心關雎樂而不淫思得賢人與之共化修應門之政者也薛君韓詩章句曰詩人言雎鳩貞潔慎匹以聲相求隱蔽于無人之處故人君退朝入于私宮后妃御見有度應門擊柝鼓人上堂退反宴處體安志明今時大人內傾于飛蓬隨風微子所歎管子曰無儀法色賢人見其萌故詠關雎說淑女正容儀以刺時程式飛搖而無所定謂之飛蓬飛蓬之間明王不聽此言微子未詳

匈奴寇西河諸郡

九年春三月辛丑詔郡國死罪囚減罪與妻子詣五原朔方占著

所在死者皆賜妻父若男同產一人復終身其妻無父兄獨有母

者賜其母錢六萬又復其口算口算已見光武紀夏四月甲辰詔郡國呂公

田賜貧人各有差令司隸校尉部刺史歲上墨綬長吏視事三歲

已上理狀尤異者各一人與計偕上偕俱也所徵之人令與計吏俱上及尤不政理者

亦曰聞是歲大有年穀梁傳曰五穀皆熟書大有年為四姓小侯開立學校置五經師

袁宏漢紀曰永平中崇尚儒學自皇太子諸王侯及功臣子弟莫不受經又為外戚樊氏郭氏陰氏馬氏諸子弟立學號四姓小侯置五經師以非列侯故曰小侯禮記曰庶方小侯亦其義也

十年春二月廣陵王荆有罪自殺國除夏四月戊子詔曰昔歲五

穀登衍鄭玄注周禮云五穀黍稷麥麻未也登成也衍饒也音以戰反今茲蠶麥善收其大赦天下方盛

夏長養之時蕩滌宿惡已報農功百姓勉務桑稼已備災害吏敬

厥職無令愆墮閏月甲午南巡狩幸南陽祠章陵日北至又祠舊

宅北至夏至也禮畢召校官弟子作雅樂奏鹿鳴校學也鹿鳴詩小雅篇名宴羣臣嘉賓之詩帝自御

填篚和之已娛嘉賓鄭玄注周禮云填燒土為之大如鴈子鄭眾曰有六孔世本曰暴辛公作篚以竹為之長尺四寸有八孔還幸南

頓勞饗三老官屬冬十一月徵淮陽王延會平輿縣名屬汝南郡故城在今豫州汝陽縣東北輿音預

徵沛王輔會睢陽十二月甲午車駕還宮

十一年春正月沛王輔楚王英濟南王康東平王蒼淮陽王延中

山王焉琅邪王京東海王政來朝秋七月司隸校尉郭霸下獄死

是歲灑湖出黃金廬江太守已獻灑湖湖名音子小反在今廬州合肥縣東南時麒麟白雉醴

泉嘉禾所在出焉

十二年春正月益州徼外夷哀牢王相率內屬於是置永昌郡罷

益州西部都尉

西南夷傳曰罷益州西部所領六縣合為永昌郡置哀牢博南二縣去洛陽七千里在今匡州匡川縣西

夏四月遣將

作謁者王吳修汴渠自滎陽至于十乘海口

汴渠即荇蕩渠也汴自滎陽首受河所謂石門在滎陽山北一

里過汴以東積石為隄亦號金隄成帝陽嘉中所作也

五月丙辰賜天下男子爵人二級三老孝悌力

田人三級流民無名數欲占者人一級鰥寡孤獨篤癯貧無家屬

不能自存者粟人三斛詔曰昔曾閔奉親竭歡致養

曾參字子輿閔損字子騫並孔子弟

子皆有孝行也

仲尼葬子有棺無槨

論語曰鯉也死有棺而無槨

喪貴致哀禮存寧儉今百姓

送終之制競為奢靡生者無擔石之儲而財力盡於墳土

前書音義曰擔音丁

濫反言一石之儲方言作甌云甌也齊東北海岱之間謂之甌郭璞注曰所謂家無甌石之儲者也埤蒼曰大甕也字或作僮音丁甘反

伏臘無糟糠而牲

牢兼於一奠

史記曰秦德公始為伏祠歷忌曰伏者何也金氣伏藏之日也四氣代謝皆以相生至于立秋以金代火金畏于火故庚日必伏月令孟冬之月臘先祖

說文云臘冬至後祭百神始皇更臘曰嘉平奠喪祭也

糜破積世之業已供終朝之費子孫飢寒絕命

於此豈祖考之意哉又車服制度恣極耳目田荒不耕游食者眾

游食謂浮食者

有司其申明科禁宜於今者宣下郡國秋七月乙亥司空伏

恭罷乙未大司農牟融為司空冬十月司隸校尉王康下獄死是

歲天下安平人無徭役歲比登稔百姓殷富粟斛三十牛羊被野

十三年春二月帝耕於藉田禮畢賜觀者食三月河南尹薛昭下

獄死夏四月汴渠成辛巳行幸滎陽巡行河渠乙酉詔曰自汴渠

決敗六十餘歲王景傳曰平帝時汴河決壞加頃年已來雨水不時汴流東侵日月

益甚水門故處皆在河中漭瀆廣溢莫測圻岸圻壻也蕩蕩極望不

知綱紀今兗豫之人多被水患迺曰縣官不先人急好興它役又

或曰為河流入汴幽冀蒙利故曰左隄疆則右隄傷左右俱疆則

下方傷宜任水勢所之使人隨高而處公家息壅塞之費百姓無

陷溺之患議者不同南北異論朕不知所從久而不決今既築隄

理渠絕水立門河汴分流復其舊迹陶丘之北漸就壤墳爾雅曰丘再成曰陶

巨孫炎曰形如累兩孟也郭璞曰今濟陰定陶城中有陶丘也尚書曰厥土惟黑壤下土墳壚孔安國曰無塊曰壤墳起也故薦嘉玉絜牲曰禮

河神

禮記曰凡祭玉曰嘉玉儀禮曰絜牲剛鬣

東過洛汭歎禹之績

水北曰汭洛汭洛水入河處也績功也河洛皆禹所加功故歎之

今

五土之宜反其正色

周禮曰山林川澤丘陵墳衍原隰謂之五土也色謂其黃白青黑之類孔安國曰水所去土復其性也

濱渠下

田賦與貧人無令豪右得固其利

濱近也豪右大家也

庶繼世宗瓠子之作

瓠子

隄名也武帝元封二年發卒數萬人塞瓠子決河沈白馬玉璧令羣臣皆負薪填河在今濮州濮陽縣西也

因遂度河登太行進幸上黨

壬寅車駕還宮冬十月壬辰晦日有食之三公免冠自劾制曰冠

履勿劾災異屢見咎在朕躬憂懼遑遑未知其方將有司陳事多

所隱諱使君上壅蔽下有不暢乎昔衛有忠臣靈公得守其位

論語

孔子曰衛靈公無道季康子曰夫如是奚其不喪孔子曰仲叔圉治賓客祝它主宗廟王孫賈主軍旅夫如是奚其喪

今何巳和穆陰陽消伏

災譴刺史太守詳刑理冤存恤鰥孤勉思職焉十一月楚王英謀

反廢國除遷於涇縣

涇縣屬丹陽郡今宣州縣故城在縣東有涇水出蕪湖因水立名

所連及死徙者數千

人是歲齊王石薨

十四年春三月甲戌司徒虞延免自殺夏四月丁巳鉅鹿太守南

陽邢穆為司徒穆字綴公宛人前楚王英自殺夏五月封故廣陵王荆子元

壽為廣陵侯初作壽陵

十五年春二月庚子東巡狩辛丑幸偃師詔亡命自殊死呂下贖

死罪縑四十四右趾至髡鉗城旦舂十四完城旦至司寇五匹犯

罪未發覺詔書到日自告者半入贖徵沛王輔會睢陽進幸彭城

癸亥帝耕于下邳三月徵琅邪王京會良成良成縣名屬東海故城在今泗州下邳縣北徵東

平王蒼會陽都陽都縣名屬琅邪郡故城在今沂州沂水縣南又徵廣陵侯及其三弟會魯祠東

海恭王陵還幸孔子宅祠仲尼及七十二弟子親御講堂孔子宅在今兗州曲阜縣故魯

城中歸德門內闕里之中背洙面泗甕相圍之東北也七十二弟子顏命皇太子諸王說

經又幸東平東平國名故城在今鄆州縣辛卯進幸大梁大梁城魏惠王所築故城在今汴州至定陶祠定

陶恭王陵恭王元帝子康夏四月庚子車駕還宮改信都為樂成國臨淮為

下邳國封皇子恭為鉅鹿王黨為樂成王衍為下邳王暢為汝南

王昞為常山王長為濟陰王

濟陰郡今曹州

賜天下男子爵人三級郎從官

二十歲已上帛百匹十歲已上二十四十歲已下十匹官府吏五

匹書佐小史三四令天下大酺五日

前書音義曰漢律三人已上無故羣飲罰金四兩今恩詔橫賜得令聚會飲食五日

酺布也言天子布恩於天下史記趙惠文王二年大赦置酒大酺五日

乙巳大赦天下其謀反大逆及諸不應宥

者皆赦除之冬車騎校獵上林苑

周禮校人掌王田獵之馬故曰校獵謂以木相貫穿為欄校以遮禽獸

十二月

遣奉車都尉竇固駙馬都尉耿秉屯涼州

前書曰奉車都尉掌乘輿駙馬都尉掌天子之副馬駙副也竝武帝

置秩二千石

十六年春二月遣大僕祭彤出高闕

高闕山名因以名塞在朔方北

奉車都尉竇固出

酒泉駙馬都尉耿秉出居延

本匈奴地名也武帝因以名縣屬張掖郡在今甘肅張掖縣東北

騎都尉來苗

出平城伐北匈奴竇固破呼衍王於天山

呼衍匈奴王號天山即祁連山一名雪山今名折羅漢山在伊州北

祁音時

留兵屯伊吾廬城

本匈奴中地名既破呼衍即其地置宜禾都尉以為屯田今伊州細職縣伊吾故城是也

耿秉來苗祭

彤竝無功而還夏五月淮陽王延謀反發覺癸丑司徒邢穆駙馬

都尉韓光坐事下獄死所連及誅死者甚眾坐與延同謀戊午晦日有食

之六月丙寅大司農西河王敏為司徒漢官儀曰敏字叔公并州隰城人也秋七月淮陽

王延徙封阜陵王阜陵縣名屬九江郡故城在今滁州全椒縣南九月丁卯詔令郡國中都官

死罪繫囚減死罪一等勿笞詣軍營屯朔方敦煌妻子自隨父母

同產欲求從者恣聽之女子嫁為人妻勿與俱謀反大逆無道不

用此書是歲北匈奴寇雲中雲中太守廉范擊破之

十七年春正月甘露降於甘陵北海王睦薨二月乙巳司徒王敏

薨二月癸丑汝南太守鮑昱為司徒是歲甘露仍降樹枝內附仍

也內附謂木連理也前書終軍曰眾枝內附是無外也芝草生殿前神雀五色翔集京師西南夷哀牢

僖耳僖僖國語曰僖僖氏三尺短之至也楊浮異物志曰僖耳南方夷生則鏤其頰皮連耳匡分為數支狀如雞腸鬩鬩垂至肩西域諸國遣子入侍夏

五月戊子公卿百官曰帝威德懷遠神物顯應迺並集朝堂奉觴

僖耳僖僖國語曰僖僖氏三尺短之至也楊浮異物志曰僖耳南方夷生則鏤其頰皮連耳匡分為數支狀如雞腸鬩鬩垂至肩西域諸國遣子入侍夏

上壽壽者人之所欲故卑下制曰天生神物已應王者遠人慕化實繇有

德朕已虛薄何已享斯唯高祖光武聖德所被不敢有辭其敬舉

觴太常擇吉日策告宗廟其賜天下男子爵人二級三老孝悌力

田人三級流人無名數欲占者人一級鰥寡孤獨篤癯貧不能自

存者粟人三斛郎從官視事十歲已上者帛十四中二千石二千

石下至黃綬貶秩奉贖在去年已來皆還贖秋八月丙寅令武威

張掖酒泉敦煌張掖郡故匈奴昆邪王地也漢官儀曰張國及張掖屬國繫囚

右趾已下任兵者任堪也皆一切勿治其罪詣軍營冬十一月遣奉

車都尉竇固駙馬都尉耿秉騎都尉劉張出敦煌昆侖塞昆侖山名因

肅州酒泉縣西南山有昆侖之體故名之

周穆王見西王母于此山有石室王母臺擊破白山虜於蒲類海上遂入車師

西河舊事曰白山冬夏有雪故曰白山匈奴謂初置西域都護戊己校尉宣帝初置是歲改天水為漢

護護三十六國秩比二千石元帝置戊己校尉有丞司馬各一人秩比六百石戊己中央也鎮覆四方見漢官儀亦處西域鎮撫諸國

陽郡

十八年春三月丁亥詔曰其令天下亡命自殊死已下贖死罪

三十匹右趾至髡鉗城旦春十匹完城旦至司寇五匹吏人犯罪

未發覺詔書到自告者半入贖夏四月己未詔曰自春已來時雨

不降宿麥傷旱秋種未下政失厥中憂懼而已其賜天下男子爵

人二級及流民無名數欲占者人一級鰥寡孤獨篤癯貧不能自

存者粟人三斛理冤獄錄輕繫二千石分禱五嶽四瀆郡界有名

山大川能興雲雨者周禮職方氏掌天下之地楊州其山曰會稽其川曰三江荆州其

沂山其川曰淮泗兖州其山曰岱山其川曰江漢豫州其山曰華其川曰滎洛青州其山曰

閩其川曰河洑冀州其山曰霍其川曰漳并州其山曰恆其川曰滹沱此謂九州名山大川也

長吏各絜齋禱請冀蒙嘉澍說文曰時雨所以澍生萬物淮南子曰春雨六月

己未有星孛于太微焉耆龜茲攻西域都護陳睦悉沒其眾北匈

奴及車師後王圍戊己校尉耿恭秋八月壬子帝崩於東宮前殿

年四十八遺詔無起寢廟藏主於光烈皇后更衣別室禮藏主於廟既不起寢廟故藏

於后之易衣別室更易也帝初作壽陵制令流水而已石槨廣一丈二尺長二丈五

尺無得起墳東觀記曰陵東北作廡長三丈五步外為小廚財足祠祀萬年之後埽地而祭杆水脯精

而已說文曰杆飲器音于方言曰盥謂之盂說文曰精乾飯也過百日唯四時設奠置吏卒數人供給灑

埽勿開修道敢有所興作者曰擅議宗廟法從事前書曰擅議宗廟者棄市帝遵

奉建武制度無敢違者後宮之家不得封侯與政東觀記曰光武閔傷前代權臣太盛外戚與政

上濁明主下危臣子后族陰郭之家不過九卿親屬榮位不能及許史王氏之半耳館陶公主光武女為子求郎不許而賜

錢千萬謂羣臣曰郎官上應列宿出宰百里史記曰太微宮後二十五里郎位也有非其

人則民受其殃是曰難之故吏稱其官民安其業遠近肅服戶口

滋殖焉

論曰明帝善刑理法令分明日晏坐朝幽枉必達內外無倖曲之

私在上無矜大之色斷獄得情號居前代十二十斷其二言少刑也故後之言

後漢

事者莫不先建武永平之政而鍾離意宋均之徒常曰察慧為言

本傳夫豈弘人之度未優乎

贊曰顯宗丕承業業兢兢危心恭德政察姦勝危心言常危懼備章朝

物省薄墳陵朝物謂朝儀文物也永懷廢典下身遵道廢典謂明堂辟雍之禮歷漢不行下身謂進爵授綬之類登臺

觀雲臨雍拜老懋惟帝績增光文考懋勉也書曰惟我文考光于四海

顯宗孝明帝紀第二 終

金陵書局
汲古閣本

後漢書二

肅宗孝章帝紀第三

後漢書三

唐章懷太子賢注

肅宗孝章皇帝諱烜顯宗第五子也

諡法曰温克令儀曰章伏侯古今注曰烜之字曰著音丁達反

母賈貴

人永平三年立為皇太子少寬容好儒術顯宗器重之十八年八

月壬子即皇帝位年十九尊皇后曰皇太后壬戌葬孝明皇帝于

顯節陵

帝王紀曰顯節陵方三百步高八丈其地故富壽亭也西北去洛陽三十七里

冬十月丁未大赦天下賜民爵

人二級為父後及孝悌力田人三級脫無名數及流人欲占者人

一級爵過公乘得移與子若同產子鰥寡孤獨篤癯貧不能自存

者粟人三斛詔曰朕自眇身託于王侯之上統理萬機懼失厥中

兢兢業業未知所濟深惟守文之主必建師傅之官詩不云乎不

愆不忘率由舊章

詩大雅也鄭玄云愆過也率循也由用也言成王之令德不過誤不違失皆循用舊典文章謂周公之禮法

行太尉事

節鄉侯熹三世在位為國元老

趙熹光武時為太尉明帝時行太尉事故曰三代在位元老

司空

融融牟典職六年勤勞不怠其已熹為太傅融為太尉竝錄尚書

事武帝初以張子孺領尚書事錄尚書事由此始三事大夫莫肯夙夜小雅之所傷也詩兩無正之文也三事三公也

鄭玄注云幽王在外三公及諸侯隨而行者皆無復君臣之禮不肯晨夜省王予違汝弼汝無面從尚書益稷之文也孔安國注云我違道汝當以義輔

正我無面從我股肱之正義也羣后百僚勉思厥職各貢忠誠曰輔不逮申

勅四方稱朕意焉十一月戊戌蜀郡太守弟五倫為司空詔征西

將軍耿秉屯酒泉酒泉今肅州縣也前書音義曰城下有泉其味若酒因名酒泉也遣酒泉太守段彭救戊

己校尉耿恭甲辰晦日有食之於是避正殿寢兵不聽事五日詔

有司各上封事十二月癸巳有司奏言孝明皇帝聖德淳茂劬勞

日昃身御浣衣日昃日昃尚書曰文王自朝至于日中昃不遑暇食食無兼珍澤臻四表尚書曰光被四表遠

人慕化僬僥儋耳款塞自至款扣僬僥儋耳解見明紀克伐鬼方開道西域鬼方遠方易曰

高宗伐鬼方三年克之威靈廣被無思不服曰烝庶為憂不曰天下為樂備三雍

之教躬養老之禮作登歌正予樂博貫六藝周禮保氏教之六藝一曰禮二曰樂三曰射四曰馭五曰書六

曰數前書藝文志曰以禮樂春秋易河圖曰圖出代不舍晝夜聰明淵塞著在圖識九天開明受用

詩書為六藝博貫謂究極深幽耳嗣興十代以光又括地象曰十至德所感通於神明功烈光於四海仁風行代禮樂文雅並出謂明帝也

於千載而深執謙謙自稱不德無起復廟埽地而祭除日祀之法

春秋外傳曰日祭月祀時享祖禰則日祭高曾則月祀三祧則時享今此除日祀之法從時月之祭省送終之禮遂藏主於光烈皇

后更衣別室天下聞之莫不悽愴陛下至孝烝烝奉順聖德臣愚

言為更衣在中門之外處所殊別宜尊廟曰顯宗其四時禘祫於

光武之堂間祀悉還更衣續漢書曰五年再殷祭三年一祫五年一禘父為昭南向子為穆北向禘以夏四月祫以冬十月禘之為言諦諦審

昭穆尊卑之義祫者合也冬十月五穀成故骨肉合飲食於祖廟謂之殷祭四時正祭外有五月嘗麥三伏立秋嘗棗盛耐十月嘗稻等謂之間祀即各於更衣之殿更衣者非正處也園中有寢

有便殿寢者陵上正殿便殿寢側之別殿即更衣也共進武德之舞如孝文皇帝祫祭高廟故事前

高廟奏武德文始五行之舞制曰可是歲牛疫京師及三州大旱詔勿收兗豫徐州

田租芻橐其已見穀賑給貧人

建初元年春正月詔三州郡國方春東作恐人稍受稟往來煩劇

或妨耕農

廩給也稍為少少給之不賴與

其各實覈尤貧者計所貸并與之

并音必政反

流人

欲歸本者郡縣其實稟令足還到聽過止官亭無雇舍宿長吏親

躬無使貧弱遺脫小吏豪右得容姦妄

前書曰百石已下有斗食佐吏之秩言小吏也

詔書既下

勿得稽留刺史明加督察尤無狀者

無狀謂其罪惡尤大其狀無可寄言故云無狀它皆類此

丙寅詔

曰比年牛多疾疫墾田減少穀價頗貴人呂流亡方春東作宜及

時務二千石勉勸農桑弘致勞來羣公庶尹各推精誠專急人事

罪非殊死須立秋案驗有司明慎選舉進柔良退貪猾順時令理

冤獄五教在寬帝典所美

五教謂父義母慈兄友弟恭子孝也尚書舜典曰汝作司徒敬敷五教在寬

愷悌君子大

雅所歎

愷樂悌易也詩大雅洞酌篇曰愷悌君子人之父母

布告天下使明知朕意酒泉太守段彭

討擊車師大破之罷戍己校尉官二月武陵澧中蠻叛

武陵郡今澧州水經曰澧水出

武陵充縣西歷山之北也

三月甲寅山陽東平地震己巳詔曰朕呂無德奉承大業

夙夜慄慄不敢荒寧

孔安國注尚書曰不敢荒怠自安寧

而災異仍見與政相應朕既不

明涉道日寡又選舉乖實俗吏傷人官職耗亂刑罰不中可不憂

與昔仲弓季氏之家臣子游武城之小宰孔子猶誨曰賢才問曰

得人論語仲弓為季氏宰問政子曰赦小過舉賢才子游為武城宰孔子謂之曰汝得人焉耳乎明政無大小曰得人為本夫

鄉舉里選必累功勞今刺史守相不明真偽茂才孝廉歲曰百數

既非能顯而當授之政事甚無謂也每尋前世舉人貢士或起剛

畝不繫閥閱說文曰剛田中之溝音工犬反史記曰明其等曰閱積其功曰閱言前代舉人務取賢才不拘門地敷奏曰言則文章

可採明試曰功則政有異迹敷陳奏進也令各陳進其言則知其能否也尚書曰敷奏以言明試以功則政之類文質彬

彬朕甚嘉之彬彬雜半之貌其令太傅三公中二千石二千石郡國守相舉

賢良方正能直言極諫之士各一人夏五月辛酉初舉孝廉郎中

寬博有謀任典城者曰補長相任堪使也典主也長謂縣長相謂侯相秋七月辛亥詔曰

上林池籓田賦與貧人籓禁苑也音語前書音義曰折竹以繩懸連之使人不得往來謂之籓八月庚寅有星

孛于天市史記曰房為天駟東北曲十二星曰旗旗中四星曰天市九月永昌哀牢夷叛冬十月武陵

郡兵討叛蠻破降之十一月阜陵王延謀反貶為阜陵侯

二年春三月辛丑詔曰比年陰陽不調饑饉屢臻深惟先帝憂人

之本本謂稼穡詔書曰不傷財不害人誠欲元元去末歸本而今貴戚

近親奢縱無度嫁娶送終尤為僭侈有司廢典莫肯舉察春秋之

義曰貴理賤今自三公竝宜明糾非法宣振威風朕在弱冠未知

稼穡之艱難區區管窺豈能照一隅哉史記扁鵲曰以管窺天以隙視文其科條制度

所宜施行在事者備為之禁先京師而後諸夏公羊傳曰春秋內中國而外諸夏內諸侯而外夷狄

王者欲一乎天下曷以內外之辭者自近者始也甲辰罷伊吾盧屯兵永平十六年置永昌越雋益州三郡

民夷討哀牢破平之夏四月戊子詔還坐楚淮陽事徙者四百餘

家令歸本郡癸巳詔齊相省冰紈方空縠吹綸絮紈素也冰言色鮮潔如冰釋名曰縠紗也方空

者紗薄如空也或曰空孔也即今之方目紗也綸似絮而細吹者言吹噓可成亦紗也前書齊有三服官故詔齊相罷之六月燒當羌叛金城太

守郝崇討之敗績羌遂寇漢陽秋八月遣行車騎將軍馬防討平

之十二月戊寅有星孛于紫宮

三年春正月己酉宗祀明堂禮畢登靈臺望雲物大赦天下三月

癸巳立貴人竇氏為皇后賜爵人二級三老孝悌力田人三級民

無名數及流民欲占者人一級鰥寡孤獨篤癯貧不能自存者粟

人五斛夏四月己巳罷常山呼沱石曰河漕石曰河名也在今定州唐縣東北時鄧訓上言此漕難成遂罷

之漕水運也音才到反行車騎將軍馬防破燒當羌於臨洮臨洮縣名屬隴西郡即今岷山之州閏月西

域假司馬班超擊姑墨大破之姑墨西域國名去長安八千一百五十里冬十二月丁酉呂

馬防為車騎將軍武陵漢中蠻叛漢水名音婁源出今澧州崇義縣西北山是歲零陵獻芝草

四年春二月庚寅太尉牟融薨夏四月戊子立皇子慶為皇太子

賜爵人二級三老孝悌力田人三級民無名數及流人欲自占者

人一級鰥寡孤獨篤癯貧不能自存者粟人五斛己丑徙鉅鹿王

恭為江陵王汝南王暢為梁王常山王昞為淮陽王辛卯封皇子

仇音抗為千乘王全為平春王平春縣屬江夏郡五月丙辰車騎將軍馬防罷

甲戌司徒鮑昱為太尉南陽太守桓虞為司徒虞字仲春馬翊人六月癸丑

皇太后馬氏崩秋七月壬戌葬明德皇太后冬牛大疫十一月壬

戌詔曰蓋三代導人教學為本前書曰三代之道鄉里有教夏曰校殷曰庠周曰序漢承暴秦褻顯

儒術建立五經為置博士其後學者精進雖曰承師亦別名家言雖

承一師之業其後觸類而長更為章句則別為一家之學孝宣皇帝曰為去聖久遠學不厭博故遂立大

小夏侯尚書後又立京氏易大小夏侯謂夏侯勝勝從兄子建也京氏京房也至建武中復置顏

氏嚴氏春秋大小戴禮博士嚴氏謂嚴彭祖顏氏謂顏安樂大小戴戴德戴聖也此皆所曰扶進微

學尊廣道藝也中元元年詔書五經章句煩多議欲減省至永平

元年長水校尉儵儵樊儵奏言先帝大業當曰時施行欲使諸儒共正

經義頗令學者得曰自助孔子曰學之不講是吾憂也又曰博學

而篤志切問而近思仁在其中矣論語文也講猶習也篤厚也志記也言人能博涉學而後識之切問於己所未悟之事近思己

所能及之事好學亦仁
之分故仁在其中矣於戲其勉之哉於是下太常將大夫博士議郎郎

官博士屬太常故云下及諸生諸儒會白虎觀講議五經同異使五官中郎將

魏應承制問續漢志曰五官中郎將比二千石侍中淳于恭奏帝親稱制臨決如孝宣

甘露石渠故事前書甘露二年詔諸儒講五經異同蕭望之等平奏其議上親制臨決焉又曰施讐甘露中論五經於石渠閣三輔故事曰石渠閣在未央殿北藏

秘書之所作白虎議奏今白虎通是歲甘露降泉陵洮陽二縣二縣屬零陵郡泉陵城在今永州零陵縣北洮

陽故城在今湘源縣西北

五年春二月庚辰朔日有食之詔曰朕新離供養去年馬太后崩愆咎眾著

上天降異大變隨之詩不云乎亦孔之醜詩小雅曰朔月辛卯日有食之亦孔之醜孔甚也醜惡也又久

旱傷麥憂心慘切公卿已下其舉直言極諫能指朕過失者各一

人遣詣公車將親覽問焉其已巖穴為先勿取浮華前書鄒陽曰顯巖穴之士甲申

詔曰春秋書無麥苗重之也春秋莊公七年秋大水無麥苗公羊傳曰一災不書待無麥然後書無苗何休注曰不書穀至麥苗獨書人食

也最重去秋雨澤不適今時復旱如炎如焚炎焚言熱氣甚韓詩旱魃為虐如炎如焚凶年無時

而為備未至朕之不德上累三光震慄忉忉痛心疾首忉音刀詩曰憂心忉忉又曰疾

如疾前代聖君博思咨諏咨諏謀也音子余反雖降災咎輒有開匱反風之應武

有疾周公作請命之書藏於金匱後管蔡流言成王疑周公天乃大風禾木盡偃成王啟金匱得書乃郊天謝過天乃反風起禾事見尚書今予小子徒慘慘

而已其令二千石理冤獄錄輕繫禱五嶽四瀆及名山能興雲致

雨者冀蒙不崇朝徧雨天下之報尚書大傳曰五嶽皆觸石出雲膚寸而合不崇朝而雨天下務加肅敬

焉三月甲寅詔曰孔子曰刑罰不中則人無所措手足今吏多不

良擅行喜怒或案不巳罪迫脅無辜致令自殺者一歲且多於斷

獄甚非為人父母之意也書曰元后作人父母有司其議糾舉之荆豫諸郡兵

討破武陵淩中叛蠻夏五月辛亥詔曰朕思遲直士側席異聞遲猶

希望也音持二反側席謂不正坐所以待賢良也其先至者各巳發憤吐懣略聞子大夫之志矣

皆欲置於左右顧問省納建武詔書又曰堯試臣巳職不直巳言

語筆札書舜典曰朕其試哉又曰歷試諸難札簡也今外官多曠竝可巳補任戊辰太傅趙熹

薨冬始行月令迎氣樂東觀記曰馬防上言聖人作樂所以宣氣致和順陰陽也臣

作樂器費多遂獨是歲零陵獻芝草有八黃龍見於泉陵伏侯古今注曰見

行十月迎氣樂也西域假司馬班超擊疏勒破之零陵泉陵湘水中

相與戲其大如馬有六年春二月辛卯琅邪王京薨夏五月辛酉趙王旰薨六月丙辰

角六枚大如駒無角太尉鮑昱薨辛未晦日有食之秋七月癸巳大司農鄧彪為太

尉

七年春正月沛王輔濟南王康東平王蒼中山王烏東海王政琅

邪王宇來朝夏六月甲寅廢皇太子慶為清河王立皇子肇為皇

太子己未徙廣平王羨為西平王秋八月飲酎高廟禘祭光武皇

帝孝明皇帝前書高廟飲酎奏武德五行之舞音義云正月旦作酒八月成名曰酎者言

醇也武帝時因八月嘗酎令諸侯出金助祭所謂酎金也丁字漢儀式曰九甲辰詔書云祖考來假明哲

真交阯日南者用犀角二長九寸若瑇瑁甲一鬱林之祀假音格格至也尙書夔曰於子擊石拊石搏拊琴瑟予末小子質又菲薄仰

用象牙一長三尺已上若翠羽各二十準以當金

惟先帝蒸蒸之情前修禘祭已盡孝敬朕得識昭穆之序寄遠祖

之思今年大禮復舉加已先帝之坐言顯宗神坐今新加之悲傷感懷樂已迎

來哀已送往雖祭亡如在而空虛不知所裁庶或饗之豈亡克慎

肅雍之臣辟公之相肅敬雍和相助也詩大雅曰有來雍雍至止肅肅相維辟公天子穆穆言百辟諸侯來助祭皆有肅雍之德無懈慢也皆

助朕之依依依依思慕之意今賜公錢四十萬卿半之及百官執事各有差

九月甲戌幸偃師東涉卷津卷縣名屬河南郡也卷音巨權反至河內下詔曰車駕行

秋稼觀收穫因涉郡界皆精騎輕行無它輜重不得輒修橋道遠

離城郭遣吏逢迎刺探起居刺探謂候伺也探音湯勸反出入前後已為煩擾動務

省約但患不能脫粟瓢飲耳晏子相齊食脫粟之飯孔子曰顏回一瓢飲所過欲令貧弱有利

無違詔書遂覽淇園前書音義曰淇園衛之苑也己酉進幸鄴勞饗魏郡守令已下

至于三老門闌走卒賜錢各有差勞賜常山趙國吏人復元氏租

賦三歲辛卯車駕還宮詔天下繫囚減死一等勿笞詣邊戍妻子

自隨占著所在父母同產欲相從者恣聽之有不到者皆曰乏軍

興論軍興而致闕及犯殊死一切募下蠶室其女子宮繫囚鬼新白粲

已上前書曰鬼薪白粲已上皆三歲刑也男子為鬼薪取薪以給宗廟女子為白粲使擇米白粲粲然皆減本罪各一等輸司寇

作亡命贖死罪入縑二十四右趾至髡鉗城旦舂十匹完城旦至

司寇三匹吏人有罪未發覺詔書到自告者半入贖冬十月癸丑

西巡狩幸長安丙辰祠高廟遂有事十一陵遣使者祠太上皇於

萬年太上皇高祖父也名熹音它官反一名執嘉三輔黃圖曰高祖初都洛陽太呂中牢

祠蕭何霍光進幸槐里岐山得銅器形似酒罇獻之又獲白鹿帝

曰上無明天子下無賢方伯已見明人之無良相怨一方詩小雅也良善也言王者所為

無有善者各相與於一方而怨之義見韓詩斯器亦曷為來哉公羊傳曰孔子抱麟而泣曰孰為來哉孰為來哉又幸長平御

池陽宮前書音義曰長平坂在池陽南有長平觀去長安五十餘里東至高陵造舟於涇而還造至也謂次比舟令相至為橋

而度也爾雅曰天子造舟諸侯維舟大夫方舟士特舟每所到幸輒會郡縣吏人勞賜作樂十一月詔

勞賜河東守令掾呂下十二月丁亥車駕還宮是歲京師及郡國螟

八年春正月壬辰東平王蒼薨三月辛卯葬東平憲王賜鑾輅龍旂夏六月北匈奴大人率眾款塞降冬十二月甲午東巡狩幸陳留梁國淮陽潁陽戊申車駕還宮詔曰五經剖判去聖彌遠章句遺辭乖疑難正恐先師微言將遂廢絕非所宜重稽古求道真也其令羣儒選高才生受學左氏穀梁春秋古文尚書毛詩呂扶微學廣異義焉是歲京師及郡國螟

元和元年春正月中山王焉來朝日南徼外蠻夷獻生犀白雉劉欣

明交州記曰犀其毛如豕鬣有三甲頭如馬有三角鼻上角短額上頭上角長異物志曰角中特有光耀白理如線自本達末則為通天犀閏月辛丑濟陰

王長薨二月甲戌詔曰王者八政曰食為本尚書洪範八政一曰食是為政本故古者

急耕稼之業致耒耜之勤耒耜農器也耒其柄耜其刃節用儲蓄曰備凶災是曰歲

雖不登而人無饑色自牛疫已來穀食連少良繇吏教未至刺史

二千石不引為負負猶憂也其令郡國募人無田欲徙它界就肥饒者

恣聽之到在所賜給公田為雇耕傭賃種餉餉糧也古餉字音式上反貫與田器

勿收租五歲除算三年其後欲還本鄉者勿禁夏四月己卯分東

平國封憲王蒼子尚為任城王六月辛酉沛王輔薨秋七月丁未

詔曰律云掠者唯得榜笞立蒼頡篇曰掠問也廣雅曰榜擊也音彭說文曰笞擊也立謂立而考訊之又令丙箠

長短有數令丙為篇之次也前書音義曰令有先後有令甲令乙令丙又景帝京師定箠令箠長五尺本大一寸其竹也末薄半寸其平去節故云長短有數也自

往者大獄已來掠考多酷鈗鑽之屬大獄謂楚王英等事也鈗音其廉反說文曰鈗鉞也國語曰中刑用鑽繫皆謂慘酷

其肌膚也慘苦無極念其痛毒怵然動心書曰鞭作官刑豈云若此孔安

國注尚書曰以鞭為理官事之刑宜及秋冬理獄明為其禁八月甲子太尉鄧彪罷大

司農鄭弘為太尉癸酉詔曰朕道化不德吏政失和元元未諭抵

罪於下寇賊爭心不息邊野邑屋不修修或作充永惟庶事思稽厥衷

與凡百君子共弘斯道中心悠悠將何言寄其改建初九年爲元

和元年郡國中都官繫囚減死一等勿笞詣邊縣妻子自隨占著

在所其犯殊死一切募下蠶室其女子宮繫囚鬼薪白粲呂上皆

減本罪一等輸司寇作亡命者贖各有差丁西南巡狩詔所經道

上郡縣無得設備儲積也時具也言不預有蓄備命司空自將徒支柱橋梁柱音竹土反有

遣使奉迎探知起居二千石當坐其賜鰥寡孤獨不能自存者粟

人五斛九月乙未東平王忠薨辛丑幸章陵祠舊宅園廟見宗室

故人賞賜各有差冬十月己未進幸江陵詔廬江太守祠南嶽又

詔長沙零陵太守祠長沙定王春陵節侯鬱林府君還幸宛十一

月己丑車駕還宮賜從者各有差十二月壬子詔曰書云父不慈

子不祗兄不友弟不恭不相及也祗敬也左傳胥臣云康誥曰父不慈子不祗兄不友弟不恭不相及也今康誥之言事同而文

異往者妖言大獄所及廣遠一人犯辜禁至三屬即三族也謂父族母族及妻族莫得

垂纓仕宦王朝如有賢才而沒齒無用朕甚憐之非所謂與之更始也諸目前妖惡禁錮者一皆蠲除之左傳曰以重幣錮之杜預注曰禁錮勿令仕也曰明棄咎之路但不得在宿衛而已

二年春正月乙酉詔曰令云人有產子者復勿算三歲今諸懷

者說文曰雙孕也賜胎養穀人三斛復其夫勿算一歲著曰為令又詔三公

曰方春生養萬物葶甲前書音義曰葶葉裏白皮也易曰百果甲坼也宜助萌陽曰育時物其

令有司罪非殊死且勿案驗及吏人條書相告不得聽受條事也冀

息事寧人敬奉天氣立秋如故夫俗吏矯飾外貌似是而非揆之

人事則悅耳論之陰陽則傷化朕甚鑿之甚苦之安靜之吏悃悃

無華說文云悃悃至誠也悃音苦本反悃音孚逼反日計不足月計有餘莊子曰有庚桑子者徧得老聃之道以居蟻壘之山蟻壘之人相與云庚

桑子之始來吾洒然異之今吾日計之不足歲計之有餘庶幾其聖人乎如襄城令劉方方字伯况平原人吏人同聲謂之不

煩雖未有它異斯亦殆近之矣間勅二千石各尚寬明而今富姦

行賂於下貪吏枉法於上使有罪不論而無過被刑甚大逆也夫

言苛為察曰刻為明曰輕為德曰重為威四者或興則下有怨心

吾詔書數下冠蓋接道而吏不加理人或失職其咎安在勉思舊

令稱朕意焉二月甲寅始用四分曆續漢書曰時待詔張盛景防鮑業等以四分曆請與待詔楊岑等共課歲餘盛等所

中多四分之曆始頗施行詔曰今山川鬼神應典禮者尙未成秩咸皆也秩序也言山川之神尙未次序而祭之書曰

咸秩無文其議增修羣祀曰祈豐年丙辰東巡狩己未鳳皇集肥城肥城縣名屬太

山郡故城在今濟州平陰縣東南乙丑帝耕於定陶詔曰三老尊年也孝悌淑行也力

田勤勞也國家甚休之其賜帛人一匹勉率農功使使者祠唐堯

於成陽靈臺成陽縣屬濟陰郡郭緣生述征記曰成陽縣東南有堯母慶都墓上有祠廟堯母陵俗亦名靈臺大母辛未幸太山柴

告岱宗有黃鵠三十從西南來經祠壇上東北過于宮屋翱翔升

降進幸奉高王申宗祀五帝于汶上明堂前書曰濟南人公玉帶上黃帝時明堂圖中有一殿四面無壁以茅

蓋通水水園宮垣為複道上有樓從西南入名曰崑崙以拜祀上帝於是上作明堂於汶上如帶圖焉汶水出太山朱虛縣萊蕪山癸酉告祠二祖四宗

二祖謂高祖世祖四宗謂文帝為太宗
武帝為世宗宣帝為中宗明帝為顯宗
大會外內羣臣丙子詔曰朕巡狩岱宗

柴望山川告祠明堂
呂章先勳其二王之後
禮記曰存二王之後尊賢不過
二代公羊傳曰存二王之後所

以通三正也漢之
二王殷周之後也
先聖之膺
東觀記曰孔子後衰
成侯等咸來助祭
東后蕃衛
東后謂東方國君也諸
侯為天子蕃屏故曰蕃

衛
伯父伯兄仲叔季弟幼子童孫
尚書呂刑文皆天子同姓諸侯有
父叔兄弟子孫列者故總而同之
百僚從

臣宗室眾子要荒四裔
要荒二服名要服去王城二千里荒服去王城二千五百里
要者言可要束以文教荒者言其荒忽無常也裔遠也謂荒

服之
外也
沙漠之北葱嶺之西
西河舊事曰葱嶺山名在敦煌
西其山高大多葱故以為名也
冒彫之類
字書曰彫
多須貌音

而言須鬢多蒙冒其面或曰西域
人多著冒而長故舉以為言也
跋涉懸度
草行曰跋水行曰涉左傳子太叔曰跋涉山川
西域傳曰懸度者石山也谿谷不通以繩索相

引而度去陽關五
千八百五十里
陵踐阻絕
駿奔郊時
駿疾也音俊尚書駿奔走在廟郊時祭
天處也前書音義曰時神靈之居止者
咸來

助祭祖宗功德延及朕躬予一人空虛多疾纂承尊明
疾病也
纂繼也
盥洗

享薦慙愧祗慄詩不云乎君子如祉亂庶遄已
詩小雅遄速也已止也祉
福也鄭玄注云福者福賢

者謂爵祿之也如此則
亂亦庶幾可疾止也
曆數既從靈燿著明
曆數既從謂行四分曆也
靈燿著明謂日月貞明
亦欲與士

大夫同心自新其大赦天下諸犯罪不當得赦者皆除之復博奉

高嬴無出今年田租芻藁戊寅進幸濟南濟南縣名故城在今淄州長山縣西北三月己

丑進幸魯祠東海恭王陵庚寅祠孔子於闕里及七十二弟子賜

褻成侯及諸孔男女帛壬辰進幸東平祠憲王陵陵在今鄆州須昌縣東甲午遣

使者祠定陶太后恭王陵太后即元帝傅昭儀也定陶恭王康其陵在今曹州濟陰縣北乙未幸東阿北登

太行山至天井關在今澤州普城縣南今太行山上關南有天井泉三所也夏四月乙巳客星入紫宮

乙卯車駕還宮庚申假于祖禰假至也音格禰父廟易曰王假有廟告祠高廟五月戊申

詔曰乃者鳳皇黃龍鸞鳥比集七郡孫柔之瑞圖曰鸞鳥者赤神之精鳳皇之佐雞身赤毛色亦被五彩鳴中五音人君

進退有度親疏有序則至也比類也或一郡再見及白鳥神雀甘露屢臻祖宗舊事或班

恩施武帝時芝草生于甘泉宮宣帝時嘉穀玄稜降于郡國神雀仍集皆大赦天下其賜天下吏爵人三級高年鰥寡

孤獨帛人一匹經曰無侮鰥寡惠此滎獨加賜河南女子百戶牛

酒前書音義蘇林曰男賜爵女子賜牛酒姚察云女子謂賜爵者之妻史記封禪書百戶牛一頭酒十石臣賢案此女子百戶若是戶頭之妻不得更稱爲戶此謂女戶頭即今之女戶也

天下稱慶恩當普洽所以令天下大酺五日賜公卿已下錢帛各有差及

男戶賜爵女子賜牛酒

洛陽人當黼者布戶一匹城外三戶其一匹賜博士員弟子見在太

學者布人三匹令郡國上明經者口十萬已上五人不滿十萬三

人改廬江為六安國江陵復為南郡建初四年改為江陵國今又復之徙江陵王恭為

六安王秋七月庚子詔曰春秋於春每月書王者重三正慎三微

也三正謂天地人之正所以有三者由有三微之月王者所當奉而成之禮記曰正朔三而改文質再而復三微者三正之始萬物皆微物色不同故王者取法焉十一月時陽氣始施於

黃泉之下色皆赤赤者陽氣故周為天正色尚赤十二月萬物始牙而色白白者陰氣故殷為地正色尚白十三月萬物萃甲而出其色皆黑人得加功展業故夏為人正色尚黑尚書大傳曰夏

必以三微之月為正者當爾之時物皆尚微王者受命當扶微理弱奉成之義也律十二月

立春不巳報囚報猶論也立春陽氣至可以施生故不論囚月令冬至之後有順陽助生之文

月令仲冬是月也日短至陰陽爭諸生蕩君子身欲寧事欲靜以待陰陽之所定也而無鞠獄斷刑之政朕咨訪儒雅稽

之典籍已為王者生殺宜順時氣其定律無已十一月十二月報

囚九月壬辰詔鳳皇黃龍所見亭部無出二年租賦東觀記曰鳳皇見肥城句窳亭槐樹

上古今注云黃龍見洛陽元延亭部窳音庾加賜男子爵人二級先見者帛二十匹近者三匹

太守三十四令長十五匹丞尉半之詩云雖無德與汝式歌且舞

詩小雅也取雖無大德要有喜悅之心欲歌舞也式用也它如賜爵故事丙申徵濟南王康中山王焉會

烝祭冬十一月壬辰日南至初閉關梁易曰先王以至日閉關商旅不行王彌注曰冬至陰之復夏至陽之復故為復

即至於寂然大靜先王則天地而行者也

三年春正月乙酉詔曰蓋君人者視民如父母有憐怛之憂有忠

和之教匍匐之救周禮鄉司徒以鄉三物教萬民一曰六德謂智仁聖義忠和詩邶風曰凡民有喪匍匐救之其嬰兒無父

母親屬及有子不能養食者稟給如律丙申北巡狩濟南王康中

山王焉西平王羨六安王恭樂成王黨淮陽王昞任城王尚沛王

定皆從辛丑帝耕于懷二月壬寅告常山魏郡清河鉅鹿平原東

平郡太守相曰朕惟巡狩之制曰宣聲教考同遐邇解釋怨結也

今四國無政不用其良詩小雅曰日月告凶不用其行四國無政不用其良言四方之國無政者由天子不用善人也駕言出

游欲親知其劇易前祠園陵遂望祀華霍華霍山名也今在廬江濠縣西南亦名天柱山爾雅曰華山為西嶽

易而韻發
詩小雅為

霍山為南嶽

東紫岱宗為人祈福今將禮常山遂徂北土歷魏郡經平原

升踐隄防詢訪耆老咸曰往者汴門未作深者成淵淺則泥塗追

惟先帝勤人之德謂永平十二年修汴渠底績遠圖復禹弘業尚書曰覃懷底績孔安國注云底置績功也遠圖猶

長算也言能復禹為理水之大功聖跡滂流至于海表不克堂構朕甚慙焉尚書曰若考作室既底法厥子

乃不肯堂矧肯構月令孟春善相巨陵土地所宜月令孟春之月善相巨陵阪險原隰土地所宜五穀所殖以教導人必躬

親之田事既飭今肥田尚多未有墾闢其悉已賦貧民給與糧種務盡地力

勿令游手所過縣邑聽半入今年田租已勸農夫之勞乙丑勅侍

御史司空曰方春所過無得有所伐殺車可已引避引避之駢馬

可輟解輟解之夾輟者為服馬服馬外為駢馬詩云敦彼行葦牛羊勿踐履詩大雅云鄭玄注曰敦敦然道

旁之葦牧牛羊者無使踐履折傷之況於人乎禮人君伐一草木不時謂之不孝禮記孔子曰伐一樹殺一獸不以其時非孝也

俗知順人莫知順天其明稱朕意戊辰進幸中山遣使者祠北嶽

出長城史記蒙恬為秦築長城西自臨洮東至海癸酉還幸元氏祠光武顯宗於縣舍正堂

明日又祠顯宗于始生堂皆奏樂明帝生于常山元氏傳舍也三月丙子詔高邑令

祠光武於卽位壇復元氏七年徭役己卯進幸趙庚辰祠房山於

靈壽靈壽縣名屬常山郡今恒州縣也房山在今恒州房山縣縣西北俗名王母山上有王母祠辛卯車駕還宮賜從行者各

有差夏四月丙寅太尉鄭弘免大司農宋繇為太尉繇字叔路長安人五月

丙子司空弟五倫罷太僕袁安為司空秋八月乙丑幸安邑觀鹽

池許慎云河東鹽池袤五十一里廣七里周百一十六里今蒲州虞鄉縣西九月至自安邑冬十月北海王基薨

燒當羌叛寇隴西是歲西域長史班超擊斬疏勒王

章和元年春三月護羌校尉傅育追擊叛羌戰歿夏四月丙子令

郡國中都官繫囚減死一等詣金城戍六月戊辰司徒桓虞免癸

卯司空袁安為司徒光祿勳任隗為司空桓虞字仲春馮翊萬年人隗字仲和南陽宛人秋七月

癸卯齊王晃有罪貶為蕪湖侯蕪湖縣名屬丹陽故城在今宣州當塗縣東南王子淮陽王昞薨

鮮卑擊破北單于斬之燒當羌寇金城護羌校尉劉盱討之斬其

渠帥壬戌詔曰朕聞明君之德啟迪鴻化緝熙康乂光照六幽緝熙

光明也六幽謂六合幽隱之處也訖惟人面靡不率俾仁風翔于海表威靈行乎鬼區

鬼區即鬼方然後敬恭明祀膺五福之慶獲來儀之貺尙書五福一曰壽二曰富三曰康寧四曰攸好德五

曰考終命來儀謂鳳也書曰鳳皇來儀朕曰不德受祖宗弘烈乃者鳳皇仍集麒麟竝臻甘

露宵降嘉穀滋生芝草之類歲月不絕朕夙夜祇畏上天無旨彰

于先功今改元和四年爲章和元年秋令是月養衰老授几杖行

糜粥飲食月令仲秋之令其賜高年二人共布帛各一匹曰爲醴酪死罪囚

犯法在丙子赦前而後捕繫者皆減死勿笞詣金城戍八月癸酉

南巡狩壬午遣使者祠昭靈后於小黃園小黃縣屬陳留郡故城在今汴州陳留縣東北漢舊儀曰昭靈后高

祖母起兵時死小黃北後爲作園廟于小黃柵陳留風俗傳曰沛公起兵野戰喪皇妣于黃鄉天下平定仍使使者以梓宮招魂幽野於是丹蛇在水自洒濯之入于紫宮其浴處有遺髮故諡曰昭靈

夫人甲申徵任城王尙會睢陽戊子幸梁己丑遣使祠沛高原廟豐

枌榆社前書音義曰枌白榆高祖里社在豐縣東北十五里原廟解見光武紀乙未幸沛祠獻王陵徵會東海

王政乙未晦日有食之九月庚子幸彭城東海王政沛王定任城

王尚皆從辛亥幸壽春壬子詔郡國中都官繫囚減死罪一等詣

金城戍犯殊死者一切募下蠶室其女子宮繫囚鬼薪白粲已上

減罪一等輸司寇作亡命者贖死罪縑二十匹右趾至髡鉗城旦

春七匹完城旦至司寇三匹吏民犯罪未發覺詔書到自告者半

入贖復封阜陵侯延為阜陵王己未幸汝陰縣名屬汝南郡今潁川縣冬十月丙子

車駕還宮北匈奴屋蘭儲等率眾降是歲西域長史班超擊莎車

大破之月氏國遣使獻扶拔師子扶拔似麟無角拔音步末反

二年春正月濟南王康阜陵王延中山王焉來朝壬辰帝崩於章

德前殿年三十三遺詔無起寢廟一如先帝法制

論曰魏文帝稱明帝察察章帝長者以上華章帝素知人厭明帝苛

切事從寬厚感陳寵之義除慘獄之科寵時為尚書以吏政嚴切乃上書除慘酷之科五十餘條具本傳也深

元元之愛著胎養之令元和二年令諸懷
倭者賜穀人三斛奉承明德太后盡心孝道割

裂名都曰崇建周親周至平徭簡賦而人賴其慶又體之曰忠恕

文之曰禮樂故迺蕃輔克諧羣后德讓謂之長者不亦宜乎在位

十三年郡所上符瑞合於圖書者數百千所烏呼懋哉懋美也

贊曰肅宗濟濟天性愷悌於穆后德諒惟淵體於穆歎美也尚書
曰齊聖廣淵也左右

藝文斟酌律禮藝文謂諸儒講五經同異帝親稱制論決也律謂
詔云立春不以報囚也禮謂修禘祫登靈臺之屬思服帝道弘此

長懋儒館獻歌戎亭虛候獻歌謂崔駰游太
學時上四巡等頌氣調時豫憲平人富

徐退山評漢宣章王間廢顯儒術碣石宮白虎觀逆為千古經學之宗詔

書鋪陳亦彬可誦

而雅

漢書
正本

肅宗孝章帝紀第三
終

金陵書局
汲古閣本

後漢書三

孝和孝殤帝紀第四

後漢書四

唐章懷太子賢注

孝和皇帝諱肇

謚法曰不剛不柔曰和伏侯古今注曰肇之字曰始肇音兆臣賢案許慎說文肇音大可反上諱也但伏侯許慎並漢時人而帝諱不同蓋應別有

所據肅宗第四子也母梁貴人為竇皇后所譖憂卒竇后養帝己為

己子建初七年立為皇太子章和二年二月壬辰即皇帝位年十

歲尊皇后曰皇太后太后臨朝三月丁酉改淮陽為陳國今陳州楚

郡為彭城國今徐州西平并汝南郡西平縣故柏子國也在今豫州吳房縣西北六安復為廬

江郡即今廬州廬江縣西故舒城是遺詔徙西平王羨為陳王六安王恭為彭城王

癸卯葬孝章皇帝于敬陵在洛陽城東南三十九里古今注曰陵周三百步高六丈二尺庚戌皇太后詔曰

先帝曰明聖奉承祖宗至德要道天下清靜庶事成寧今皇帝曰

幼年熒熒在疚疚病也熒熒然在憂病之中也熒或作嬾詩周頌云嬾嬾在疚朕且佐助聽政外有大國賢

王竝為藩屏內有公卿大夫統理本朝恭己受成夫何憂哉孔子曰舜何為

哉恭己正南面而已尚
書曰小子垂拱仰成然守文之際必有內輔已參聽斷侍中憲朕之元

兄行能兼備忠孝尤篤先帝所器親受遺詔當已舊典輔斯職焉

憲固執謙讓節不可奪今供養兩宮兩宮謂帝宮太后宮宿衛左右厥事已重

亦不可復勞已政事故太尉鄧彪元功之族三讓彌高元功謂高密侯禹也彪父邯中

興初有功封鄆侯父卒彪讓國異母弟鳳論語孔子曰泰伯三以天下讓民無得而稱焉鄭玄注云太伯周太王之長子欲讓其弟季歷太王有疾太伯因適吳越採藥太王薨而不返季歷為喪主一讓也季歷赴之不來奔喪二讓也終喪之後遂斷髮文身三讓也彪讓封弟故以比之鄆音莫杏反海內歸仁為羣賢首先帝褒

表欲已崇化今彪聰明康彊可謂老成黃耆矣老成言老而有成德也詩大雅曰雖無老成人黃謂

髮落更生黃耆者亦老也詩序曰外尊事黃耆其已彪為太傅賜爵關內侯錄尚書事百官總已

已聽古者君在諒闇百官總己之職事以聽于冢宰錄尚書事則冢宰之任也朕庶幾得專心內位於戲羣公其

勉率百僚各修厥職愛養元元綏已中和稱朕意焉辛酉有司上

奏孝章皇帝崇弘鴻業德化普洽垂意黎民留念稼穡文加殊俗

武暢方表界惟人面無思不服巍巍蕩蕩莫與比隆巍巍乎其有成功蕩蕩乎人無能名

武暢方表界惟人面無思不服巍巍蕩蕩莫與比隆巍巍乎其有成功蕩蕩乎人無能名

焉孔子美帝堯之詞見論語

周頌曰於穆清廟肅雝顯相清廟文王廟也於穆歎美之詞言助祭者禮儀敬且和也請上

尊廟曰肅宗共進武德之舞制曰可癸亥陳王美彭城王恭樂成

王黨下邳王衍梁王暢始就國建初三年章帝不忍與諸王乖離皆留京師今遣之國夏四月丙子

謁高廟丁丑謁世祖廟戊寅詔曰昔孝武皇帝致誅胡越故權收

鹽鐵之利武帝使孔僅東郭咸陽乘傳舉行天下鹽鐵作官府收利私家更不得鑄鐵煮鹽曰奉師旅之費自中興曰

來匈奴未賓永平末年復修征伐先帝即位務休力役然猶深思

遠慮安不忘危探觀舊典復收鹽鐵欲曰防備不虞寧安邊境而

吏多不良動失其便曰違上意先帝恨之故遺戒郡國罷鹽鐵之

禁縱民煮鑄入稅縣官如故事前書音義曰縣官謂天子其申敕刺史二千石奉

順聖旨勉弘德化布告天下使明知朕意五月京師旱詔長樂少

府桓郁侍講禁中長樂宮之少府也郁桓榮子也冬十月乙亥曰侍中竇憲為車騎將

軍伐北匈奴安息國遣使獻師子扶拔扶拔解見章紀

永元元年春三月甲辰初令郎官詔除者得占丞尉已比秩為真

漢官儀曰羽林郎出補三百石丞尉自占丞尉小縣丞尉三百石其次四百石比秩為真皆所以優之

夏六月車騎將軍竇憲出雞鹿

塞今在朔方臨渾縣北關駟十三州志云臨渾縣有大道西北出雞鹿塞

度遼將軍鄧鴻出柶陽塞

柶陽縣屬九原郡故

城在今勝州銀城縣界柶音固

南單于出滿夷谷

滿夷谷關

與北匈奴戰于稽落山大破之追

至和渠北鞬海竇憲遂登燕然山刻石勒功而還北單于遣弟右

温禺鞬王

鞬音丁兮反

奉奏貢獻秋七月乙未會稽山崩閏月丙子詔曰

匈奴背叛為害久遠賴祖宗之靈師克有捷醜虜破碎遂掃厥庭

詩曰仍執醜虜庭謂單于所常居也

役不再籍

猶言不籍再舉

萬里清蕩非朕小子眇身所能克堪

有司其案舊典告類薦功已章休烈

類祭天也書曰類于上帝薦進也以功進告於天

九月庚申

已車騎將軍竇憲為大將軍已中郎將劉尚為車騎將軍冬十月

令郡國弛刑輸作軍營其徙出塞者刑雖未竟皆免歸田里庚子

阜陵王延薨是歲郡國九大水

二年春正月丁丑大赦天下二月壬午日有食之東觀記曰史官不覺涿郡言之己亥

復置西河上郡屬國都尉官前善西河郡美稷縣上郡龜茲縣並有屬國都尉其秩比二千石十三州志曰典屬國武帝置掌納匈奴

降者也哀帝省并大鴻臚故今復置之夏五月庚戌分太山為濟北國分樂成涿郡勃海為

河間國丙辰封皇弟壽為濟北王開為河間王淑為城陽王紹封

故淮陽王昞子側為常山王賜公卿已下至佐史錢布各有差已

未遣副校尉閻萇討北匈奴取伊吾廬地丁卯紹封故齊王晃子

無忌為齊王北海王睦子威為北海王車師前後王竝遣子入侍

車師有後王前王前王即後王之予其庭相去五百里月氏國遣兵攻西域長史班超超擊降之六月

辛卯中山王烏薨秋七月乙卯大將軍竇憲出屯涼州九月北匈

奴遣使稱臣冬十月遣行中郎將班固報命南單于遣左谷蠡王

師子左谷蠡匈奴王號師子名也谷音鹿蠡音離出雞鹿塞擊北匈奴於河雲北大破之

三年春正月甲子皇帝加元服元首也謂加冠於首儀禮冠者先筮日後筮賓東觀記曰時太后詔袁安為賓賜東帛乘馬

賜諸侯王公將軍特進漢官儀曰諸侯功德優盛朝廷所敬異者賜位特進在三公下中二千石列侯宗

室子孫在京師奉朝請者黃金奉朝請無員三公外戚宗室諸侯多奉朝請漢律春曰朝秋曰請將大夫郎

吏從官帛將謂五官及左右郎將也大夫謂光祿太中中散諫議大夫也十三州志曰大夫皆掌顧問應對言議夫之言扶也言能扶持君父也賜民爵

及粟帛各有差大酺五日郡國中都官繫囚死罪贖縑至司寇及

亡命各有差庚辰賜京師民酺布兩戶共一匹二月大將軍竇憲

遣左校尉耿夔出居延塞居延縣屬張掖郡居延澤在東北武帝使伏波將軍路博德築遮虜障於居延城圍北單于

於金微山大破之獲其母闕氏闕氏匈奴后之號也音焉支夏六月辛卯尊太后母

泚陽公主東海恭王彊女為長公主辛丑阜陵王种薨阜陵王延之子冬十月癸未行

幸長安詔曰北狄破滅名王仍降仍頻也西域諸國納質內附豈非

祖宗迪哲重光之鴻烈歟迪蹈也言由祖宗蹈履明智有重光累聖之德成此大業也書曰茲四人迪哲又曰宣重光也寤寐

歎息想望舊京其賜行所過二千石長吏已下及三老官屬錢帛

各有差鰥寡孤獨篤癯貧不能自存者粟人三斛十一月癸卯祠

高廟遂有事十一陵詔曰高祖功臣蕭曹為首有傳世不絕之義

曹相國後容城侯無嗣朕望長陵東門見二臣之壠東觀記曰蕭何墓在長陵東司馬門

道北百步廟記云曹參冢在長陵旁道北近蕭何冢循其遠節每有感焉忠義獲寵古今所同可遣

使者曰中牢祠大鴻臚求近親宜為嗣者須景風紹封曰章厥功

續漢志曰大鴻臚掌封拜諸侯及其嗣春秋考異郵曰夏至四十五日景風至則封其有功也十二月復置西域都護騎都尉戊

己校尉官庚辰至自長安減弛刑徒從駕者刑五月

四年春正月北匈奴右谷蠡王於除鞬自立為單于款塞乞降於

鞬其名也鞬音九言反遣大將軍左校尉耿夔授璽綬東觀記曰賜玉具劔羽蓋車一駟中郎將持節衛護焉三月癸

丑司徒袁安薨閏月丁丑太常丁鴻為司徒夏四月丙辰大將軍

竇憲還至京師六月戊戌朔日有食之丙辰郡國十三地震竇憲

潛圖弑逆庚申幸北宮詔收捕憲黨射聲校尉郭璜郭況子也東觀記曰璜作璉音同

璜子侍中舉衛尉鄧疊疊弟步兵校尉磊皆下獄死使謁者僕射

續漢書曰謁者僕射一人秩千石為謁者臺率主謁者天子出奉引也 收憲大將軍印綬遣憲及弟篤景就國到

皆自殺是夏旱蝗秋七月己丑太尉宋由坐黨憲自殺八月辛亥

司空任隗薨任光子也癸丑大司農尹睦為太尉錄尚書事錄謂總領之也錄尚書自牟融

始也丁巳賜公卿百下至佐史錢穀各有差冬十月己亥宗正劉方

為司空十二月壬辰詔今年郡國秋稼為旱蝗所傷其什四已上

勿收田租芻橐有不滿者已實除之所損十不滿四者以見損除也武陵零陵澧中蠻

叛燒當羌寇金城

五年春正月乙亥宗祀五帝於明堂遂登靈臺望雲物大赦天下

戊子千乘王伉薨辛卯封皇弟萬歲為廣宗王廣宗縣名今貝州宗城縣隋煬帝諱廣故改為宗城

二月戊戌詔有司省減內外殿及涼州諸苑馬說文曰殿馬舍也漢官儀曰未央大殿長樂承華等

殿令皆秩六百石又云牧師諸苑三十六所分置西北邊分養馬三十萬頭自京師離宮果園上林廣成園悉已假

貧民恣得采捕不收其稅丁未詔曰去年秋麥入少恐民食不足

其上尤貧不能自給者戶口人數往者郡國上貧民已衣履金鬻

為貲而豪右得其饒利鬻音尋方言曰甑自關而東謂之鬻貧人既計金甑以為資財懼於役重多即賣之以避科稅豪富之家乘賤買故得其

饒利詔書實覈說文云覈考實事也欲有已益之而長吏不能躬親反更徵召會

聚令失農作愁擾百姓若復有犯者二千石先坐甲寅太傅鄧彪

薨戊午隴西地震三月戊子詔曰選舉良才為政之本科別行能

必由鄉曲周禮鄉大夫掌其鄉之政教考其德行察其道藝三年而舉賢能者於王而郡國舉吏不加簡擇故先

帝明敕在所令試之已職乃得充選漢官儀曰建初八年十二月己未詔書辟士四科一曰德行高妙志節清白二曰經

明行修能任博士三曰明曉法律足以決疑能案章覆問文任御史四曰剛毅多略遭事不惑明足照姦勇足決斷才任三輔令皆存孝悌清公之行自今以後審四科辟召及刺史二千石察舉

茂才尤異孝廉吏務實校試以職有非其人又德行尤異不須經職者別署狀上而

宣布已來出入九年二千石曾不承奉恣心從好司隸刺史訖無

糾察訖竟也今新蒙赦令且復申勅後有犯者顯明其罰在位不已

選舉為憂督察不已發覺為負負亦憂也非獨州郡也是已庶官多非

其人下民被姦邪之傷由法不行故也庚寅遣使者分行貧民舉

實流穴穴散也流散者舉案其實而給之開倉賑稟三十餘郡夏四月壬子封阜陵王

种兄魴為阜陵王种無嗣故以魴襲也六月丁酉郡國三雨雹東觀記曰大如鴈子秋九月

辛酉廣宗王萬歲薨無子國除匈奴單于於除鞬叛遣中郎將任

尚討滅之壬午令郡縣勸民蓄蔬食已助五穀蓄積也其官有陂池

令得采取勿收假稅二歲假猶租賃冬十月辛未太尉尹睦薨漢官儀曰睦字伯師鞏人

十一月乙丑太僕張酺為太尉是歲武陵郡兵破叛蠻降之護羌

校尉貫友討燒當羌乃遁去南單于安國叛骨都侯喜斬之

六年春正月永昌徼外夷遣使譯獻犀牛大象己卯司徒丁鴻薨

二月乙未遣謁者分行稟貸三河兗冀青州貧民許侯馬光自殺

東觀記曰光前坐黨附竇憲歸國為憲客奴所誣告乃自殺丁未司空劉方為司徒太常張奮為司空三

月庚寅詔流民所過郡國皆實稟之其有販賣者勿出租稅漢循周法商賈

有稅流人販賣故矜免之

又欲就賤還歸者復一歲田租更賦

復音

丙寅詔曰朕曰

眇末奉承鴻烈陰陽不和水旱違度濟河之域凶饉流亡

尚書曰濟河惟兗州

言東南據濟西北距河

而未獲忠言至謀所曰匡救之策寤寐永歎用思孔疚

也疾病也詩云憂心孔疚

惟官人不得於上黎民不安於下有司不念寬和而競為

苛刻覆案不急曰妨民事

不急謂非要

甚非所曰上當天心下濟元元也

思得忠良之士曰輔朕之不逮其令三公中二千石二千石內郡

守相舉賢良方正能直言極諫之士各一人昭巖穴披幽隱遣詣

公車

前書首義曰公車署名也公車所在故以名焉漢官儀曰公車令一人秩六百石掌殿門諸上書詣闕下者皆集奏之凡所徵召亦總領之

朕將悉聽焉

帝乃親臨策問選補郎吏夏四月蜀郡徼外羌率種人遣使內附

五月城陽王淑薨無子國除

章帝子也六月己酉初令伏閉盡日

日萬鬼行故盡日閉不干它事

秋七月京師旱詔中都宮徒各除半刑謫其未竟五月

已下皆免遣丁巳幸洛陽寺

寺官舍也風俗通云寺嗣也理事之吏嗣續於其中

錄囚徒舉冤獄收

洛陽令下獄抵罪司隸校尉河南尹皆左降未及還宮而澍雨西

域都護班超大破焉耆尉黎斬其王自是西域降服納質者五十

餘國南單于安國從弟子逢侯率叛胡亡出塞九月癸丑日光祿

勳鄧鴻行車騎將軍事與越騎校尉馮柱行度遼將軍朱徽使匈

奴中郎將杜崇討之冬十一月護烏桓校尉任尙率烏桓鮮卑大

破逢侯闕駟十三州志曰護烏丸擁節秩比二千石武帝置以護內附烏丸既而馮柱遣

兵追擊復之詔曰勃海郡屬冀州武陵漢中蠻叛郡兵討平之

七年春正月行車騎將軍鄧鴻度遼將軍朱徽中郎將杜崇皆下

獄死時南單于安國與崇不相平乃上書告崇崇令斷其章緣此驚叛安國卒見殺帝後知之皆徵下獄夏四月辛亥朔日有食之

帝引見公卿問得失令將大夫御史謁者博士議郎郎官會廷中

各言封事十三州志曰侍御史周官卽柱下史秩六百石掌注記言行糾諸不法員十五人出有所案則稱使者焉謁者秦官也員七十人皆選孝廉年未五十曉解償贖者

歲盡拜縣令長史及都官府丞長史博士秦官博通古今秩皆六百石孝武初置五經博士後稍增至十四員取聰明威重者一人爲祭酒主領焉議郎郎官皆秦官也冗無所掌秩六百石或四

百詔曰元首不明化流無良政失於民謫見于天謫譴也責也禮曰陽事不得謫見于天日為之

食深惟庶事五教在寬是已舊典因孝廉之舉已求其人武帝元光元年董仲舒初

開其議詔郡國舉孝廉各一人有司詳選郎官寬博有謀才任典城者三十人任堪也音仁林反

既而悉已所選郎出補長相長縣長相侯相也十三州志云縣為侯邑則令長為相秩隨令長本秩五月辛卯

改干乘國為樂安國干乘故城在今淄州高苑縣北樂安故城在今青州博昌縣南六月丙寅沛王定薨秋

七月乙巳易陽地裂易陽縣在易水之陽今易州也九月癸卯京師地震

八年春二月己丑立貴人陰氏為皇后賜天下男子爵人二級三

老孝悌力田三級民無名數及流民欲占者一級鰥寡孤獨篤癯

貧不能自存者粟人五斛夏四月癸亥樂成王黨薨甲子詔賑貸

并州四郡貧民五月河內陳留蝗南匈奴右温禺犢王叛為寇秋

七月行度遼將軍龐奮越騎校尉馮柱追討之斬右温禺犢王車

師後王叛擊其前王八月辛酉飲酎詔郡國中都官繫囚減死一

等詣敦煌成其犯大逆募下蠶室其女子宮自死罪已下至司寇

及亡命者入贖各有差九月京師蝗吏民言事者多歸責有司詔

曰蝗蟲之異殆不虛生禮記月令曰孟夏行春令則蝗蟲為災萬方有罪在

予一人而言事者專咎自下非助我者也朕寤寐恫矜思弭憂覺

尚書曰恫矜乃身孔安國注曰恫痛也矜病也言如痛病在身欲除之也矜音古頑反昔楚嚴無災而懼解見明紀成王出郊而

反風成王疑周公天乃大風禾則盡偃王乃出郊祭天乃反風起禾事見尚書將何曰匡朕不逮曰塞災變百僚師

尹勉修厥職刺史二千石詳刑辟理冤虐恤鰥寡矜孤弱思惟致

災興蝗之咎庚子復置廣陽郡高帝時燕國也昭帝元鳳元年為廣陽郡宣帝本始元年更為國也冬十月乙

丑北海王威有罪自殺北海郡今青州縣十二月辛亥陳王羨薨丁巳南宮

宣室殿火

九年春正月永昌徼外蠻夷及掸國重譯奉貢掸音攢東觀記作擅俗本以禪字相類或作禪

者誤也說文曰譌傳四夷之語也二月庚辰隴西地震癸巳濟南王康薨西域長史王

林擊車師後王斬之夏四月丁卯封樂成王黨子巡為樂成王六

月蝗旱戊辰詔今年秋稼為蝗蟲所傷皆勿收租更芻橐若有所

損失已實除之餘當收租者亦半入其山林饒利陂池漁採已贍

元元勿收假稅秋七月蝗蟲飛過京師八月鮮卑寇肥如肥如縣屬遼西郡前

書音義曰肥子奔燕封於此今平州也遼東太守祭參下獄死東觀記曰鮮卑千餘騎攻肥如城殺略吏人祭參坐沮敗下獄誅閏月

辛巳皇太后竇氏崩丙申葬章德皇后燒當羌寇隴西殺長吏遣

行征西將軍劉尚越騎校尉趙世等討破之九月庚申司徒劉方

策免自殺甲子追尊皇妣梁貴人為皇太后冬十月乙酉改葬恭

懷梁皇后于西陵諡法曰正德美容曰恭執義揚善曰懷東觀記曰改殯承光宮儀比敬園初后葬有闕竇后崩後乃議改葬十一月

癸卯光祿勳河南呂蓋為司徒蓋字君玉宛陵人也十二月丙寅司空張奮罷

壬申太僕韓稜為司空己丑復置若盧獄官前書曰若盧獄屬少府漢舊儀曰主鞠將相大臣也

十年春三月壬戌詔曰隄防溝渠所已順助地理通利壅塞禮記月令曰季

春之月修利隄防導達溝瀆開通道路無有障塞

今廢慢懈弛不巳為負刺史二千石其隨宜疏

導勿因緣妄發巳為煩擾將顯行其罰夏五月京師大水

東觀記曰京師大雨

南山水流出至東郊壞人廬舍

秋七月己巳司空韓稜薨八月丙子太常太山巢堪為

司空

堪字次朗大山南城人

九月庚戌復置廩犧官

漢官儀曰廩犧令一人秩六百石也

冬十月五州雨

水十二月燒當羌豪迷唐等率種人詣闕貢獻戊寅梁王暢薨

十一年春二月遣使循行郡國稟貸被災害不能自存者令得漁

采山林池澤不收假稅丙午詔郡國中都官徒及篤瘡老小女徒

各除半刑其未竟三月者皆免歸田里夏四月丙寅大赦天下己

巳復置右校尉官

東觀記曰置在清河鵠澤縣

秋七月辛卯詔曰吏民踰僭厚死傷

生是已舊令節之制度頃者貴戚近親百僚師尹莫肯率從有司

不舉怠放日甚又商賈小民或忘法禁奇巧靡貨流積公行其在

位犯者當先舉正市道小民但且申明憲綱勿因科令加虐羸弱

十二年春二月旄牛徼外白狼獾薄夷率種人內屬關駟十三州志曰旄牛縣屬蜀郡前

書曰旄牛所出歲貢其尾以為節旄詔貸被災諸郡民種糧賜下貧鰥寡孤獨不能自存

者及郡國流民聽入陂池漁采以助蔬食三月丙申詔曰比年不

登百姓虛匱匱乏也京師去冬無宿雪以其經冬故言宿也今春無澍雨黎民流

離困於道路朕痛心疾首靡知所濟瞻仰昊天何辜今人詩大雅周宣王遇旱

之詩言今人何罪而天令饑饉乎三公朕之腹心而未獲承天安民之策數詔有司務

擇良吏今猶不改競為苛暴侵愁小民董仲舒曰法出而乞求虛名委任下吏假執

行邪是董仲舒曰法出而令下而姦生禁至而詐起姦生令下而詐起巧法析律飾文

增辭禮記王制曰析言破律也貨行於言臯成乎手朕甚病焉公卿不思助明好惡

將何已救其咎罰咎罰既至復令災及小民若上下同心庶或有

瘳其賜天下男子爵人二級三老孝悌力田三級民無名數及流

民欲占者人一級鰥寡孤獨篤瘡貧不能自存者粟人三斛王子

賜博士員弟子在太學者布人三匹

武帝時置博士弟子太常擇人年十八以上儀狀端正者補焉昭帝增員滿百人宣

帝倍之元帝更設員千人成帝更增員三千人

夏四月日南象林蠻夷反

象林縣屬日南郡今鬱林州

郡兵討破之

閏月賑貸敦煌張掖五原民下貧者穀戊辰秭歸山崩

秭歸縣屬南郡古之夔國今歸

州也袁山松曰屈原此縣人既被流放忽然薨歸其姊亦來因名其地為秭歸秭亦姊也東觀記曰秭歸山高四百餘丈崩填谿水壓殺百餘人

六月舞陽大水

賜被水災尤貧者穀人三斛秋七月辛亥朔日有食之九月戊午

太尉張酺免丙寅大司農張禹為太尉冬十一月西域蒙奇兜勒

二國遣使內附賜其王金印紫綬是歲燒當羌復叛

十三年春正月丁丑帝幸東觀覽書林閱篇籍博選術藝之士召

充其官二月任城王尚薨丙午賑貸張掖居延朔方日南貧民及

孤寡羸弱不能自存者秋八月詔象林民失農桑業者賑貸種糧

稟賜下貧穀食己亥北宮盛饌門閣火護羌校尉周鮪擊燒當羌

破之荆州雨水九月壬子詔曰荆州比歲不節今茲淫水為害

淮南

子曰女媧積蘆灰以止淫水高誘注云平地出水為淫水餘雖頗登而多不均淡深惟四民農食

之本慘然懷矜其令天下半入今年田租芻稟有宜呂實除者如

故事貧民假種食皆勿收責冬十一月安息國遣使獻師子及條

枝大爵西域傳曰安息國居和犢城去洛陽二萬五千里條枝國臨西海出師子大雀郭義恭廣志曰大爵頸及身鷹蹄都似橐駝舉頭高八九尺張翅丈餘食大麥其卵如鸞

即今之駝鳥也丙辰詔曰幽并涼州戶口率少邊役眾劇東脩良吏進仕路

狹撫接夷狄呂人為本其令緣邊郡口十萬呂上歲舉孝廉一人

不滿十萬二歲舉一人五萬呂下三歲舉一人鮮卑寇右北平遂

入漁陽漁陽太守擊破之戊辰司徒呂蓋罷十二月丁丑光祿勳

魯恭為司徒辛卯巫蠻叛寇南郡巫縣屬南郡故城在今夔州平山縣也

十四年春二月乙卯東海王政薨繕脩故西海郡平帝時金城塞外羌獻地以為西海郡也光武

建武中省金城入隴西郡至是復繕脩之金城即今蘭州縣也徙金城西部都尉呂戍之三月戊辰臨辟雍

饗射大赦天下夏四月遣使者督荊州兵討巫蠻破降之庚辰賑

貸張掖居延敦煌五原漢陽會稽流民下貧穀各有差五月丁未

初置象林將兵長史官闕駟十三州志曰將兵長史居在日南郡又有將兵司馬去雒陽九千六百三十里六月辛卯廢

皇后陰氏后父特進綱自殺秋七月甲寅詔復象林縣更賦田租

芻藁二歲壬子常山王側薨是秋三州雨水冬十月甲申詔兗豫

荊州今年水雨淫過多傷農功其令被害什四已上皆半入田租

芻藁其不滿者已實除之辛卯立貴人鄧氏為皇后丁酉司空巢

堪罷十一月癸卯大司農徐防為司空是歲初復郡國上計補郎

官上計今計吏也前書音義曰舊制使郡丞奉歲計武帝元朔中令郡國舉孝廉各一人與計偕拜為郎中中廢今復之

十五年春閏月乙未詔流民欲還歸本而無糧食者過所實稟之

疾病加致醫藥其不欲還歸者勿強二月詔稟貸潁川汝南陳留

江夏梁國敦煌貧民前書音義曰陳留本鄭邑也後為陳所并故曰陳留今汴州縣也江夏郡高帝置沔水自江別至南郡華容為夏水過郡入江故曰

江夏四月甲子晦日有食之五月戊寅南陽大風六月詔令百姓

鰥寡漁采陂池勿收假稅二歲秋七月丙寅濟南王錯薨錯音七故反復

置涿郡故鹽鐵官續漢書曰其郡縣有鹽官鐵官者隨事廣狹置令長及丞秩次皆如縣也九月壬午南巡狩

清河王慶濟北王壽河間王開竝從賜所過二千石長吏已下三

老官屬及民百年者錢布各有差是秋四州雨水冬十月戊申幸

章陵祠舊宅癸丑祠園廟會宗室於舊廬勞賜作樂戊午進幸雲

夢臨漢水而還雲夢今安州縣也即在雲夢澤中十一月甲申車駕還宮賜從臣及留

者公卿已下錢布各有差十二月庚子琅邪王宇薨有司奏已為

夏至則微陰起靡草死可已決小事禮記月令曰孟夏之月靡草死麥秋至斷薄刑決小罪鄭之注云靡草薺亭歷之屬

臣賢案五月一陰爻生可以言微陰今月令云孟夏乃是純陽之月此言夏至者與月令不同是歲初令郡國已日北至案薄刑

十六年春正月己卯詔貧民有田業而已匱乏不能自農者貸種

糧二月己未詔充豫徐冀四州比年雨多傷稼禁沽酒夏四月遣

三府掾分行四州貧民無已耕者為雇犂牛直五月壬午趙王商

薨秋七月旱戊午詔曰今秋稼方穗而旱雲雨不霑疑吏行慘刻

不宣恩澤妄拘無罪幽閉良善所致其一切囚徒於法疑者勿決

已奉秋令禮記月令曰孟秋之月命有司修法制繕囹圄具桎梏斷薄刑決小罪方察煩苛之吏顯明其罰辛

酉司徒魯恭免庚午光祿勳張酺為司徒辛巳詔令天下皆半入

今年田租芻稟其被災者已實除之貧民受貸種糧及田租芻

稟皆勿收責八月己酉司徒張酺薨冬十月辛卯司空徐防為司

徒大鴻臚陳寵為司空十一月己丑行幸緱氏登百岷山即柏岷山也在洛州

緱氏縣南爾雅云山一成曰岷東觀記作賜百官從臣布各有差北匈奴遣使

稱臣貢獻十二月復置遼東西部都尉官西部都尉安帝時以為屬國都尉在遼東郡昌黎城也

元興元年春正月戊午引三署郎召見禁中漢官儀三署謂五官署也左右署也各置中郎將以司之郡國

舉孝廉以補三署郎年五十以上屬五官其次分在左右署凡有中郎議郎侍郎郎中四等無員禁中者門戶有禁非侍御者不得入故謂禁中選除七十五人

補謁者長相高句驪寇郡界夏四月庚午大赦天下改元元興宗

室曰罪絕者悉復屬籍五月癸酉雍地裂

東觀記曰右扶風雍地裂流俗本雍下有州者誤也

秋九

月遼東太守耿夔擊貊人破之冬十二月辛未帝崩于章德前殿

年二十七立皇子隆為皇太子賜天下男子爵人二級三老孝悌

力田人三級民無名數及流民欲占者人一級鰥寡孤獨篤癯貧

不能自存者粟人三斛自實憲誅後帝躬親萬機每有災異輒延

問公卿極言得失前後符瑞八十一所自稱德薄皆抑而不宣舊

南海獻龍眼荔支十里一置五里一候

南海郡秦置今廣州縣也廣雅曰益智龍眼也交州記曰龍眼樹高五六丈似

荔支而小廣州記曰子似荔支而員七月熟荔支樹高五六丈大如桂樹實如雞子甘而多汁似安石榴有甜醋者至日禺中翕然俱赤即可食置謂驛也奔騰阻險死

者繼路時臨武長汝南唐羌縣接南海

臨武縣屬桂陽郡今郴州縣也

乃上書陳狀帝

下詔曰遠國珍羞本已薦奉宗廟苟有傷害豈愛民之本其勅太

官勿復受獻由是遂省焉

謝承書曰唐羌字伯游辟公府補臨武長縣接交州舊獻龍眼荔支及生鮮獻之驛馬晝夜傳送之至有遭虎狼毒

害頓仆死亡不絕道經臨武羌乃上書諫曰臣聞上不以滋味為德下不以貢膳為功故天子食大牢為尊不以果實為珍伏見交阯七郡獻生龍眼等鳥驚風發南州土地惡蟲猛獸不絕於路

至於觸犯死亡之害死者不可復生來者猶可救也此二物升殿未必延年益壽帝從之章報羌即弃官還家不應徵召著唐子三十餘篇

論曰自中興已後逮于永元雖頗有弛張而俱存不擾是已齊民

歲增闢土世廣齊平偏師出塞則漠北地空都護西指則通譯四

萬西域傳曰班超定西域五十餘國皆降服西至海瀕四萬里皆重譯貢獻豈其道遠三代術長前世將服叛去

來自有數也

孝殤皇帝諱隆諡法曰短折不成曰殤古今注曰隆之字曰盛和帝少子也元興元年十二月辛

未夜即皇帝位時誕育百餘日誕大也詩大雅誕彌厥月先生如達鄭玄注云大矣后稷之在其母懷也終人道十月而生詩又云

尊皇后曰皇太后太后臨朝儀見皇北匈奴遣使稱臣詣

敦煌奉獻

延平元年春正月辛卯太尉張禹為太傅司徒徐防為太尉參錄

尚書事百官總已已聽封皇兄勝為平原王癸卯光祿勳梁鮪為

司徒漢官儀曰鮪字伯元河東平陽人也三月甲申葬孝和皇帝于慎陵在洛陽東南二十里俗本作順者誤尊

廟曰穆宗丙戌清河王慶濟北王壽河間王開常山王章始就國

夏四月庚申詔罷祀官不在祀典者東觀記曰鄧太后雅性不好淫祀鮮卑寇漁陽漁

陽太守張顯追擊戰沒丙寅曰虎賁中郎將鄧騭為車騎將軍司

空陳寵薨五月辛卯皇太后詔曰皇帝幼冲承統鴻業朕且權佐

助聽政兢兢寅畏也寅敬也不知所濟深惟至治之本道化在前刑罰

在後將稽中和廣施慶惠與吏民更始其大赦天下自建武曰來

諸犯禁錮詔書雖解有司持重多不奉行其皆復為平民壬辰河

東垣山崩垣縣今絳州縣也古今注曰山崩長七丈廣四丈六月丁未太常尹勤為司空郡國三

十七雨水詔曰自夏已來陰雨過節煥氣不效效猶驗也將有厥咎寤

寐憂惶未知所由昔夏后惡衣服菲飲食孔子曰吾無間然菲薄也問非也

今新遭大憂且歲節未和徹膳損服庶有補焉其減太官導官尚

方內署諸服御珍膳靡麗難成之物太官今周官也秩千石典天子厨膳導官掌擇御米導擇也尚方掌作御刀劍諸器

物內署掌內府衣物秩皆六百石並見續漢書

丁卯詔司徒大司農長樂少府曰朕曰無德佐助

統政夙夜經營懼失厥衷思惟治道由近及遠先內後外自建武

之初已至于今八十餘年宮人歲增房御彌廣又宗室坐事没入

者猶託名公族甚可愍焉今悉免遣及掖庭宮人皆為庶民曰抒

幽隔鬱滯之情

抒舒也食汝反

諸官府郡國王侯家奴婢姓劉及疲瘡羸老

皆上其名務令實悉秋七月庚寅勅司隸校尉部刺史

秦有監御史監諸郡漢興省之

但遣丞相史分刺諸州無有常官孝武帝初置刺史十三人秩六百石成帝更為牧秩二千石建武十八年復為刺史十二人各主一州其一州屬司隸校尉諸州常以八月巡行所部郡國錄囚

徒考殿最初歲盡詣京都奏事中興但因計吏見續漢書

曰夫天降災戾應政而至聞者郡國或有水災

妨害秋稼朝廷惟咎憂惶悼懼而郡國欲獲豐穰虛飾之譽遂覆

蔽災害多張墾田不揣流亡

揣音初委反

競增戶口掩匿盜賊令姦惡無

懲署用非次選舉乖宜貪苛慘毒延及平民

平民謂善人也書曰延于平人

刺史垂頭

塞耳阿私下比不畏于天不愧于人

詩小雅也

假貸之恩不可數恃自

今已後將糾其罰二千石長吏其各實覈所傷害爲除田租芻藁
八月辛亥帝崩癸丑殯于崇德前殿年二歲

贊曰孝和沈烈率繇前則王赫自中賜命彊慝慝惡也謂誅實慝等抑沒祥符

登顯時德謂用鄧彪等委政也殤世何早平原弗克平原王勝以固疾不得立也左傳曰弗克負荷

孝和孝殤帝紀第四

終



後漢書四